

1479

P59

01/12

2015

WT. 112

*The Gift of  
The Associates of  
The John Carter Brown Library*

BOISTUAC DE

LAUNAK P.

Primerio

Proprio

VI pag 471.



# HISTOIRE DES PERSECUTIONS

DE L'EGLISE CHRESTIENNE

ET CATHOLIQUE, FAISANT VN EM-

ple de discours des merueilleux combats qu'elle

a soustenuz, estant oppressée & affligée

sous la tyrannie de plusieurs Empereurs

Romains, commençant à nostre Sauueur le-

sus Christ, & à ses Apostres, & quelle a esté

la constance de leurs successeurs en icelle.

*Par feu Pierre Beistuan, surnommé Lannay,  
natif de Bretagne.*



A PARIS,

Chez Robert le Mangnier rue neuue nostre Dame, à l'ima-  
ge S. Jean Baptiste, & en sa boutique au Palais en la  
gallerie par où on va à la Chancellerie.

M. D. LXXVI.

AVEC PRIVILEGE DV ROY.

## Extrait du Priuilege.

**P**Ar grace & priuilege du Roy, il est permis à Robert le Mangnier & Vincent Norment, Marchâs Libraires de ceste ville de Paris, d'imprimer ou faire imprimer, vendre & distribuer vne ou plusieurs fois vn liure intitulé *Histoire des persecutions de l'Eglise Chrestienne & Catholique, faisant vn ample discours des merueilleux cōbats qu'elle a soustenus estant oppressee & affligée sous la tyrannie de plusieurs Empereurs Romains, commençant à nostre sauueur Iesus Christ & à ses Apostres, & quelle a esté la constance de leurs successeurs en icelle*, Par feu Pierre de Boistuaun surnomé Launay, natif de Bretaigne: Et fait deffence ledict Seigneur à tous Marchans Libraires, & autres de ce Royaume, de quelque estat & qualité qu'ils soient, d'imprimer ou faire imprimer, vendre ny distribuer en ses pays, terres & seigneuries, ledict liure, iusques au tēps & terme de six ans entiers & consecutifs, sur peine de confiscation desdicts liures, & autres peines contenues és lettres patentes dudit Seigneur. Veut & entend qu'au vidimus d'icelles, fait sous son seel Royal foy soit adioustée comme à l'original.

*Donné à Paris le huietième iour de Ianuier, mil cinq cens soixante & douze,*

Signé Par le Conseil,

DE COURLAN





A MONSIEVR DE COT-  
TE BLANCHE RECEVEVR  
des Aydes & Tailles, en l'E-  
lection de Meaux.

**M**ONSIEVR, parmy  
les miseres & afflictions  
lesquelles dès le ber-  
ceau m'ont esté fami-  
lières & fatales com-  
pagnes, ie n'en ay resenty aucune qui ait  
si auant penetré en l'interieur de mon ame  
que la mort du Seigneur de Launay no-  
stre commun amy, la memoire de laquel-  
le est encores si recente en mon cuer, &  
l'idée si frequente à mes yeux, que l'ar-  
deur de mes souspirs, ny le ruisseau de  
mes pleurs ne se peuuent abaler & tarir,



## EPISTRE.

Et sans l'assurance que j'ay que ie ne  
 suis seul deplorant la perte d'un si gen-  
 til personnage, ains que les Muses mes-  
 mes, Et tous ceux qui les cherissent, Et  
 de qui elles sont cheries, m'accompagnent  
 en sa funebre plaincte, j'aurois assez de  
 sujet, seul accablé du faix de la dou-  
 leur, pour suivre comme une autre The-  
 sée l'ombre de mon cher Pirithoë: Et au-  
 lieu de verser des pleurs sur sa cendre, y  
 immoler Et sacrifier la vie de celuy qui  
 ne prenoit lustre Et lumiere que du So-  
 leil de ses raritez Et perfections: Mais  
 hélas! au lieu que ie penserois effectuer  
 une acte digne de nostre amitié, ie l'of-  
 fenserois grandement, Et violerois la pro-  
 messe que ie luy feis lors de son decez, de  
 cherir, garder, Et avoir soing de ses en-  
 fans, nompas enfans corporels, ains spiri-  
 tuels, Et cœux comme une autre Pal-  
 las, de son docte cerneau: en la face des-  
 quels les vertus Et graces paternelles

sont si bien effigiées & représentées, qu'il semble renaistre en vne si belle progenie, pour y reuiure à perpetuité. Et entre autres me fut par luy recommandé vn sien posthume, qu'il vouloit nommer les persecutions de l'Eglise militante, lequel par la trop soudaine mort de son pere estoit demeuré manque & imparfaict d'une partie de ses membres: & me pria & cōiura par nostre amitié, de former & parfaire en luy ce qui restoit troncqué & mutilé, à fin qu'il ne vint en lumiere comme vn abortif & né auant terme. Et cōbiē que ie ne fusse paintre assez suffisant pour parfaire le tableau d'un tel Apelles, si est-ce que la priere d'un amy suiuiue du dernier soupir de sa vie, non seulement m'a inuité, ains forcé & cōtrainct d'une volōtaire & agreable contraincte fondée sur le deuoir d'amitié, d'entreprendre la continuation de son docte labeur, & le faire venir au iour nō en telle perfection



## EPISTRE.

que si le Seigneur de Launay y eust mis la derniere main, ains comme un pauvre orphelin qui tombe entre les mains d'un tuteur mal curieux. Or tel qu'il est encores paré & vestu d'habits funebres, ie l'ay voulu cōtenir dans les limites de l'humilité & modestie, & ne le vouër & offrir à Princes & grands Seigneurs, ains à vous qui aimiez & estiez aimé du pere, m'assurant que le verrez de bon œil, & le caresserez & receurez comme un gage de l'affection & du pere & du tuteur, & avec tel tesmoignage de beneuolence que l'ombre du deffunct en demeurera satisfaicte, moy deschargé, & le posthume fauorisé & recueilly comme il merite.

Vostre plus affectionné amy  
Pierre de Cistieres.

# L'Imprimeur,

Au Lecteur.

**N**E ne fay doubte (amy Lecteur) que ce traicte des persecutiōs de l'Eglise militante ne te soit grandement agreable, soit pour le sugiet qui est excellent & vrayement Chrestien, soit pour la memoire du feu Seigneur de Launay autheur d'iceluy. Quant au sugiet, estāt de soy mesme louable, il ne mēdie & recherche autre louange de toy, que celle qui est deuē par vn Chrestien & ferme zelateur de l'Eglise, aux choses qui sont Chrestiennes, & ne respirēt qu'un zeile de l'hōneur de Christ & de sa chere espouse: les afflictions de laquelle cruels & furieux assaulx contre elle dressez & en sa naissance & en son adolescence, par Sathan pere & autheur de mensonge, tu pourras veoir & remarquer en cest œuure, cōme en vn tableau, auquel sur vne superficie cœleste & diuine, avec le pinceau de verité, crayon &

A iiij

*Au Lecteur.*

couleurs des saintes Escriptures & autoritez des saints peres & docteurs, est effigiee & pourtraite la gigantomachie des tirans & heretiques: les vns desquelz avec l'impitoiable fer & les flâmes cruelles & deuorâtes se sont efforcez de meurtrir & mettre en cendre le nom Chrestien: Les autres accumulans & entassans leurs opinions erronées, comme nouueaux Encelades & Briarées, ont voulu escheler le ciel pour oster Iesus Christ de la dextre de Dieu son Pere, demêbrer la sainte & indiuidue Trinité, & introduire vn nouveau chaos, & obscurcir de tenebres Cymeriennes la lumiere Euangelique, qui commençoit de scintiller & espandre ses rayons en ce monde, pour y faire recongnoistre Iesus Christ le vray Soleil de la diuinité: Mais comme vn rocher qui battu & assailly des vents & des ondes, demeure ferme & immobile au milieu de la mer: ainsi l'Eglise Chrestienne parmy tant d'ennemis, de glaiues, de feux, de persecutions, de supplices preparez aux siens par les Empereurs payens & Ethniques, n'a peu estre esbranlée & subuertie, & encor moins par les ruses &



cautelles de Sathan , qui s'est efforcé de la polluer & contaminer d'erreurs , d'heresies, de scismes , diuisions , & opinions scandaleuses & pleines d'impieté, ains elle est tousiours demeurée ferme , constante, victorieuse, triomphante, splendide , nette & incontaminée:& telle demeurera, ores que toutes les furies infernales, Sathan, le monde , & la chair eussent coniuré & conspiré contre elle . Or voyla amy lecteur ce que i'auois , sommairement à te dire pour le suget de ce liure. Quant à l'auteur d'iceluy, ie croy que ce me seroit vn labeur inutile, de faire voguer ma nef en la mer de ses louanges, & seroit proprement offrir des eaux à Neptune , porter du bois en la forest d'Ida , & des vaisseaux à Corinthe: car i'estime que le nom du feu Sieur de Launay, par ses doctes œuures qui r'ont esté souuentefois présentées, t'est si bien cogneu, & non seulement à toy & à nostre France, ains à tout l'vniuers, qu'il n'est besoing que ie m'efforce te dire quel il fut pour te le faire cognoistre dauantage. Tu as de si rares & excellens tesmoignages de son gentil esprit , & du desir qu'il a eu d'illu-

*Au Lecteur.*

strer sa langue & sa patrie, que tu ne peux  
que iustement le louer, & encore plus  
iustement deplorer la trop soudaine &  
precipitée mort, qui nous a priué d'un  
homme si studieux & amateur des lettres  
& de la vertu: lequel si Dieu luy eust con-  
cedé plus longue vie t'eust fait voir ce  
traicté avec plus de perfection que ie ne  
le te presente: mais preuenue de la mort, il  
a esté contraint le laisser comme un pau-  
vre pupille orphelin de son pere en la tu-  
telle d'un sien amy: lequel voulant parfaire  
en luy ce que le Sieur de Launay auoit  
laissé imparfait, l'a suiuy peu apres au  
mesme chemin de la mort, comme si ce-  
ste mort estoit enuieuse sur la perfection  
de l'œuvre, & indignée contre ceux, qui  
y veulent mettre la dernière main. Si est-  
ce que pour l'honneur que j'ay tousiours  
porté à tout ce qui est yssin de la plume du  
Sieur de Launay, ie n'ay laissé de recueil-  
lir & receuoir ce sien dernier labeur, & à  
fin qu'il ne fust enseuely avec la cendre  
de son auteur, luy faire veoir la lumie-  
re, & l'exposer aux yeux d'un chacun.  
Donques Lecteur, tu le receueras en gré  
pour satisfaire à la memoire de celuy au-



quel tu ne peux nyer d'estre tenu pour a-  
voir employé le meilleur de son aage à te  
faire part de ses doctes & penibles lucu-  
brations & labeurs; Et de ce que tu trou-  
ueras manque & imparfaict, n'en accu-  
se l'autheur, ains la mort, qui ayant  
trop tost mis fin à sa vie, ne luy a  
permis de mettre fin à son  
œuure. A Dieu.



## Argument

De l'œuvre.

**P**lusieurs grands personnages depuis la creation du monde (mesme ceux qui ont eu quelque sentiment de la Religion) se sont fort estonnez des afflictions, cruels assaulx, & furieux combats qui se sont dressez contre l'Eglise, veu que Iesus Christ l'appelle son espouse, sa colombe, sa mieux aimée, & qu'il promet de luy assister iusques à la consommation des siecles : Ioinct que Dauid magnifiant ceste sauuegarde de Dieu, & le soing qu'il a des siens, tesmoigne qu'il a deffendu aux Roys d'oultrager ses oings, & de molester ses Prophetes : Et neantmoins il n'y a presque chose aucune entre les humains qui ait souffert plus de mutations & d'eclipses, & qui ait esté plus souvent dissipée, déchirée, & deffigurée & exposée en proye des tyrans, & si continuellement agitée çà & là par diuers tourbillons & tempestes, qu'il semble proprement qu'elle flotte incessamment entre tous les perils du monde. Ceux icy desquels i'ay parlé au commencement n'ont faiet que glisser, ou chanceler, & n'ont seruy

que de soufflets aux autres pour alumer le feu de leur impiété : Mais il en est survenu d'autres beaucoup plus effrontez, abhominables & dignes de perpetuelle execration entre les hommes : Car si tost qu'ils ont senty que le Sauueur affligoit ainsi les siens, & qu'il leur laissoit (selon le dire du Prophete) dès sa ieunesse traîner la charrie sur le dos, ils ont commencé à se ruer contre Dieu d'une impetuosité enragée, & sont tombez en de profonds abyssmes, iusques à l'accuser d'estre tyrant, de souffrir ainsi affliger les siens, & si se sont desbordez par telle impudence, que non seulement ils ont degorgé leurs blasphemes execrables contre Iesus Christ : mais encores ont ils estimé que quant à leurs ames, ils ne différoient en rien aux autres animaux, & ne se peuent persuader que celui que nous croyons immortel, ait habité en nostre chair mortelle, & que la vie nous soit donnée par celui qui a souffert mort, & que celui qui s'est laissé condamner, nous puisse absoudre, ou que par celui qui s'est laissé clouer les mains & ouvrir le costé, paradis nous soit ouuert : Tout cela est en scandale à la chair & au sang : Ils voudroient bien croire un Dieu fils le pouuoient separer de sa croix, & qu'on le leur baillast tout glorifié. Et afin que ceste vermine ne rampe plus auant, & que l'E-



## Argument

glise, lors qu'elle est affligée, ne leur soit plus en-  
fable, nous traicterons en premier lieu des ora-  
ges terribles que Sathan a suscité en l'Eglise pri-  
mitiue & continué iusques à nostre siecle, pour  
empescher que l'Euangile n'esclairast aux hom-  
mes, & que la gloire du royaume de Dieu ne fust  
auancée, suscitant quelquefois des tyrans pour  
vexer les corps des pauvres fidelles par vne infi-  
nité de diuers tourmens: Nous traicterons secon-  
dement de l'astuce de Sathan, lequel voyant que  
par les tourmens des corps il ne sauanoit en-  
rien, & qu'il ne faisoit autre chose que peupler  
les cieux d'une infinité d'ames precieuses, il a  
commencé à se masquer, & a voulu myner par  
soubz terre, introduisant en la famille du Sau-  
ueur des scismes, & heresies, afin que les ames  
des enfans de Dieu, qui sont mille fois plus pre-  
cieuses que les corps, fussent par ce moyen empoi-  
sonnées, englouties, abyssmées, & enseuelies en  
ses laqs: mais en quelque sorte que ce serpent cau-  
teux ait dressé ses embusches pour s'opposer au  
Royaume de nostre Dieu, il a perdu son temps,  
ses entreprises sont esuanouyes, & ses obstacles  
rompus. Mais considerons vn peu les choses de  
plus pres, y a il eu oncques nation ou estat au  
monde qui ait esté plus hay ou detesté que celuy  
des Chrestiens, lequel a esté tellement assailly de

tous costez; qu'il sembloit que toutes creatures animees fussent alumées & enflammées contre eux, & qu'on les deust abymer à chasque minute de temps? Car si tost que quelqu'un estoit si hardy d'ouvrir la bouche pour se dire Chrestien, il estoit soudain accusé de crime de lèse maïesté, on sefforçoit de le faire sacrifier aux Idoles, on l'exposoit aux bestes pour estre dévoré, on le faisoit trainer par les rues aux queües des cheuaux, & ainsi rompus & brisez on ordonnoit qu'ils fussent mis en prison dessus des liëts faictz de pots casséz, afin que leur repos leur fust plus cruel que le martyre. Quelquefois on les faisoit fouir les metaux, on leur mettoit du plomb fondu sur les parties honteuses, on leur attachoit les bras & les iambes aux rameaux des arbres courbez, puis les laissoit-on retourner en leur naturel, afin que par ce moyen ils fussent déchirez & mis en pieces: On couppoit à aucuns les oreilles, les mains, & les leures & orteils des pieds, leur laissant seulement les yeux pour leur faire endurer plus de peine: Aux autres on faisoit mettre des esclies de bois entre le cuir & la chair, aux autres on faisoit ardre leurs corps toute la nuit, afin de les faire servir de torches & flambeaux aux citoyens de Rome. On faisoit aux autres enveloper leurs corps tous vifs & tous nuds en des

Eusebe.

Nicéphore.

Iustin.



## Argument

*Cornelius Tacitus li. 15.* peaux de bestes sauvages, afin que les chiens de-  
ceux par la similitude des bestes les denorassent  
& meüssent en pieces. Encores n'estoit ce pas as-  
sez, car quand les courages des princes estoient  
quelquefois rassasiez de les persecuter, & qu'ils  
commençoient vn peu à respirer & prendre a-

*Justin en son Apologie. Ensebe, li. 4. chap. 7.* leine, il se fleuoient incontinent des calomnia-  
teurs, tout ainsi que des bouillons d'eau, qui par  
vne nouvelle recharge, accusoient ces pauvres  
Chrestiens d'estre incestueux, qu'ils se mesloient  
indifferemment avec toutes femmes, sans auoir  
esgard ny à leurs meres ny à leurs sœurs, mesmes  
iusques à les accuser de manger de la chair humaine,  
& se paistre par delices de la chair des petits  
enfans. Et ce pendant que ces pauvres innocens  
estoient ainsi affligez, le commun peuple n'estoit  
point oysif: car il reiectoit tous les accidēs & ad-  
uersitez qui leur suruenoient sur les Chrestiens. Si  
on auoit perdu vne bataille, si les viures defail-  
loient, si les treblemens de terre, si les inondations  
des eaux, si les pestes, gresles apportoit quelque  
dōmage, tout cela ne procedoit (disoient-ils) que  
de l'ire de leurs Dieux de ce qu'on laissoit habiter  
les Chrestiens sur la terre: de sorte que ces pau-  
ures gens n'auoient quasi autres temples pour s'as-  
sembler ou magnifier Dieu en leurs aduersitez,  
que des caues ou cauernes sous terre, ou bien  
quelques

quelques vieux sepulchres ou cachots de bestes  
brutes par les boys & montaignes, tant ils e-  
stoient en grand opprobre & horreur: Mais ne  
nous esbahissons nous maintenant qu'il se trou-  
uaft aucun qui voulust estre Chrestien à telle  
condition, veu qu'ils auoient continuellement la  
mort deuant les yeux, mesmes qu'on ne pardon-  
noit ny à femmes ny à vieilles gens ny à petits  
enfans: Dauantage que ceux qui estoient prins  
estoient incontinent gehennez iusques au quatre  
ou cinquiesme point pour manifester leurs com-  
paignons, de sorte que le plus souuent tout l'estat  
de l'Eglise pendoit du silence d'un homme ou  
d'une femme comme d'un filet: Et ce pendant  
que ces tyrans exerçoient leur carnage, & qu'ils  
baignoient ainsi la terre du sang de ces martyrs,  
les heretiques & ennemis familiers du nom de  
Dieu ne dormoient pas: Car pensant trouuer la  
maison du Seigneur vuide, ils se fourroient de-  
dans, semoient leur faulx doctrine comme nous  
auons prediét, & faisoient chasser les bons Pa-  
stours de leurs Eglises: de sorte qu'ils estoient con-  
trainctz de se retirer és pais estranges pour de-  
meurer cachez comme bannis & enseueliz. Et  
neantmoins quelque effort que sathan ait sceu  
faire avec ses ministres & organes infames,  
quelques escarmouches & embuches qu'il ait

## Argument

dressé, il n'a peu empescher le cours de l'Euangile, ny obscurcir la gloire de Dieu, ny mesme tant faire qu'une petite poignée de gens par une constance inuincible de la foy ne soit venue au dessus de ses grosses tempestes, & que l'Eglise n'ait suruescu apres tous les tyrans & heretiques qui l'ont molestée, & qu'elle ne persiste eternellement comme en resuscitant de mors infinies: Car combien que les couronnes des Roys tombent par terre, & que les sceptres des Empereurs se cassent & brisent, & que la gloire des republiques flettrisse, si est-ce que l'Eglise ne peut estre renuersée, exterminée ou estaincte: Car elle est appuyée sur le fondement de la Verité de Dieu, & son ancre sacré est monté iusques au ciel, lequel est tenu ferme & immobile par la main de celui qui ne peut estre remué de sa place. Et cōme tesmoigne ce grand Prophete Esaie, le Soleil ne luy sera plus pour la lumiere des iours, & la splendeur de la Lune pour la clarté des nuités: Car le Seigneur luy sera en lumiere perpetuelle: Mais par ce que nous auons à deduire cecy avec plus grande vehemence en tout le discours de nostre œuvre, le lecteur se contentera de ce peu, mesmes cognoistra en ce que nous auons dict, l'ardeur & le Zele de l'Eglise ancienne lors qu'elle n'estoit pas ainsi charnelle, & que le sang de Iesus Christ



bouilloit encores tout frais dedans les vaines de  
noꝝ ancestres: pour lors la foy estoit ferme &  
constante, la religion pure & simple, la foy e-  
stoit si viuement enracinée à leurs cœurs, qu'il  
ne se respandoit pas vne seule goutte de sang en  
vain: les terreurs de la persecution ne les espou-  
uentoient en rien, l'auarice & les delices du  
monde qui ne sont que les messagiers de l'ire de  
Dieu, les mensonges & vaines esperances des  
grands ne les pouuoient faire chanceler: bref l'a-  
mour, ardeur, & le Zele qu'ils auoient au Sei-  
gneur, non seulement leur faisoit surmonter tout  
le desir charnel, mais mesmes leur faisoit rom-  
pre, briser, & conquerir la force de Sathan &  
du monde.

F I N.

B ij



COMME LE SAVVEVR  
du monde s'est le premier exposé aux  
combats, & comme ses afflictions  
ont surpassé celles de tous les  
plus excellens martyrs  
du monde.

Chapitre premier.



Y ANT en ce premier  
liure à traicter des affli-  
ctions & persecutions  
corporelles de l'Eglise,  
il nous faut commen-  
cer par le Chef, & l'es-  
poux d'icelle, à fin que nous rougissions  
de hôte de fuyr ou tourner le doz quand  
nous entendrons sonner l'alarme, & que  
les ennemis seront en campagne, mes-  
mes soubz ce Chef couronné d'espines,  
lequel s'est le premier exposé aux perils &



combatz des diables & des hommes:  
Commençant par l'entree qu'il a faicte  
en ce monde : A elle esté superbe ou glo-  
rieuse ? luy a lon erigé des arcs triom-  
phaulx, des colonnes de marbre, de brô-  
ze ou de pourphire pour la sollemniser?  
A peine estoit il fortý de sa creche ( qui e-  
stoit tout le parement de ses couches )  
que ses ennemis ont dressé leurs cornes.  
Voicy en premier lieu Herodes qui sort  
de sa cauerne comme vne grand' beste *Math. 2.*  
affamée du sang humain, qui commence  
à luy liurer le premier assault, de sorte que  
le pensant surprendre , baigna ses mains  
au sang de tous les enfans qui estoient en  
Bethlehem & toutes les marches d'icelle  
de deux ans & au dessoubz : Et non con-  
tent de les auoir ainsi arrachez des mǎ-  
melles de leurs meres , & les auoir tous  
meurdrez & occis, il s'est monstré si affe-  
ctionné à la ruine de Iesus Christ, & trou-  
blé d'vne mauuaise consciēce qui le bru-  
loit comme vne cauthere , de la peur  
qu'il auoit que son Royaume ne luy fust  
osté , qu'il ne pardonna pas à son propre  
filz qu'il ne meurdrist comme les autres,  
comme Philo & Macrobe tesmoignent:

## *Des persecutions de l'Eglise*

*Jeremie a-  
uoit predicté  
la mort de  
ces petits en-  
fans, Iere.  
31.*

*Matth. 4.  
Luc. 4.  
Marc. 1.*

*Matth. 12.  
c. 16.*

Ce que ce grand Herault & Prophete de Dieu Ieremie auoit predicté longuement auant qu'il aduint, lors qu'il disoit, la voix a esté ouye en Rhama, complaincte, pleur, & grand hurlement: Rachel plore ses enfans & n'a voulu estre consolée, pour ce qu'ilz ne sont plus. Apres ces orages & tempestes d'Herodes, Sathan a voulu estre de la partie, sentant qu'il estoit venu pour la ruyne de son Royaume, luy suscitant vne infinité d'ennemys si terribles & enuenimez, qu'onques homme mortel ne fut plus durement combattu. Il l'assailloit quelque fois par presence, luy proposant les Royaumes transitoires de ce monde, pour le faire trespucher: mais par le seul soufflé de sa bouche toutes ses entreprinſes estoient renuerſées & rompues. Il agaçoit quelque fois ses suppostz, & organes contre luy, comme les Sacrificateurs, Scribes & Pharisiens, & le reste du populaire, à fin de l'exterminer, opprimer & esteindre: Mais celuy qui estoit descendu en terre pour obtenir victoire, & triompher de ses ennemis ne pouuoit estre opprimé ny vaincu. Qu'ont fait ces satrappes du Diable a-

pres tous ces premiers assaulx : Ils ont  
commencé à l'escarmoucher de plus pres,  
& ont accusé le Sauueur du monde de  
deux crimes enormes, de blaspheme , &  
de sedition, qu'il troubloit la religion que  
Moyse auoit instituée, qu'il subuertissoit *Luc. 25.*  
le peuple, qu'il violoit le sabath, & que ce  
iour là il guarissoit les malades & impo-  
tens , qu'il pardonnoit ouuertement les  
pechez, qu'il defendoit qu'on ne payast le  
tribut à Cesar, qu'il conuersoit avec les  
pecheurs & publicains, qu'il preschoit &  
enseignoit sans legitime vocation : &  
toutesfois il repoulloit toutes leurs ca-  
lommies avec vne modestie & atrempan-  
ce si grande qu'ils s'en tetournoient tous  
confuz, abatuz & honteux en leur ames.  
Quelquefois aussi il enffoit son stille, spe-  
ciallement lors qu'il estoit question de  
l'honneur de son pere : Comme lors que  
Sathan demanda qu'en se prosternant en  
terre il l'adorast, où il le repoulfa si rude-  
ment . Et quand il trouua les marchans  
au temple, qui faisoient leur magazin de  
la maison du Seigneur : Car il feit lors ce  
que iamais n'auoit esté veu ne ouy, il res- *Marc. 11.*  
pandit les deniers, renuersa les changes, *Math. 21.*  
*Luc. 19.*



*Des persecutions de l'Eglise*

foïetta les vsuriers, & appella tous ceulx de la troupe larrons : Mais ce pauvre peuple estoit frappé d'un tel auement & obstination qu'il ne pouuoit souffrir que leurs vices & abuz execrables fussent repris ou descouuertz. Qu'ont ils fait, apres auoir ainsi calomnié Iesus Christ, ils ont commencé apertement à desgorger leurs oultrages, & escumer leur rage, & ont semé par tout qu'il chassoit les Diables au nom de Beelzebuth, ils l'ont banny, chassé & excommunié de leurs Synagogue, ils l'ont appelé gourmand, yuroigne, recelleur de pecheurs, filz de charpentier, iusques à ozer prononcer ce blaspheme qu'il estoit possédé du diable. Et non contents de tant de persecutions, ils ont voulu venir à l'effaict. Ils ont quelque fois pris des pierres pour le lapider s'il ne se fust retiré d'eulx, ils l'ont voulu precipiter du hault d'une montaigne en bas s'il ne fust eschappé de leurs mains. Bref leur rage n'a point esté satisfaitte iuques à ce qu'ils l'ayent veu esleué en l'air, & crucifié au milieu de deux brigans & larrons, comme s'il eust esté le plus grand meurtrier ou volleur de tous : Encores que se-

*Math. 9.*

*Ioan. 8.*

*Ioan. 7*

*& 10.*

*Ioan. 4. 9.*

*& 10.*

*Luc. 4.*

Ion la chair il fust yssu de la lignée Royale de Dauid. Ce que ce grand oracle de Dieu Esaie l'ayant preueu longuement deuant qu'il aduint, auoit predict & haultement chanté, quand il se exclame, chap. 53. Qu'il seroit mis au rang des ini- *Esa. 53.* ques & accompaigné des meschans: comme aussi auoit fait ceste claire trompette de Dieu Dauid, Psal. 181. Lequel l'introduisant parlant de luy mesme, il dict, ie ne suis homme, ains vn ver de terre, le reproche & la honte des hommes. Et en vn *Esa. 56.* autre passaige où il tesmoigne qu'il n'a *Ps. 53.* caché sa face à ceux qui l'ont voulu souffler, ny ses espaules à ceulx qui l'ont voulu frapper, ny sa barbe à ceux qui l'ont voulu arracher, ny mesme (comme crye le prophete Ieremie) fermé sa bouche à ceux qui luy ont voulu empoisonner sa viande, & sa vie. Le prophete Esaie par l'esprit de Dieu preuoyant tout cecy desiroit de veoir ces combats. Quand il disoit, nous souhaittons de veoir cest homme contemné & mesprisé de tous, ce grand chef & capitaine de douleurs, nous souspirons apres luy, nous nous lamentons à toute heure pour l'ardent de- *Psal. 69.* *Matth. 27.*

*Des persecutions de l'Eglise*

*Psal. 68.*

fir que nous auons de le veoir , & non sans cause le Prophete l'appelloit Chef d'afflictions & douleurs : Car qui considerera par ordre la detresse de la natiuite de Iesus Christ iusques à sa mort , il trouuera que tout le mystere de son humanité, n'est autre chose que vne enclume de douleurs , & vn abyfme de trauaux , c'est pourquoy le Sauueur parlant à son pere par la bouche du Roy & prophete Dauid s'escrie , O Dieu sauue moy : car les eaux sont entrées iusques à l'ame : comme fil vouloit dire, pere eternal, ayde à mon humanité exposée à tant de detresses: car les eaux des tribulations qui me sont suruenues sont si grandes qu'elles m'ont entré iusques à l'ame: Chose certainement veritable: Car qui voudra considerer ce que le fils de Dieu a souffert pendant qu'il a conuersé avec les hommes en la terre, on trouuera que luy seul a excédé tous les autres martyrs du monde. Et le mesme Prophete poursuyuant les afflictions du Sauueur au Psalme lxxxviiij. l'introduit encores se plaignant ainsi à son pere. Ta fureur est arrestée sur moy , & m'as accablé de tous les flots , tes fureurs sont pas-

*Psal. 88.*



fées sur moy, & tes estonnemens m'ont  
accablé. Comme fil vouloit dire, qu'ay-  
ie delinqué contre toy mō pere? En quoy  
t'ay-ie desobey, veu que tu descharges ain  
si sur moy tes courroux & m'estonnes de  
tes terreurs? Or y a il chose digne d'estre  
considerée en tout le mistere des tribula-  
tions de Iesus Christ, & qui doit appor-  
ter vne merueilleuse consolation aux  
pecheurs fils en scauent faire leur prof-  
fict: c'est qu'au milieu de routes les plus  
violentes & cruelles oppressions que Sa-  
than & le monde ont peu machiner con-  
tre le fils de Dieu, sa bonté a esté si gran-  
de, & le rayon de sa charité a tellement  
esclairé qu'il a eu soing de sa creature, &  
qu'il a prié pour ses persecuteurs & enne-  
mis: car estant esleué au gibet, & sentant  
les angoisses de la mort biē proches, ayāt  
sa chair percée de cloux, & son chef cou-  
ronné de poignantes espines, l'aiguillon  
de pitié luy donna vn tel assaut que ou-  
biant toutes les particulieres afflictions,  
ayant le cœur tout embrasé de l'amitié  
qu'il portoit à l'homme, s'adressant à son  
pere il luy dit: O pere eternal en recōpen-  
se de mes peines & larmes, & de ceste

## *Des persecutions de l'Eglise*

passion que ie souffre, estant cloué en cest arbre, en recompense d'auoir reconcilié le mōde avec toy, ie ne veux autre chose sinon que tu pardōne à ce miserable peuple, afin qu'avec mon propre sang leur coulpe soit soudée, & que par le tourmēt de ma mort ils demeurent viuifiez. O bonté immense de Dieu (disoit ce grand Euesque d'Espaigne se plongeant profondement en la contemplation de ces choses.) O bonté digne d'espouuenter les hommes, & de raurir les Anges en admiratiō: les Iuifs crient que le sang de Iesus Christ soit sur eux & leurs enfans: & Iesus Christ demande à son pere le contraire, afin que son sang leur serue. D'aymer son ennemy c'est acte d'homme parfait: mais de pardonner à celuy qui ne veut obtenir pardon, c'est pour estonner tout vn mōde: car autre que Iesuchrist ne le feit oncques: car soudain apres que les Hebreux crient qu'il soit crucifié, & la vengeance de son sang soit sur nous & les nostres, le verbe diuin s'escrie en l'arbre de la croix, pere, pardonne leur. Ceste parole est bien autre que celle d'Abel qui crioit de la terre au ciel, iustice, iustice:

*Gueuare  
en ses ser-  
mons.*

mais Iesus Christ crie pour les siens misericorde, misericorde. Dauid pourfuyuant dignement ceste matiere au Psal. 109. *Psal. 109.* parlant encores en la personne du Seigneur, escrit: Les bouches des meschans remplies de fallaces se sont ouuertes contre moy, & ont prononcé mensonges: ils m'ont enuironné de parolles haineuses & m'ont faict la guerre sans cesse, & au lieu que ie les aymois, ils m'ont esté aduersaires, & me mettois pour eux en oraison, ils m'ont rendu le mal pour le bien, & la haine pour mon amitié. Comme si Iesus Christ eust voulu dire par l'organe du Prophete. O Synagogue Synagogue, ie sçay bien que tu ne m'as sçeu faire plus grand mal que tu m'as faict. Tu m'as hay de ton cœur, blasphemé de ta langue, occis de tes mains, & en recompense de quoy ie prie mon pere pour toy. Et certes ainsi que le Prophete l'auoit predict, Iesus Christ l'a accomply: Car au temps qu'ils le crucifioient avec les cloux: qu'ils auoient en derision ses propheties: au tēps qu'il payoit leurs debtes en la croix, & portoit le fardeau de leurs pechez & des nostres: au tēps qu'il arrosoit la terre de



*Des persecutions de l'Eglise*

son sang, & qu'il ouuroit les cieux avec ses larmes, il prioit Dieu pour eux. Voyla doncques en somme quelques lineamēts grossiers & proiects des afflictions de Iesus Christ, lesquelles ont esté si extremēs que tant s'en faut qu'on les peut digne-ment exprimer par escript, que mesmes toutes les pensées des hommes ne sont pas suffisantes pour les cōcevoir. Et toutesfois quel fruct est il resorty de ceste palme qu'ils ont tāt chargée, & de ce sang qu'ils ont ainsi ignominieusement respādu. O digne mort, ô persecutions triomphantes, puis que par icelles il a obtenu victoire contre le royaume des tenebres. Il a essuyé les larmes de son peuple, il a esté tout le des-hōneur de la terre cōme le Prophete le tesmoigne. Il a fait poser les armes à Sathā, il a desmoly sa forteresse, & cōme vn capitaine victorieux il a triōphé de ses despouilles. Il a arraché les bōs peres de ces prisons obscūres où ils estoient. O mort heureuse qui a fait veoir ce grād patriarche à Abrahā, à Iacob, à Moysē, Dauid & tous les iustes du temps passé l'accomplissement de leurs desirs, le bur de leurs sospirs, le remede de leur tristesse,

la consolatioo de leurs fascheries, & la victoire mesmes contre la mort . O mort heureuse , voire cent foys heureuse , par laquelle la vie eternelle nous est donnée. O sang heureux, par le benefice duquel toutes les playes du genre humain sont souldées & les portes du ciel ouuertes.

*LES COMBATZ DES APOSTRES, & quelz traictemens ils ont receu des tyrans apres que le Sauueur du monde fut mōté au ciel. Chapitre II.*

**T**Ant sen fault que par la mort de Iesu Christ, Sauueur & redempteur du monde, son Eglise ait esté enseuelie, ou esteincte , que mesme elle a tellement esté arrosée, & plantée de son sang, qu'en despit de Sathan & de ses ministres infames elle demeurera en son integrité & verdeur, & florira eternellement. Le Seigneur doncques estant monté au ciel, en sa gloire triomphante , n'a point voulu laisser son Eglise veufue , ou orpheline, exposée aux vagues & naufrages de ce monde : mais il a laissé comme heritiers

*Des persecutions de l'Eglise*

de ses peines & afflictions douze Ap-  
stres, & grand nombre de disciples, pour  
luy seruir de pillotes, pour le regir & gou-  
uerner selon l'ordre qu'il auoit institué,  
ausquels il commanda de publier sa pa-  
rolle, & planter l'Euangile par tous les  
coings de la terre, & comme heraux &  
ambassadeurs donna charge de reduire  
tout le monde en son obeissance: Et pour  
mieux auctoriser leur legation, & hono-  
rer leur charge, il les doua de dons mer-  
ueilleux, & graces speciales, par lesquel-  
les ils feroient discerner d'auec le vulgai-  
re, & en admiratiō & frayeur aux grandz:  
Car non seulement il leur donna puissance  
de nettoyer les ladres, & guarir de tou-  
tes maladies, chasser les esprits malings, &  
resusciter les mortz: mais mesmes de re-  
tenir & remettre les pechez; Et encores  
ne s'est il pas voulu contenter de les mag-  
nifier seulement en ces choses: mais à fin  
de les exalter dauantage estant monté au  
ciel à la dextre de son pere, il a voulu  
monstrer qu'il en auoit soing: Car il res-  
pandit visiblement & sensiblement en  
langues de feu decouppées le saint esprit  
sur eulx. Il les a appelez la clairté du  
monde,



mōde, le sel de la terre: a promis d'escouter ceux qui les escouteront, & qu'il reiectera ceux q. les reiecterōt. Et neātmoins combien qu'il les ayt singulierement aimez, si est ce qu'il a voulu qu'ils trainassent leur croix apres luy, & qu'ils beussent & participassent au calice de sa passion. Car incontinent apres le departement qu'il a faict de ce monde, il les a mis en campagne comme porte enseignes & guidons, à fin que par l'effusion de leur sang la semence de l'Euangile demeurast perpetuellement scellée & grauée en noz cueurs, & qu'ils arrossassent par leurs larmes & tourmēs, ce que luy mesmes auoit au parauant planté. *Persecutions de S. Paul.* Commençons doncques par ce grand colonel de l'exercice de Dieu Sainct Paul, lequel de persecuteur & tirant est deuenu la butte & le blanc où toutes les fleches des plus cruelles persecutions qui ont esté faictes pour soustenir le nom de Iesu Christ, se sont venues decocher & briser. Qu'il ait persecuté l'Eglise de Dieu furieusement il le cōfesse luy mesme en l'epistre premiere à Timothee, Philippées troisieme, & Galathes premier. Il faisoit mettre en prison

*Des persecutions de l'Eglise*

& battre par les Synagogues les pauvres  
fidelles, il les contraignoit de blasphemer,  
& s'efforçoit à toute extremité de les fai-  
re mourir, & qui plus est estoit du nom-  
bre de ceux qui accuserent, condamne-  
rent, & lapiderent Sainct Estienne, & en-  
cores pour mieux couronner le triom-  
phe de la mort du pauvre martyr, il gar-  
doit les abillemens des bourreaux qui le  
meurdrissoient, comme il appert par le  
septiesme & huitiesme chapitre des a-  
ctes : Mais depuis que ce grand soleil  
de Iustice commença à fouldroier les  
rayons de sa lumiere sur luy, & que les  
pointes secrettes de son iugement eu-  
rent penetré son ame, il demeura court  
comme l'agneau qu'on veut immoler, &  
comme tout espouuenté, effrayé, & ab-  
batu du iugement de Dieu, il s'exclame  
du profond de son cœur. O seigneur que  
veux tu que ie face ? & deslors commen-  
ça à entrer en la moisson du Sauueur, le-  
quel, ainsi que dict le prophete, faict des  
vens ses Anges, & des flammes de feu ses  
ministres : ce qui est bien practiqué en  
sainct Paul, lequel a couru par le monde  
comme vn feu, & vn vent, & courant a

purgé & purifié , par vn zele & ardeur merueilleux de la foy, toutes les prouinces où il passoit: Car si nous voulons considerer par ordre le temps de trente sept ans assiduz ausquels il a exercé son ministère , en combien de merueilleux destroictz il sest trouué peregrinant par la terre , & en combien de naufrages il sest exposé en la mer , en disputes qu'il a eu avec les fidelles , les verges que luy ont donné les barbares, les controuerfes qu'il a eu avec les Hebreux, les sermons qu'il a faicts aux Chrestiens, nous nous estonnerons comme vn corps enuironné de ceste chair mortelle, a peu soustenir tant de cruelz assaulx . Ce grand docteur Grec Sainct Iehan Crisostome nous seruira de loyal tesmoing en cecy , lequel *Homelie* 8.  
xaminant les afflictions de l'Apostre , & magnifiant l'aïse qu'il auoit à la publication de la parolle du Sauueur escrit ce qui sensuyt. Tout ainsi (dict il) que les yeux qui regardent ententiuelement le soleil sont incontinent esbloys pour la splendeur de ses rayons , ainsi sont les miens mal asseurez, mesme mon entendement estonné quand ic contemple la clairté  
C ij



*Des persecutions de l'Eglise*

admirable, & la vertu resplendissante de  
Saint Paul lequel comme vn soleil a il-  
luminé tout le monde par les rayons de  
sa langue, & peregrinant par toutes les  
prouinces du monde annonçant la pa-  
rolle du Sauueur, il a suiuy le cours &  
ordre du Soleil, & comme ayant l'esprit  
deliuré du corps a volé par dessus toutes  
les regions, mesmes en la saison qu'une  
grande mer de horribles maux le venoit  
assaillir de tous costez: car les Iuifz le chas-  
soient de toutes les prouinces comme  
vne peste qui corrompoit toutes les tra-  
ditions & ordonnances de leurs peres les  
gentilz: le desdaignoient & auoient en  
horreur comme vn prescheur d'un Dieu  
mort & crucifié. Considere doncques vn  
peu la fureur de la mer bouillante & tu  
connoistras la vertu du gouuerneur &  
pillote: car c'estoit au commencement  
de la naissance de l'Euangile que la nou-  
ueauté de la predication luy suscita des  
tourbillons si vehemens: mais ce vaisseau  
d'election estimoit ceste guerre ouuerte  
de tout le monde beaucoup plus plaisan-  
te que toute la paix que les humains luy  
sçauroient iamais offrir: car les oppres-  
sions qu'il receuoit pour l'Euangile luy

estoyent soulas & plaisir: pour ceste cause il a circuy & enuironné la Grece & la Barbarie: avec les playes, blesseures & outrages a eu plus de ioye que les Roys avec leurs ornemens & triomphes: il prenoit plus de plaisir en ses naufrages & dangers que les mondains ne font en leurs richesses & thesors: il se glorifioit plus en ses vlcères & cicatrices que les princes en leurs couronnes. Il s'exaltoit autant en ses tribulations que les autres font en leurs delices: l'ordure & immondicité de la prison luy estoit aussi agreable comme font les chasteaux & lieux de plaisir aux autres: Et non sans cause, Sainct Iean Chrysostome magnifie en si bons termes l'excellence & patience de l'apostre: Car si vous conferez ses tourmens & labeurs avec tous les saincts de l'ancié & nouveau testamēt, vous n'en trouuerez pas vn qui ait esté plus affligé, ou furieusement persecuté que luy: mais combien de fois en Damas, Ierusalē, Corinthe, Rome, Athenes, Thessalonicelique & Ephese s'est-il exposé à la fureur de ses persecuteurs? cōbien a il senty de tentations de l'esprit, & les dars enflâmez du diable, mesmes nous

## *Des persecutions de l'Eglise*

*Ephes. 6.*

a donné l'instruction pour nous garder de leurs embusches, quād il nous instruit aux Epheses, que nous n'auons pas seulement à combattre cōtre la chair & le sang, ains contre les principautez, les recteurs des tenebres & les malices spirituelles: mais combien d'oppressions & miseres a il endurées és prisons de Philippes, Ierusalem, Cesarée & de Rome où il a esté deux ans prisonnier, il a reçu des Iuifs cinq quarantaines de playes moins vne, il a esté trois fois battu de verges, il a esté vne fois lapidé, il a combatu contre les bestes en Ephese. Brief pour le dernier trophée & victoire de tous ses cōbats il eut la teste tranchée à Rome, sous ce bourreau & tyran infame Nerō, cōme S. Hierosme, Eusebe, & Nicephore tesmoignēt.

*Nicephore  
liure 2.  
chap. 25.*

*Fin du second chapitre.*



Considerōs vn peu si les autres Apostres ont reçu meilleur traictement, afin que ceux qui vivent en ce monde comme en vn paradis de delices, considerent en combien d'oppressions, calamitez & miseres se sont exposez ceux qui nous ont



precedez pour l'auancement du Royau-  
me de Iesus Christ. Venons à Sainct Pier-  
re, lequel non seulement a esté compai-  
gnon de saint Paul en armes spirituel-  
les, mais aussi s'est exposé aux cruels as-  
sauts & furieux cōbats de la chair. Sainct  
Pierre a esté des plus fauorisez entre tous  
les Apostres de Iesuchrist, lors que le Sei-  
gneur se voulut transfigurer en la mon-  
tagne il estoit l'un de ceux que le Sau-  
ueur mena avec luy. Et estât encores en-  
uelopé de ceste chair mortelle, il cōmen-  
ça à veoir quelque rayon & estincelle de  
la maiesté diuine: il vit lors Helie & Moy-  
se qui deuisoient avec Iesuchrist: il ouit la  
voix du pere qui rendit tesmoignage de  
ce Iesus Christ, & qu'il estoit son fils bien  
aymé, auquel il auoit prins son plaisir.  
Voicy vn autre merueilleux tesmoignage  
de beneuolēce du Sauueur enuers saint  
Pierre. Quand il interrogea ses disciples,  
que disoient les hommes qui il estoit, les  
vns disent que tu es lean Baptiste, les au-  
tres Helie, les autres Jeremie, ou quel-  
qu'un des Prophetes. Et vous qu'ē dictes  
vous, dit le Seigneur? Et lors Pierre respō-  
dit que tu es le Christ, & le fils de dieu vi-

*Math. 17.*

*Marc. 9.*

*Luc. 9.*

*Math. 16.*

## *Des persecutions de l'Eglise*

*Ioan. 16.*

uât. Tu es bié heureux (dit le Sauueur) car la chair & le sang ne te la pas reuelé, mais mon pere qui est aux cieulx. Aussi dis-ie que tu es Pierre, & sur ceste pierre i'edifieray mon Eglise, & les portes d'enfer ne pourront rien à l'encontre d'icelle. Les graces que le Sauueur a faictes à Sainct Pierre ont esté confirmées par le don des miracles. Il guerit le boyteux de nature à la porte du temple, auquel il dist, ie n'ay ny or ny argent, mais ie te donne ce que i'ay au nom de Iesus Christ, leue toy & chemine, lequel incontinent se leua sur ses plantes & talons fermes & saulta magnifiant Dieu deuant le peuple. Il resuscita de mort à vie la veufue Tabitha à la requeste des pauures veufues qui monstroient les robbes qu'elle leur auoit données. Et Sainct Pierre se prosternant à genoulx ayant faict sa priere & se tournant vers le corps, dist, leue toy Thabitha, & elle ouurir ses yeux, & voyât Pierre, elle s'assist: Ayant doncques appellé les veufues il la leur mōstra & rendit vifue. Tous ces miracles font emerueillables, mais celuy d'Anania & Saphira espouente: car par le seul souffler de sa pa-

*Act. 3.*

*Act. 9.  
Ceste histoire est  
amplement  
descripte  
aux Actes 3.*

rolle il les fist mourir tous deux : ce qui n'est aduenü à aucun des autres Apostres . Tout ainsi que le Sauueur l'auoit doué de plusieurs dons excellens & singuliers entre ses Apostres : aussi ail permis qu'en exerçant son ministere , il ait soustenu de furieux assaulx , & terribles combatz. Simon le magicien qui vouloit achepter la puissance de conferer le Sainct Esprit par argent luy a dressé de <sup>Act. 8.</sup> merueilleux allarmes , mais il l'a courageusement repoulsé, comme il est escript aux Actes huictiesme , quand il luy dist, ton argent soit avec toy en perdition , tu n'as point de part ny d'heritaige en cest affaire, ie croy que tu es en fiel d'amertume , & en lieu d'iniquité . Au Concil de Hierusalem il a eu guerre ouuerte contre les faux Apostres , descourant apertement la faulceté & corruption de leur doctrine. En sa seconde epistre il combat contre les faux docteurs , au chapitre troisieme il refute les Epicuriens . Apres tant de contentions ilz sont venüz à l'effaict , ils l'ont fustigé, ilz l'ont amené deuant le magistrat , ils l'ont emprisonné <sup>Act. 5.</sup> plusieurs fois , mais par vne constance



## *Des persecutions de l'Eglise*

247.5.

Origene  
3.  
tome sur  
Genese.

inuincible il contemnoit toute leur rage,  
& tesmoignoit à haute voix qu'il faillloit  
plustost obeyr à Dieu qu'aux hommes:  
quelquefois ils ont prins complot de le  
faire mourir, mais il estoit tousiours deli-  
uré par la puissance de celuy qui n'aban-  
donne iamais l'innocent au besoin, mes-  
mes enuoyoit ses anges pour luy ouurir  
les portes & le tirer de tenebres des pri-  
sons, avec l'estonnement, & terreur du  
peuple. Bref qui voudroit racompter par  
ordre ce qu'il a souffert annonçant l'E-  
uāgile en Antioche, Ponte, Galatie, Cap-  
padocie, Asie, Bithinie, Babylone, Ale-  
xandrie & autres prouinces, le subiect se-  
roit assez grand pour bastir vn gros liure.  
Finablement apres tant de trauerfes il  
souffrit la couronne de martyre sous  
l'Empereur Neron, selon Origene, Euse-  
be, Tertulian, saint Hierosme, Dama-  
scene, ce qu'aucuns qui sont venus depuis  
ne veulēt admettre, mais par ce que nous  
auons à traicter plus amplemēt ceste ma-  
tiere, & plusieurs autres qui sont en con-  
trouerfe en nostre œuure second, qui for-  
tira en lumiere (Dieu aydāt) apres cestuy,  
où nous traicterons des afflictions de ce

ſiecle , nous ferons fin à ce chapitre: Et pourſuyuans l'ordre que nous auons commencé nous deduirons les combatz & tourmens de Saint Iean . Cest apostre excellent, cousin de Ieſus Chriſt, ne-  
ueu de la vierge Marie, prophete de l'E-  
gliſe, peinctre des cieulx , croniqueur de  
Dieu: celuy qui ſe reſoſa ſur le ſein de Ie-  
ſus Chriſt , & auquel il manifesta le  
traistre qui le deuoit vendre: Celuy au-  
quel il donna ſa mere en garde : Celuy  
ſeul entre les Apoſtles qui a appelle  
le filz de Dieu parolle , & qui a dict  
que ceſte parolle , auoit eſté faiſte chair:  
Celuy qui a ſi haultement reſonné ceſt  
excellent & eſpouuentable miſtere de  
la diuinité du filz de Dieu: il a , com-  
me les autres , ſouſtenu les cuiſantes  
menaces du peuple , il a experimenté  
leurs terribles & cruelles perſecutions:  
Car lors que les Apoſtles ſe diuiſerent  
pour aller és regions eſtranges annon-  
cer les œuures du filz de Dieu , l'Asie  
(comme Euſebe teſmoigne chapit. i. du 3.  
liure) eſcheut à S. Iean, où il endura de  
merueilleuſes trauerſes à conuertir le  
peuple. Il a fort ſemblablement trauaillé

*Afflictions  
de ſaint  
Iean.*

## Des persecutions de l'Eglise

*Irene li-  
ure 3. cha-  
pir. 11.*

*On ne  
peut cer-  
tainement  
deduire.  
de quelle  
mort S.*

*Iean mou-  
rut: car les  
historiens  
sont diuers  
en cela.*

*Du regne  
de Domi-  
tian com-  
me Eusebe  
tesmoigne  
chap. 19.  
du 3. liu.*

à renuerſer les reſueries pernicieuſes de  
Bion & Cerinthus, qui diſoyent que Je-  
ſus Chriſt eſtoit engendré de la ſemence  
de Joſeph, & qu'il eſtoit ſeulement hom-  
me, & non filz de Dieu eternal. Son epi-  
ſtre monſtre qu'il a eu d'autres combatz  
contre d'autres faux docteurs, qui a-  
uoient calomnié la verité. Nous trou-  
uons aux Actes quatrieſme, comme il a e-  
ſté mis en priſon en Ieruſalem avec Saint  
Pierre & les autres pour maintenir le  
Royaume de Jeſu Chriſt: il fut puis apres  
exillé en l'isle de Pathmos, où il receut les  
reuelations de ſon Apocalypſe du regne  
de Domitian. Finablement il fut ietté en  
vne chaudiere d'huile bouillante, com-  
me aucuns hyſtoriens eſcriuent. Les  
deux Saincts Iacques ont ſuiuſy les traces  
des autres, ilz ont ſcellé l'Euangile du  
ſeau de leur ſang. Sainct Iacques le maieur  
frere de Sainct Iean eut la teſte tren-  
chée par le commandement de Herodes  
douze ans apres la reſurrection de Jeſus  
Chriſt, Actes huiſtieſme chapitre. Le ſe-  
cond Apoſtre de ce nom fut appellé Ia-  
ques le Juſte. Ce nom luy fut impoſé à  
cauſe de ſon excellence, & integrité de



vie. Il fut sanctifié dès le ventre de sa me-  
re Il ne beut iamais vin, ceruoise, ny autre  
brèuuaige composé. Il ne mengeâ iamais  
chair, ny chose qui eust ame. Iamais fer  
n'attouchâ sa teste ny onques ne fut oing  
ou baigné. Il n'vsoit point de draps de lai-  
ne, mais se couuroit seulement d'un lin-  
ceul. Il n'auoit aucun à qui il fust per-  
mis d'entrer en vn lieu secret du tem-  
ple qu'on appelloit *sancta sanctorum* qu'à  
luy. Il estoit si affectionné & assidu à prier  
pour les pechez du peuple, que la peau de  
ses genoux estoit endurcie, comme celle  
d'un chameau. Finablement le peuple es-  
tant mutiné contre luy à cause de sa do-  
ctrine, & du tesmoignage qu'il donnoit  
du fils de Dieu, le mena sur le pinacle du  
temple, & le precipita du haut en bas: &  
estant tōbé sur les genoux & voyant qu'il  
prioit encores pour leurs pechez, ils de-  
meurerent frappez d'un tel aueuglemēt  
& obstination, qu'ils l'assommerēt & luy  
briserent la teste avec vn baston de quoy  
les teincturiers pressent leurs draps, com-  
me Clemēt, Egesipus en ses commentai-  
res, & Eusebe apres eux tesmoignent. Et  
afin que nous n'ennuyons les lecteurs par

*Voy aussi  
de cecy To-  
sephe au  
20. liure de  
ses antiqui-  
tez.*

## *Des persecutions de l'Eglise*

*Nicephore  
liure 2.  
Chap. 48.*

*Marcelin  
escriit que la  
punitio que  
les Perses  
donnent*

vne si longue narration des afflictions des Apostres, il nous suffira de conclure en general qu'il n'y a celuy des douze qui n'ait rendu suffisant tesmoignage de la mort & passion du Seigneur, & de sa doctrine, ou par l'effusion de leur sang, perte de leur vie, ou par quelque autre affliction ou marque notable, comme saint Simon aagé de six vingts ans qui fut crucifié à la suscitation de quelques heretiques, comme Eusebe apres Egesipe escriit en sa cronique. Saint Matthieu, ainsi qu'escriit Nicephore, fut attaché en terre avec des cloux en Mirmene cité des Cambales annonçant l'Euangile. Abdias escriit que saint Thomas fut transpercé de picques en Indie annonçant l'Euangile. Saint André fut crucifié, selon saint Cyprian au liure du double martyre. Saint Barthelemy seul entre les Apostres extraict de noble lignée selon la chair, comme Damascene affirme, estât neveu du Roy de Syrie, fut escorché & finalement mis à mort en Albane ville d'Arménie, par le commandement d'Astrageres selon Sabellique. Et par ce que les historiés ne cōuiennēt pas en leurs croniques aux

genres de mort de ces derniers Apostres, <sup>à leurs</sup> <sup>mal fai-</sup> <sup>teurs, est</sup> <sup>de les fas-</sup> <sup>re escor-</sup> <sup>cher.</sup>  
il m'a semblé bon de retrancher icy beau-  
coup de choses que i'eusse peu exaggerer  
auec plus de parolles selon le merite du  
subiect.

DES MOYENS QUE SATHAN  
a tenuz apres la mort des Apostres,  
pour assaillir & opprimer l'Eglise & quelle  
a esté l'issue de tous ses desseings.

Chapitre III.

**A** Pres que Sathan eut veu que  
les Apostres, heraux, & mes-  
sagiers de la gloire du Sau-  
ueur auoient si heureusement  
plantés les premiers tiges de l'Euangile, &  
qu'avec vne ardeur & constance inui-  
nible ils auoyent soustins la hayne, vio-  
lence & impetuosité de tout le monde, il  
commencé à se debouter de ses forces,  
& a voulu tenter diuers moyens, & dar-  
der d'autres fleches. Et ainsi qu'en la nati-  
uité du Sauueur il festoit aydé d'Hero-  
des à fin de l'opprimer & esteindre du  
tout: aussi pour donner le second alarme  
aux enfans de Dieu, il a esleu par son



## *Des persecutions de l'Eglise*

*La premiere  
persecu-  
tion de  
l'Eglise  
commença  
par Neron  
Voy Ter-  
tullian en  
son Apo-  
logetique.*

*Voy sa vie  
en Suetone,  
Dion Ca-  
sius, Taci-  
te, Eutro-  
pe & Oro-  
se.*

*Chap. II.*

bourreau & satrape ce cruel & renommé tyrant Neron, à fin que sous le seul nom de ces anciennes cruaultez ce pauvre peuple demeurast estonné & abbatu. Cest execrable tyrant n'estoit pas content d'auoir commis inceste avec sa mere, de l'auoir faict apres estrangler & anatomiser, violé les vierges Vestales, fait ouurir toutes les veines du corps à son precepteur Senecque, auoir faict mourir ses deux femmes Octauié & Pompée, precipité son filz en la mer avec vne infinité de telles abhominations & carnages, si d'abondant il ne baignoit ses mains au sang du peuple de Dieu. Le diable donques ayant trouué cest organe infaiect prest à luy seruir de ministere, & humer le sang des pauvres innocens, il ne l'a pas voulu laisser oysif, ains luy a faict mettre la faux en la moisson du Seigneur si asprement, que le pauvre peuple (sentant sa rage si ardente en ses persecutions) pensoit que ce fust l'Antechrist predict par les prophetes, comme saint Hierosme le tesmoigne sur Daniel: & comme ce detestable tyrant fut tousiours extreme en toutes ses cruaultez, aussi l'auisa il de mettre le feu

le feu à Rome , qui dura six iours & six  
 nuitz , à fin que par cest embrasement le  
 feu de Troye luy fust representé : dequoy  
 ayât encouru vne haine implacable cōtre  
 les citoiēs, pour les adoucir il suborna des  
 tesmoings leur baillant argent, à fin qu'ils  
 asseurassent que c'estoient les Chrestiens  
 qui auoient embralé leur cité : dequoy le  
 peuple irrité, se banda contre eux de tel-  
 le sorte que les prisons ne regorgeoient  
 que l'hideur des Chrestiens , & toutes les  
 rues n'estoient ionchées que de corps  
 morts. Ils flamboient les vns, & mettoyēt  
 les autres en croix , faisoient boire leur  
 sang aux chiens , allumoyent leurs corps,  
 & les faisoient seruir de flambeaux la  
 nuit, les enueloipoient tous vifs de peaux  
 de bestes sauuages, ours , lions & autres  
 semblables , puis les exposoient és chiens  
 affamez , à fin qu'estans deceuz par la si-  
 militude des peaulx ils feussent plus as-  
 pres à les deuorer & mettre en pieces. Et  
 par ce que i'ay fait mention en quelque  
 autre mien œuvre des es ciuautez & car-  
 nages, i'y mettray fin pour le present, mes-  
 me que Cornelius Tacitus historiogra-  
 phe payen & enneiny des Chrestiens, en

*La cause  
 pourquoy  
 Neron per-  
 secuta les  
 Chrestiens.  
 Platine.*

*Aux hi-  
 stoirs pro-  
 digieuses.  
 Cornelius  
 Tacitus.*

## Des persecutions de l'Eglise

*Tertulian  
en son A  
pologei-  
que.*

*Neron fut  
le premier  
entre les  
Emperours  
qui perse-  
cuta les  
Chrestiens.  
Nicephore  
livre 2.*

*chap. 37. .  
Il mourut  
agé de 32.  
ans, le 14.  
an de son  
Empire.*

rend suffisant tesmoignage, comme aussi fait Nicephore, Paul Orose, saint Augustin, Tertulian, Eusebe & Platine. Et apres que ce malheureux Empereur eut scandalizé tout le monde, & vommy sa puante colere contre les Chrestiens, il reçeut vne fin condigne de sa vie: car auât que mourir, il se veit priué de l'Empire, iugé ennemy du Senat, & s'estant caché en des cavernes toutes plaines d'excremens humains, il se meurdrit soy mesme, encores se trouua-il si intimidé d'une mauuaise conscience qui le pressoit par dedans, que les forces luy defaillirent pour executer son sacrifice, & eut besoing d'appeller vn sien fauorit à son ayde, qui luy auoit quelque fois seruy aux delices de la chambre, puis faisant quelques gestes horribles & monstrueux de sa face, il rendit son ame à tous les diables. Et fut le nom de cest execrable tyran si odieux à sa posterité, que vn des plus excellens peintres de l'Europe nommé Diogeneto, pour l'auoir parfaitement bien representé au naturel en certain tableau, fut condamné par le decret du Senat, d'estre banny, & le tableau bruslé: parce qu'un homme si abomina-



ble en sa vie ne meritoit d'estre immortalisé par si excellente peinture. Apres la mort de Neron les pauvres Chrestiens eurent quelque peu loisir de respirer, & estoiet quasi retirez cōme à l'ombre, pour l'ardeur des persecutiōs precedētes. Voicy de rechief ce grand tyran Domitiā qui vint leuer sa cresse: lequel apres qu'il eut tué, meurdry, & banny vne infinité de notables personages, commis inceste avec la fille de son frere, & commandé par Edicts publics qu'il fust appellé, reclamé & honoré comme Dieu, il conuertit en fin sa fureur contre les Chrestiens comme vray successeur & heritier de la cruauté de Neron: car ce monstre maudict ayāt entendu qu'il deuoit sortir vn de la lignée de Dauid, qui le chasseroit de l'Empire, il se trouua à l'instāt saisi d'vne telle crainte & frayeur qu'il fist curieusement rechercher tous ceux qui estoient de la race de Dauid entre les Iuifs, & en feist faire vn massacre vniuersel, reserué deux, qui furent miraculeusement conseruez par la benediction de Dieu. Ces deux estoient du parentaige charnel du Sauueur Iesus Christ, & interrogez par Do-

Seconde  
persecution  
sous Domitian.

## *Des persecutions de l'Eglise*

mitian de leur origine, de leurs facultez, ils recongneurent, deuant luy qu'ils estoient descendus de Dauid, & quant à leurs facultez, qu'ils viuoient pauuement du labeur de la terre, & voyât leurs mains enducies du trauail, il les interrogea de rechef du royaume de Iesus Christ & quand il deuoit venir, & ayant fait response que son regne n'estoit point terrien, mais que son royaume estoit celestiel, & que à la consommation du monde il viendrait en sa gloire iuger les vifs & les morts, & rendre à chacun selon sa deserte, ce tyran fut adoucy, & contemnant leur vile condition les fist deliurer, & reuocqua par nouueaux Edicts la persecution qu'il auoit commandée. Si ne peut il neantmoins eschapper la main du Seigneur, qui ne permet iamais affliger l'innocent sans iustice: car ainsi qu'il auoit martirizé les enfans de Dieu, & prodigé leur sang, aussi fut le sien ignominieusement respandu: car aagé de quarante cinq ans il fut tué en son palais, par la coniuration de ses familiers & instigation de sa femme: & ayant reçu plusieurs coups mortels en son corps, il fut trainé mort

*Eusebe li.  
ure 3.  
Nicephore  
chap. 10.  
du 3. liu.  
Orose &  
Plaisie.*

*Mort de  
Domitian.*

par la ville, dechiré & mis en pieces, & les images de cuiure & de marbre qu'on luy auoit autrefois erigées furent brisées & rompues, & leurs inscriptions rayées. Et fut la mort de Domitian tant agreable au peuple, qu'on donnoit estreines & presents à ceux qui en apportioient nouuelles, & pour en exterminer du tout la memoire, bannirent à perpetuité de la ville ceux qui portoient le nom de Domitian, afin qu'ils n'ouyssent nōmer mort celuy qu'ils auoient eu en si grande horreur en sa vie.

Ceux qui  
voudront  
voir son  
gouverne-  
ment, lisent  
Xiphilinus,  
Suetone,  
Eutrope,  
& Aure-  
lius Victor.

DES TOVRMENS DE L'E-  
glise sous l'Empereur Traian.  
Chapitre IIII.

**L'**Artifice de ce cauteleux serpent, & ennemy de la gloire de Dieu, est tel qu'il ne s'ayde pas seulement des malings pour executer ses meschans œuures, mais il y employe quelquefois ceux qui ont la reputation d'estre bons, afin que par vn tel meslange de vice & de vertu son ieu soit plus cou-



## *Des persecutions de l'Eglise*

uert: Ce qui se descouure apertement en ce bon Empereur Syluan, Marc Aurele, & quelques autres lesquels Sathan a suscitez pour faire la guerre à Dieu. Le troisieme assaut que reçeut l'Eglise, fut liuré par Traian, lequel hors-mis ce vice d'auoir persecuté le peuple de Dieu, eust bien esté l'un des plus dignes & excellens Empereurs du monde. Et afin que le lecteur lisant les combats de l'Eglise recoyne aussi quelque instructiō des mœurs & de la vie des persecuteurs, ie deduiray tant de cestuy que des autres quelques gestes des plus notables.

*Aurelius  
Victor.*

L'an doncques centiesime apres la natiuité de Iesus Christ Traian Espaignol print la charge de l'Empire apres le deces de Nerua, & la premiere chose qu'il fist à son aduenement il commanda qu'on fist vne generale descriptiō des habitans de Rome, il se trouua qu'il y auoit deux cens quatre vingts mille maisons de Citoyens mariez, quarante deux mille ieunes hommes à marier, sept mille prestres, trente deux mille fēmes publicques, douze mille hostelleries, soixante cinq mille negociateurs estrāges. Ceste cōputation faicte, il

commencea à mettre la main à la police:  
Car ce fut l'un des plus grands Iusticiers  
du monde: Et fist interroger tous par or-  
dre ceux qui auoient l'administration de  
la Iustice. Et voyant la corruption & in-  
capacité de plusieurs, il en fist deposez  
plus grand nombre par ignorance & vice  
que confirmer par science & vertu. Sou-  
dain apres il abrogea vn grand nombre  
de festes des Romains, & ne voulut qu'ils  
en solennifassent plus de vingt & deux  
en tout l'an, disant que les Dieux estoient  
sans comparaison mieux seruis és iours  
qu'on traueille que és iours que l'on cho-  
moit, & estoient plus grandes les dissolu-  
tions qu'on faisoit aux festes que les sa-  
crifices qui s'offroient aux Dieux. Il estoit  
exempt d'vne maladie qui infecte & cor-  
rompt encores pour le iourd'huy toutes  
maisons des plus grands: car iamais ne  
prestoit l'oreille aux rapporteurs & detra-  
cteurs, & disoit qu'il estoit plus seur aux  
Princes d'escouter ceux qui leur disent  
leurs propres faultes, que d'ouyr le rap-  
port de celles d'autrui, & si disoit d'avan-  
tage qu'il estoit mal ayse que le Prince  
qui a les oreilles tendres & delicates n'ait

### *Des persecutions de l'Eglise*

les mains sanglantes. Il estoit si grand iusticier que tout le temps qu'il fut à Rome il ne faillit à estre deux foys la sepmaine au confitoire des causes pour rendre le droict de Iustice à vn chascun, & mesmes estant quelquefois à cheual. & aduenu à l'age de cinquante ans, il fut assigné pour aller à la seconde guerre contre les Daces, vint vne pauvre femme au deuant de luy qui luy dist, Empereur Traian ie suis vne pauvre vieille & veufue, qui me plains à toy de ce que ie n'ay de toute ma posterité qu'une fille qu'un de tes domestiques a violée: A laquelle il fist response, Mamie ie te prie ne me sois importune pour ceste heure, considere comme ie suis à cheual avec mon camp qui marche pour aller à mon voyage: mais ie te iure les dieux immortelz qu'à mon retour ie te feray bonne & briefue iustice. Helas Seigneur (repliqua la femme) quelle assurance as tu de reuenir, veu que l'expedition de la guerre est douteuse? Lors Traian esmeu tout à vn coup d'une si prompte response, mist pied à terre & differe son departement iusques à ce que la pauvre femme fust satisfaicte & le ravissee puny. Tout ainsi



qu'il a esté grand iusticier , aussi a il esté tref-excellent guerroyeur. Il a grandemēt amplifié les bornes de l'empire Romain, il a reduict soubz leur puissance l'Ale-magne qui estoit delà le Rhin, les Danois & plusieurs autres peuples qui estoient delà le fleuve du Danube. Il reduict aussi en obeissance les Parthes, il conquist l'Al-banie , & les pays situez sur les riuieres d'Euftrate & du Tigre , il les reduict en terme de prouince , & vint iusques aux fins de l'Indie, & iusques à la mer rouge, il estoit patient à souffrir faim, froit, chault pluyes , neges & autres semblables tra-uaulx , premier aux escarmouches, pre-mier à commander, dernier à se retirer, & ne disoit iamais faites, mais faisons, allez, mais allons : ne disoit iamais bataillez, mais bataillons: il estoit si hardy que là où il voyoit la fortune plus doubteuse l'esti-moit plus certaine : tous ses ennemys di-soient qu'ils ne craignoient que bien peu l'exercite des Romains , mais ils esti-moyent & doubtoient la fortune & l'heur de Traian. Il aymoit, honoroit, & respectoit bien fort ses soldats , de sorte que le second an de son Empire les Da-

### *Des persecutions de l'Eglise*

ces se reuolterent, où Traian alla en personne, & en certaine rencontre moururent plusieurs vaillans Romains, il y en eut de blesez vn grand nombre, au deuant desquelz venant Traian la larme à l'œil n'ayant plus dequoy leur bander leurs playes, il dechira sa propre chemise pour les enueloper & accoustrer. Beaucoup de princes l'ont egallé en beaucoup de choses, en d'autres surmonté, mais en deuoir de iustice il n'a point eu de pareil ou semblable. Par toutes les prouinces qu'il auoit conquises il establissoit lieutenants, & leur donnoit vne espée en la main disant ces parolles: tu vseras de ceste espée contre mes ennemis pourueu que ie soys iuste & vertueux en mes affaires: si ie suis autre ie la dōne avec la charge que tu en vseras contre moy mesmes. Cest Empereur ayma tant le Senat, & le Senat luy semblablement, qu'il appelloit le Senat son pere, & luy se nommoit le filz du Senat, duquel par succession de temps, il se laissa tellement seduire qu'il entreprint de persecuter les Chrestiens: Qu'il ait furieusement persecuté le peuple de Dieu, il est notoire, mais les

causes en sont assez obscurément dedui-  
 tes par les historiens : les vns disent que *Irenée, Ter-  
 tulian, &  
 Origene.*  
 estoit la multitude des Chrestiens qui  
 pulluloit comme vne bonne semence par  
 tous les angles de la terre, & craignans  
 comme Sabellique escrit) que ceste for-  
 milliere d'hommes s'esleuaist vn iour con-  
 tre l'Empire, cela fut cause d'agacer l'Em-  
 pereur contre eux. Les autres disent que  
 combien que Traian fust de bonne paste,  
 & qu'il se trouuaist en luy vne certaine  
 temperature de vertus, si-est ce qu'il se  
 laissa corrompre & mener par quelques  
 pouteux qui ne font autre chose que de  
 engresser des despouilles des pauures, &  
 si sont si affamez du bien d'autrui qu'ils  
 succeroient volontiers le sang d'un corps  
 mort. Ceux icy sçachans que les biens  
 des Chrestiens estoient confisquez, &  
 qu'ils auroient leur part au butin, en-  
 flammerent ce miserable Prince à pour-  
 suivre leur mort. Les vns disent que  
 Traian commença à persecuter dès le  
 commencement de son Empire, les au-  
 tres assurent que ce fut la seconde ou  
 tierce année apres: mais quoy qu'il en soit  
 la persecution dura treize ou quatorze



## *Des persecutions de l'Eglise*

ans, & eu longue estendue: car comme vn soudain embrasement elle a presque enuironné tout le monde: car lors les bornes de l'Empire Romain ne s'estendoient pas seulement en l'Europe, mais en grande partie de l'Asie & Affrique. Il commença son chef d'œuvre par vn Edict vniuersel, lequel contenoit que les Chrestiens qui refuseroyent d'adorer les idoles fussent punis de peine de mort. Cest Edict eut vigueur, & fut executé de telle celerité que courant d'une prouince en l'autre, la terre fut couuerte d'une infinité de corps morts, & les cieulx peuplez de grand nombre d'ames precieuses. L'Eglise de Dieu comme tesmoigne Eusebe auoit demourée pure & nette comme vne vierge immaculée iusques au temps de Traian, mais les heretiques pensant trouuer la maison de Dieu vuyde & desarmée de chef, commencerent à la corrompre & violer, & seruoient de flammeches aux tyrās, pour allumer le feu de leur fureur: de sorte que plusieurs Eglises furent desnuées de leurs pasteurs, & entre autres celle d'Antioche, où presidoit comme Euesque ce grand flambeau & ornement

*Cruel martyre de l'Eglise  
nace dis-  
ciple de*

des fideles Ignace disciple de Saint  
 Jean, duquel la memoire est si notable <sup>S. Jean,</sup>  
 que ie ferois tort à nostre histoire si ie la <sup>sous l'Em</sup>  
 passois soubz silence. Nicephore, Eusebe, <sup>percur</sup>  
 & plusieurs autres tesmoignent que apres <sup>Traian.</sup>  
 que Traian eut tant remporté de tro-  
 phées de ses glorieuses victoires & con-  
 quêtes, qu'il auoit faictes es parties d'O-  
 rient, il commanda que par toutes les  
 terres subiectes à l'Empire on fist sacrifi-  
 ces solennelz aux Dieux des Romains:  
 Ce bon prelat Ignace qui presidoit com-  
 me Euesque en l'Eglise d'Antioche, resi-  
 sta ouuertement à ceste impieté, exhor-  
 tant les Chrestiens en ses concions ordi-  
 naires qu'ils ne consentissent iamais à tel-  
 le abomination: Et comme doctement  
 a escrit quelcun, par ce que le diable & le  
 monde orgueilleux ont cecy de coustu-  
 me qu'ils ne font iamais leur triomphe  
 qu'il n'y ait du sang des Chrestiens res-  
 pandu, ils commencerent à deschirer par  
 une infinité de cruels tourmens la pauvre  
 bergerie de Iesus Christ, puis s'attaquant  
 leur chef Ignace, comme à la plus pre-  
 cieuse despouille, le menerent à Rome,  
 qui estoit pour lors la premiere bouche-

*Des persecutions de l'Eglise*

rie du monde, & ayant refusé de sacrifier à leur diable Neptune & à leurs autres Idoles, il fut donné en proye & exposé aux bestes : ainsi que le tesmoignent les anciens Ecclesiastiques, comme Irenée, Policarpe, saint Hierosme & Eusebe. Ce saint homme entre ses grands combatz donna vn merueilleux tesmoignage de son ardeur & patience: Car pendant qu'on luy preparoit son tourment, ayant tout le cueur embrasé du zelle qu'il portoit au Sauueur il commença s'exclamer ainsi. O bestes salutaires qui estes appareillées pour moy quand viendrez vous? Quand fortirez vous de voz cauernes pour deuorer ma chair? que les plus cruelles me soient offertes, & qu'elles ne different point de lacerer mon corps comme elles ont fait ceux de mes compaignons: ie les agaceray afin qu'elles soient plus aspres au combat: Puis il disoit, pardonnez moy si ie parle ainsi: car ie cõnois ce qui m'est profitable: ie commence à deuenir disciple de Iesus Christ. Sus doncques, sus, fragilitez humaines, imbecilles fraieurs, & autres passions qui assiegez ordinairement les hommes, esloignez vous de moy: que



tous les tourmens des hommes, croix,  
 feux, bestes, que toutes les inuentions des  
 diables se desbandent contre moy: bref, <sup>Merueilleuse con-  
 stance d'un  
 martyr.</sup> que tous mes membres soyent froisseez, &  
 mouluz, moyennant que ie iouyffe de la  
 gloire du Seigneur. Et ainsi comme les <sup>Saint Ie-  
 rosme.</sup> lions bruyans commençoient à le deuor-  
 er, il prononça ces dernières parolles: ie  
 suis le froment de Iesus Christ & ie seray  
 moulu par les dentz des bestes, à fin que  
 ie sois faict pain net deuant Dieu. Du-  
 rant ce grand massacre de Traian, le Sei-  
 gneur regardant de son œil de pitié son  
 pauvre peuple ainsi dissipé par la violence  
 des tourmens, suscita vn Plinius Secun-  
 dus, homme bien versé aux lettres, lequel  
 estoit proconsul en Bithynie, mesmes es-  
 toit des iuges ordonnez pour persecuter  
 les fidelles (comme Tertulian escrit) le-  
 quel combien qu'il fust payen sentit vn  
 traict de la iustice de Dieu, qui penetra si  
 auant en son cueur, que recongnoissant  
 l'innocence de tant de milliers d'hommes  
 morts, faisy d'un remors de conscience  
 escriuit à Traian qu'il luy pleust luy man-  
 der comme il entendoit qu'on se gouuer-  
 nast desormais en la cause des Chrestiens,

### *Des persecutions de l'Eglise*

attendu qu'il ne les trouuoit coupables d'aucun delict, ny contreuenir aux loix Romaines, fors seulement qu'ils chantoient quelques hymnes, & cantiques auant iour, à vn certain Dieu qu'ils appelloient Christ : au surplus qu'ils estoient exempts d'adulteres, homicides & autres crimes deffendus: Auquel Traian fist response par escrit ( qui est encores pour le iourd'huy en estre ) comme il entendoit pour l'aduenir qu'on y procedast: à raison dequoy la persecution qui estoit si bouillante fut vn peu refroidie & adoucie: mais non du tout esteincte: & non seulement Traian auoit eu cest aduertissement de Pline pour l'induire à moderer ses persecutions, mais il auoit eu d'autres auant-coureux de la iustice de Dieu, qui l'auoient pressé de si pres qu'il deuoit auoir eu assez d'occasion d'y penser : car pendant qu'il exerçoit ainsi ce carnage contre les Chrestiens, & qu'il arrosoit la terre de leur sang, non seulement la peste le chassa d'Affrique, & la famine d'Espagne, mais mesmes soudain qu'il fut arriué en Antioche pensant y passer son hyuer & s'esgayer, voicy en moins d'un seil d'œil

d'œil vn tremblement de terre si effroyable que de memoire d'homme en toutes les parties du monde il n'a esté veu ny leu le semblable: Car le vingtdeuxiesme iour d'Octobre, comme le iour commençoit à poindre il s'esleua vn vêt si roide & furieux qu'il abbatoit les oyseaux, arrachoit les arbres, brisoit les maisons: & comme si ces maux eussent esté enchaînez les vns avec les autres, voicy en vn instant des tonnerres accompagnez de foudroyâs rayons de feu, qui battoient la terre de telle impetuosité qu'on ne voyoit que tomber edifices, dissiper chasteaux, brasser montaignes, & hommes mourir subdainement, tellement qu'il sembloit que le ciel & la terre s'assemblassent pour leur finalle ruyne. D'autre costé la mer es lieux plus profonds senfla, la rage des vents troubla l'air & l'eau avec telle furie, qu'on oyoit crier & braire les vagues comme bestes sauuages, & incontinent apres survint vne chaleur couuerte & pesante qui enflait les estomachs des hommes, jusques à les contraindre vomir: les vns pouchoient leur bouche de leur robbe, les autres estouffoient, autres couroient



## *Des persecutions de l'Eglise*

és lieux hauts pour respirer à leur aise, autres se iectoient en la mer pour se rafraichir selon que la necessité les conduisoit: d'autre costé la force du vent esleuoit de la terre vne poulsiere si espoisse qu'on ne voyoit rien: c'estoit chose monstrueuse & espouventable de veoir l'air si obscur & poudreux que l'un ne pouuoit veoir l'autre, de ouyr bruire la mer, foudroyer le ciel, mouuoir la terre, fuir animaux: encores avec toutes ces prodigieuses calamitez, la terre commença à trébler & fremir d'un si nouueau & inusité mouuement qu'on ne voyoit qu'edifices tomber, ouurir murailles, temples se fendre, monumens rompre, & pierres heurter les vnes contre les autres: c'estoit vne pitié inestimable de contempler bastimens par terre, les vns abbatus iusques aux fondemens, autres entre-ouuerts, arbres arrachez, la terre fendue en plusieurs lieux, les bestes domestiques mortes par les maisons, les hommes estouffez és campagnes, les ruines qui tomboient faisoient d'une part bruit estrange, les hommes de l'autre se lamentoient, les femmes plaignoient, les enfans pleuroient, les be-

res crioient les vnes demies mortes, autres démembrées, atitres iambes ou bras rompus, & presque toutes tant estonnees qu'il ne leur restoit que la mort pour le port asséuré de leurs maux: la nuit de ce grand tremblement de terre Traian estoit en vne maison de plaissance hors la ville, lequel sentant ceste horrible confusion de toutes choses se iecta comme es- perdu du haut d'une fenestre en bas, & de la cheute se rompit & froissa tout vn bras, & fut tant espouuenté de ce tremblement, que tout le temps qu'il demoura en Antioche ne voulut habiter ne resider en edifice quelconque: mais mangeoit, beuvoit & couchoit aux champs, & faisoit sa continuelle residence sous vne tente. Et ainsi que quelques iours apres il alloit visiter les ruynes, ceux de sa compagnie & luy ouyrent vne voix de femme qu'une petite vòulte auoit sauée avec son petit enfant: & apres auoir retiré les pierres de sus elle, ils furent grandement estonnez comme elle auoit peu si longuement sans manger alimenter l'enfant de sa mamelle. Et apres ce premier spectacle s'en presenta vn autre nō moins

## *Des persecutions de l'Eglise*

esmerueillable ou prodigieux que le premier: car ils apperceurent vne autre femme morte accablée de pierres, & son enfant pendu à ses mamelles qui l'alaitoit, comme Dion Cassius auteur Grec à escript en la vie de Traian, & depuis doctement traduite par Anthoine Allegre, lequel i'ay volontiers suiuy en sa decade, comme ayant bien exprimé & en bons termes le fil de son histoire. Apres que Traian eut souuent senty les verges de Dieu pour le sang des siens qu'il auoit ainsi respendu, il regna encores quelque peu de temps en calamitez & miseres: car apres auoir esté combatu de deux ou trois maladies l'une apres l'autre, comme de paralisie, hydropisie, & de soupçon d'estre empoisonné, il mourut en fin d'un flux de sang qui luy decouloit par le siege.

*Traian 14.  
Empereur  
des Ro-  
mains, gou-  
uerna l'em-  
pire Ro-  
main 19.  
ans six  
mois, &  
15. iours,  
puis mou-  
rut.*

*PERSECUTIONS DE L'EGLI-  
se, sous l'Empire de Marc Aurele, & des  
sages propos qu'il tint, luy estant  
au lit de la mort.*

*Chapitre V.*



**O**mbien que Marc Aurele ait esté l'un des plus dignes Empereurs qui oncques porta sceptre, & qui a plus esté célébré de tous les historiens Grecz & Latins: si est ce qu'il est mis au rang de ceux qui ont plus cruellement persécuté. Et à fin de continuer l'ordre que nous auons commencé nous deduiront ce qui est plus remerable en sa vie, puis cōtinuerōs les cruautez & massacres qu'il a dressez cōtre l'Eglise. Marc Aurele Romain par le consentement du Senat, & de tout le peuple fut proclamé Empereur en l'an de la fondation de Rome six cens quatre vingtz & quinze apres la mort d'Antonius Pius. Cest excellent Monarque ne fut pas nourry en delices ou mignotises de court comme les enfans des grandz seigneurs sont pour le iourd'huy, ainsi qu'il tesmoigne luy mesme en certaine epistre qu'il enuoya à son amy Pubion, lequel l'auoit instamment prié de luy escrire quel ordre il auoit tenu tant en l'ordonnance de sa vie, qu'en la continuation deses estudes, & autres publiques affaires iusques au temps qu'il

*Des persecutions de l'Eglise*

fut créé Empereur des Romains: Auquel il respond ainsi qu'il s'enfuit: Saches mon amy Pullion, que Annius Verus mon pere, voulant enuers moy vser du deuoir de pere, auant que i'eusse trois ans accomplis me tira des vices de Rome, & m'en uoya à Rhodes pour apprendre les sciences, plus accompagné de liures que chargé de deniers: Et n'y eut chose qui me donnast tant d'occasion d'estudier, que me veoir en faulte d'argent, pource que la pauureté oblige les enfans d'estre bons & vertueux, de maniere qu'ils paruiennent par vertu à ce que les autres ont par richesses. Annius Verus mon pere, moy estant ieune enfant me nourrit en telle austerité qu'il ne me laissa iamais dormir en'lict, asseoir en chaire, boyre, ny manger avec luy en table, ny mesmes ie n'osois haulcer la teste, ou seiller les yeux pour le regarder en face: Et veulx que tu saches mon amy Pullion que la ieunesse de ce temps là estoit tant bien reiglée & endoctrinée, que les Romains bannyrent vn fils de Catō Vtricens pour auoir seulement rompu vne buyre de terre entre les mains d'une fille qui alloit à l'eau:

*Estrange  
nourriture  
de Marc  
Aurele.*

*Merveil-  
leux ri-  
gueur de  
Iustice.*

Semblablement bannyrent le fils de Cyna le bon , par ce qu'il auoit entré en vn iardin pour cueillir des fruietz , & nul de ses deux enfans n'auoit encores quinze ans accompliz : parce qu'en ce temps là on chastioit plus les offences commises par mocquerie , qu'on ne faict maintenant les faultes commises à bon escient. Et n'estoit moins vituperable veoir à Rome le ieune enfant dissolu, qu'il faisoit en Grece le Philosophe ignorant. Demeurant à Rhodes ie vsay de telle diligence en mes estudes qu'au vingt & sixiesme an de mon aage , ie lisois publiquement la philosophie naturelle & la Rhetorique & estois si affectionné aux lettres que i'apprins toutes les sciences soubz excellens precepteurs, comme la grammaire soubz Epherin , la rhetorique soubz Alexandre , la philosophie soubz Calcedon , & soubz Sextus Cheronensis nepueu du grand Plutarque , i'apprins les loix soubz Volcatius Messianus , i'apprins à peindre & pourtraire soubz Diogenetus, i'apprins la geographie soubz Iunius Rusticus , la musique soubz Commodestius , & la nigromantie avec toutes especes de geo-



*Des persecutions de l'Eglise*

*Lettres de  
l'Empe-  
reur Marc  
Aurele au  
Roy de  
Trinacrie.*

mãtie, & hydromãtie sous Apolonius.  
Après auoir enrichy son esprit de tant de  
sciences & excellens orneimens, il alla à la  
guerre de Paruie, comme il tesmoigne en  
certaine epistre qu'il enuoye au Roy de  
Trinacrie, en laquelle il commemo-  
re leurs trauaulx. passez tant en leurs estu-  
des qu'en leurs peregrinations & voya-  
ges, comme il fensuit: Te recordes tu pas,  
ô Roy de Trinacrie que nauigeans en-  
semble par le goulfre Arpin pour aller  
en l'Eslepoint nous suruint vne malheu-  
reuse iournee en laquelle nous fusmes  
pris d'un pirate qui nous fist nager à  
l'auiron neuf mois en vne gallere, où ie  
ne scay quelle fut plus grande ou la faulte  
de pain, ou l'abondance des coups que  
nous endurions? N'as pas souuenance  
quand nostre commune Academie Rhod-  
des fut assiegée par le Roy des Epirotes  
que par l'espace de quatorze mois que  
toy & moy y demourasmes, nous en fus-  
mes dix sans manger chair sinon deux  
chats, l'un que nous acheptasmes, & déro-  
basmes l'autre? N'as tu pas memoire  
qu'estant à Tarente noz hostes nous con-  
uierent d'aller à la feste de la deesse Dia-

ne, au temple de laquelle nul n'osoit ce iour-là entrer qui ne fust vestu de nouveaux habitz : Et pour en parler à la vérité nous n'y osâmes aller, par ce que tes habitz estoient rompuz, & mes chausses dechirees, & mes souliers decousus ? Ne te recordes tu point aussi qu'en deux moys que nous fusmes à Capua malades l'on ne nous guerissoit point par diette, parce que nostre mal ne procedoit que de faim & pour estre trop foibles & debiles ? Te souuiens-tu point semblablement qu'en la cité de Naples nous allâmes pour plaisir à vne vieille deuineresse, & luy demandâmes quelle seroit nostre fortune apres nos estudes, & elle me fist responce que ie serois vn iour Empereur, & que tu serois Roy : à laquelle nous adioustions si peu de foy que non seulement le prîmes en mocquerie, mais qui plus est pour apparente iniure. Regarde excellent prince, & considere vn peu la grandeur des Dieux, la roüe de la fortune, & la varieté des temps. Qui eust pensé, que quand i'auois mes mains toutes pelées & escorchées de nager à l'auiron en vne gallée, qu'entre icelles mains eust

## *Des persecutions de l'Eglise*

*Prophetie  
d'une deu-  
ineresse  
accomplie  
en Marc  
Aurele.*

*Elegante  
description  
de la vani-  
té du  
monde.*

esté mis le gouuernement de l'Empire ?  
Qui eust pensé qu'au temps que ie disse-  
rois d'aller au temple pource que i'auois  
mes fouliers rompus, qu'il deust venir vn  
autre temps où ie deuois aller en cha-  
riotz triomphans & sur les espaulles d'au-  
truy ? Qui eust pensé que ce que i'ouy  
de mes propres oreilles de la deuineresse,  
mes yeux le deussent voir à present à Ro-  
me ? O mon cher amy que plusieurs espe-  
roient en ce temps là estre seigneurs de  
Trinacrie, & gouuerneurs de l'Empire de  
Rome, ausquelz deffaillit non seulement  
l'honneur qu'ils desiroient, mais encores  
leur suruint la mort : ce qui aduient cou-  
stumierement aux ambitieux : car lors  
qu'ils pensent auoir ourdy vn honneur  
perpetuel pour le reste de leurs iours, c'est  
l'heure le plus souuent où le mestier se  
rompt avec la toille de la vie. Voyla com-  
me ceux qui n'esperent rien, sont quel-  
quefois esleuez au sommet de la vertu : les  
autres qui songent & se promettent estre  
seigneurs, sont estonnez qu'à leur réueil  
ils se trouuent estre esclaves de tous. Puis  
faisant la conclusion à sa lettre il s'excla-  
me. O monde immunde, tu sçais que ie  
te cognois bien, tu n'es qu'un sepulchre



de morts, vne prison des viuans, vne boutique de vitieux, vn bourreau de vertus, vn oubly des passez, vn ennemy des presens, vn precipice des plus grands, vn sommet des petis, vne maison de pelerins, vne place de vacabons. Cest Empereur estoit si consommé en tout genre de disciplines, qu'il fut surnommé le philosophe: & cōme Nicephore tesmoigne il a escrit plusieurs choses memorables & pleines de graues sentences, & specialement vn liure de l'institution du prince, qu'il fist pour son fils: & non seulement estoit bien versé aux lettres, mais encores estoit bon guerrier, & vsoit de merueilleuse dextérité en la conduicte d'une armée. On luy decerna deux triumphes à Rome pour deux celebres victoires qu'il auoit obtenues, l'une contre les Parthes, l'autre quand il vainquit les Argonautes & Pirates: & ainsi qu'on le conduisoit avec vne grande pompe & magnificence admirable pour receuoir son triomphe, regardât d'un œil de pitié tous ces pauures captifs qu'on trainoit deuant luy, il prononça en soupirant des parolles non seulement dignes d'un Ethnique, comme il estoit,

*Nicephore  
dit, qu'il a  
escript vn  
liure de l'in  
stitution du  
Prince à  
son fils.*

*Des persecutions de l'Eglise*

mais mesmes d'un Chrestien bien accom-  
ply, disant ainsi : Quelle plus grande folie  
ou vanité peut estre à un capitaine Ro-  
main que de triompher ainsi ? Et par ce  
qu'il a conqueſté force villes , alteré les  
pacifiques, destruiſt les citez, razé les for-  
teresses, desrobé les pauvres , enrichy les  
tyrans, espadu beaucoup de sang, fait une  
infinité de veufues & orphelins , & en  
payement de tout ce dōmage on le reçoit  
avec triōphe & magnificēce : Plusieurs y  
sont morts, beaucoup ont trauaillé, & un  
seul en remporte la gloire . Puis disoit ce  
grand Empereur Marc Aurele , par les  
Dieux immortels quand on me condui-  
soit à Rome au chariot de triomphe, & ie  
voyois les pauvres captifs enferrez , i'en-  
tendois les lamentations des veufues , ie  
voyois une infinité de thesors mal gai-  
gnez, ie me recordois des morts : si ie me  
resiouissois en public, ie pleurois gouttes  
de sang en secret, & cōmēçois à m'escrier  
contre Rome, disant ainsi . Viēça Rome,  
pourquoy t'esiouys-tu de l'infortune d'au-  
truy ? es tu plus antique que Babilone ?  
plus belle que Helie ? plus riche que Car-  
thage ? plus forte que Troye ? plus peuplée

que Thebes? plus enuironnée de nauires  
que Corinthe? plus delicieuse que Thire?  
plus heureuse que Numance? qui toutes  
sont peries, vestues de tant de vertuz, &  
gardées de tant de vertueux: & tu esperes  
demeurer perpetuellement fourrée de  
tant de vices, & peuplée de tāt de vitieux?  
Croy vne chose pour certain, que la gloi-  
re q est à ceste heure de toy a esté premie-  
rement d'elles, & la destruction qui est à  
ceste heure d'elles sera puis apres de toy.  
Entre les autres louanges particulieres  
que les historiens donnent à cest Empe-  
reur, ils escriuent qu'il estoit temperé au  
manger, moderé en despens, pitoyable  
aux veufues, pere aux orphelins, bening à  
ceux qui le seruoiet, patiēt à ceux qui l'of-  
ensoiet, curieux d'aquerir la paix, fidelle  
à maintenir la tresue, & pour conclusion  
fut bien l'un des princes du monde de  
plus grande doctrine, de plus nette vie, &  
est seulement accusé d'auoir persecuté les  
Chrestiens. Voyla doncques comme par  
une seule porte ouuerte se pert bien sou-  
uent vne grosse cité, & par vne seule tra-  
yson se perdent infinis seruices: & ne  
saut qu'une petite nuée de vices, pour



*Des persecutions de l'Eglise*

obscurcir quelque fois vne grande lumiere de vertuz . Ce prince Marc Aurele estant doué d'une excellente bonté de nature , estoit si enuélé en ses superstitions & Idolastries qu'il pensoit commettre sacrilege & abomination cruelle, de reuerer autres Dieux que ceux qui estoient receuz des anciens Romains: Puis le Christianisme estoit en si grand mespris & horreur en l'Europe & l'Asie de son regne , qu'il sembloit que toutes creatures animales feussent bandées contre Dieu, pour luy faire la guerre : Puis le peuple enflammoit le cœur de ce Prince par mille bourdes & execrations qu'il controuuoit contre eux , faisant entendre à l'Empereur qu'ilz se mesloient impudiquement les vns avec les autres, qu'ils estoient incestueux , qu'ils mengeoient par delices la chair des petiz enfans: de sorte que apres tous ces alarmes il fut deffendu par Edict aux Chrestiens de ne se monstrier en public à la ville ou aux champs , & estoient contrainctz les pauvres fideles demeurer en leur maisons enfermez comme prisonniers: depuis la fureur du peuple prenant accroisse-

ment, on les tiroit & arrachoit de là par force, on crioit & huoit apres eux comme apres chiens enragez, on les emprisonnoit en certaines caues & cachotz, on les estendoit en vne gehenne cruelle iusques au septiesme point : on leur appliquoit des lames de fer ardentes sur les plus sensibles parties de leurs corps, on les estrangloit aux prisons, on les mettoit en chaudières de fer pour les brusler & fondre à petit feu, on les pendoit, on les jetoit en l'eau, on les exposoit aux bestes, on les trainoit comme charongnes mortes par les rües, puis s'il restoit quelque chose de leurs corps ainsi lacerez, on mettoit des chiens pour les garder, de pœur qu'ils ne fussent ensepueliz par leurs compagnons : Bref la desolation fut si grande, & le massacre si cruel, que lors fut accompli (comme escrit Eusebe) ce que le Sauueur auoit predict à ses disciples, que le temps viendrait que tout homme qui les occiroit penseroit auoir fait vn grand sacrifice à Dieu: Et combien que ceste persecution fust vniuerselle, si est ce qu'elle estoit extreme à Lyon & Vienne villes bien renommées en Dauphiné (comme

## *Des persecutions de l'Eglise*

*Eusebe a  
accueilly  
l'Epistre  
des Mar-  
tyrs de  
Gaule ou  
de France,  
liure. 5.  
chap. 1.*

il apert en l'Epistre que les martyrs de ces deux lieux enuoient aux Eglises de l'Asie & de Frigie, en laquelle ils declarent & commemoient par ordre les especes de tourmentz desquels ils estoient affligez pour maintenir le nom de Dieu: Mais il y a vne chose digne de consideration en cecy. C'est la constance admirable & merueilleuse de noz gens entre tant de varietez de tourmens: Car il y auoit quelque deité & vigueur diuine qui les fortifioit & armoit si bien par dedans qu'on les voyoit sortir des tourmentz avec vne face ioyeuse magnifians Dieu, & ayans vne espee de diuinité en leurs visages, reputans leurs fers & liens comme ioyaulx precieux, & leurs prisons obscures comme magnifiques palais. Beaucoup d'excellens hommes receurent la couronne de martyr du regne de Marc Aurele, qui sont memorez par ordre en Nicephore Caliste & Eusebe Pamphile, comme Velius Epagatus, Zacharie prestre de Vienne, Marius Sanctus Atalus, Alexandre Alcibiades: mais entre autres cest excellent philosophe Iustin le martyr, duquel les œuures doctes qui ont esté conseruées



seruees iusques à nostre siecle, donnent  
 vn singulier tesmoignage de son zeile &  
 integrité: Car il a vſé d'vne telle clemen-  
 ce & liberté en ſes eſcrits & apologies  
 pour la deſſenſe des Chreſtiens, qu'il n'a  
 point craint d'accuſer apertement tant  
 l'Empereur que le Senat d'iniuſtice. Il a  
 ſouſtins de grands combats contre les  
 payens & philoſophes. Il eut ſemblable-  
 ment vne grande diſpute en Ephèſe con-  
 tre vn Iuiſ nommé Tryphon, qui eſtoit le  
 plus excellent & renommé de toute la  
 Ioy Hebraïque, duquel. S. Hieroſme au  
 catalogue des hſtoriens eccleſiaſtiques  
 eſcrit ce qui ſenſuit. Iuſtin fils de Priſ-  
 cus Bachiſus homme philoſophe, & mar-  
 chant en l'habit de philoſophe, trauail-  
 la beaucoup pour la foy de Ieſus Chriſt, de  
 ſorte que d'vn ſeruient zeile il preſenta à  
 l'Empereur Antonin & à ſes enfans & au  
 Senat vn liure qu'il auoit eſcrit contre les  
 Gentils pour la deſenſe des Chreſtiens, &  
 vn autre liure aux Empereurs Marc An-  
 tonin Verus, & Lucius Commodus ſuc-  
 ceſſeurs dudit Antonin, & n'auoit point  
 de honte de l'ignominie de la croix, ny  
 des reproches des payens: Finablement

*Voy en ſes  
 autres l'a-  
 pologie ou  
 deſence  
 pour les  
 Chreſtiens  
 au Senat de  
 Rome, &  
 l'apologie  
 ſeconde à  
 l'Empe-  
 reur Anto-  
 ninus pius.*

*Au catalo-  
 gue des hſ-  
 toriens Ec-  
 cleſiaſti-  
 ques.*

## Des persecutions de l'Eglise

*Suydas,  
Volaterrā,  
Nicephore,  
& Ense-  
be.*

apres tant de trauerſes & combats, il receut la couronne de martyre ſoubs noſtre Empereur Marc Aurele, & par vn genre de mort eſtrange, laquelle luy meſme auoit prophetiſée & prediſte auant qu'elle aduint, comme il eſcrit en ſa premiere apologie, où il predit qu'à l'inſti-gatiō ou menée ſecrete de Creſcēce philoſophe comique il deuoit eſtre aſſommé d'un coup de baſton ou maſſue: comme il aduint, ainſi que Tatianus ſon diſciple & pluſieurs autres ont atteſté par leurs eſcrits. Les Chreſtiēs doncques apres auoir ſouſtenu tant de tormēs & violences, pēſant adoucir le cœur du Prince qui eſtoit ſi enuenimé contre eux, luy enuoyerent pour embassade Anthenagoras philoſophe Chreſtien: mais il le trouua ſi rebelle & embrasé de hayne contre leur religion qu'il n'y eut moyen de le gaigner, & ne ſçachans plus à qui auoir recours, que en la miſericorde de Dieu, & en la mort, ils furent eſtonnez que ce grand Paſteur celeſte (qui veille touſiours pour les ſiēs) leur prepara vn remede où ils n'auoiēt iamais penſé, par vne pluye miraculeuſe, que la legion Chreſtienne impetra en la guerre

contre les Allemans, laquelle legion l'Em-  
pereur appella depuis foudroyâte, parce  
que ceste pluye non seulement auoit re-  
mis en vigueur toute l'armée qui estoit  
presque morte & esteincte de soif, mais  
mesmes il estoit tombé vne horrible fou-  
dre sur les ennemis, qui les auoit griefue-  
ment estonnez & abbatus: de laquelle  
Antonius Verus (estant espouuenté) mo-  
dera ses edicts, & defendit qu'on ne l'ac-  
cusast plus, mesmes imposoit peine de  
mort aux accusateurs: mais afin que ceste  
notable histoire soit mieux autorisée,  
nous prendrons le tesmoignage de Ter-  
tulan, l'un des plus anciens Docteurs de  
l'Eglise, lequel en son apologetique expri-  
me la coppie des lettres que l'Empereur  
enuoya au Senat Romain, desquelles la  
teneur s'ensuit.

L'Empereur Cesar Marc Aurele An-  
tonin au peuple Romain & sacré Senat  
salut. Je vous fais scauoir comme nous  
sommes gouuernez en la guerre d'Alle-  
magne, & quelle en a esté l'issue, estant  
aduerty par les espions que les ennemis  
estoyent pres de nous, & qu'ils estoient  
bien en nombre neuf cens septante cinq

*Lettres de  
l'Empe-  
reur Marc  
Aurele, au  
peuple Ro-  
main, en fa-  
ueur des  
Chrestiens.*



### *Des persecutions de l'Eglise*

mille hommes armez, & voyant que ie n'auois point armée pour resister au nombre des Barbares, & que ie serois opprimé & deffait de la premiere legion, i'ay eu mon refuge aux Dieux de noz peres, & par prieres i'implore leur secours, desquels ie ne fuz point exaucé: & sentant que les Barbares me pressoient estroitement, i'appellay ceux que nous nommons Chrestiens, lesquels estoient en grand nombre, & lors comméce à me despiter & à courroucer contre eux: ce que ie ne deuois faire, comme i'ay depuis experimenté par leur puissance qui est admirable. Lesquels feirent leurs efforts sans dards, sans piques, sans armets, sans trôpettes, comme gés qui ont en horreur tel appareil, se contentans d'un certain Dieu lequel ils portent en leur conscience. Et combien qu'ils nous soient odieux & que nous les ayons en mauuaise opinion, toutesfois il est croyable qu'ils ont un Dieu pour defense, munition & forteresse en leur cœur: car s'estans prosternez en terre ils prièrent non seulement pour moy, mais en general pour tous ceux du camp, demandant à leur Dieu secours

contre la faim & la soif qui nous pressoit:  
 car il y auoit cinq iours passez que nous  
 estions en extreme disette d'eau, & si e-  
 stions au milieu de l'Allemagne en la  
 terre de noz ennemys. Or si tost qu'ils se  
 furent prosternez en terre sur leurs faces,  
 & eurent faict leur priere à leur Dieu à  
 nous incogneu, voicy incontinent vne <sup>Paul ora-</sup>  
 grosse pluye merueilleusement froide qui <sup>se liure 7.</sup>  
 tomba sur nous: mais au contraire sur <sup>chap. 15.</sup>  
 noz ennemys il tomba vne grosse gresle  
 entremeslée de fouldres & tonnerres, en  
 sorte que sur le champ nous sentismes le  
 present secours de leur Dieu. A raison de-  
 quoy pour l'aduenir de pœur qu'ils n'im-  
 petraissent semblables choses cōtre nous,  
 je deffendis que pour le Christianisme on  
 ne puisse encourir aucune peine, mais  
 qu'il n'y ait autre crime que la religion, &  
 veux que l'accusateur soit bruslé tout vif.  
 Et entens que ce present decret soit rati-  
 fié par le Senat, & qu'il soit publié au  
 marché de Traian, puis qu'il soit enuoyé  
 par toutes les prouinces subiectes à l'Em-  
 pire. Voila comment l'Empereur donna  
 quelque relasche aux Chrestiens. Si est ce  
 qu'il sentit la main de Dieu comme ses

## *Des persecutions de l'Eglise*

*Grande  
mort : liée  
en Italie.*

predecesseurs qui auoient persecuté & respandu le sang des Chrestiens : car il s'esleua en Italie vne contagion vniuerselle, & mortalité si grande qu'il n'y auoit presque maison où il n'y eust vn corps mort, & la violence du mal fut si aspre que la pluspart des republiques demeurèrent desertes, de sorte que les historiens la voulans descrire eurent moins de peine à escrire le petit nombre de ceux qui demurerent, que la multitude de ceux qui moururent. Et comme si les maux luy eussent succedez par degrez, la guerre fut essenee en Italie, en Gaule, en Orient comme Aurelius Victor le tesmoigne. Puis y eut des tremblemens de terre qui demolirent de fons en comble quelque nombre de citez, les fleuues se desborderent par telle impetuosité, qu'il y eut plusieurs prouinces submergées avec leurs Citoiens : puis apres tous ces orages & chastimens de Dieu, il s'esleua vn nombre infiny de chenilles sur terre & hannetons, qui deuorerent entierement tout ce qu'il y auoit de grains sur la terre. Et apres que ce pauvre Empereur eut eschapé tant de trauerses & naufrages de ceste



vie voici la mort qui est le dernier acte de  
la tragedie humaine, laquelle le vint assail  
lir sur la soixante & deuxiesme année de  
son aage , où il endura de merueilleux  
combatz , de sorte que celuy qui auoit  
donné en tout le cours de sa vie tant de  
singuliers & merueilleux tesmoignages  
de constance & de vertu, se trouua en ce  
dernier assault si pusillanime & abbatu  
que son secretaire estant scandalisé de le <sup>Panuce</sup>  
voir ainsi lamenter & pleurer & avec si <sup>secretaire</sup>  
grand regret abandonner ce monde, <sup>de Marc</sup>  
luy fist vne graue remonstrance pour le <sup>Aurele,</sup>  
reduire , de laquelle la teneur s'ensuit . O  
mon seigneur Marc Aurele , ma langue  
ne peut taire ny mes yeux dissimuler , ny  
mon cueur souffrir , ny la raison permet  
tre ce que avec grand merueille se mani  
feste maintenant en toy : Car mon sang  
se gele, mes nerfz se seichent, mes portes  
fouurent , mon esprit se trouble , mon  
ame me delaisse, voyant les saintz & gra  
ues conseilz que tu as si heureusement le  
passé departy aux autres , defaillir & pe  
rir maintenant en toy: mais dis-moy ie te  
prie Monseigneur , pourquoy appren  
nent les hommes le Grec, sient pour en

*Des persecutions de l'Eglise*

tendre l'Hebreu, se consomment pour le Latin: mais pourquoy changēt ils tant de maistres, fueilletent tant de liures, employent tant de temps & de bien aux estudes, sinon pour passer le cours de leur vie en honneur, & prendre apres, la mort messagere implacable des Dieux, en gré? Mais d'y moy, que profite au pillote sçavoir l'art de la mer & apres perir en la tourmente? Que profite au Capitaine de beaucoup blasonner la guerre & ne pouuoir endurer vn assault? Que profite à la guide d'ēseigner le chemin aux autres, & puis apres en iceluy se perdre? Le le dis pour toy qui i'ay tant de fois veu desirer & louer la mort, & à ceste heure qu'elle foffie, tu pleures pour laisser la vie? le t'ay veu le passé viure comme sage, & ie te voy à ceste heure mourir comme simple, comme si tu tenois la mort pour quelque horrible monstre, & la vie pour perpetuel heritage. Puis que les Dieux le veulent, ton ange le requiert, ta maladie le cause, nature le permet, la fortune le consent, veux tu pour vne vie prendre deux morts enterrant ton corps & tuant l'esprit par sospirs? Tu as combatu soixante deux

ans au camp de misere, & tu crains à ceste  
heure t'enfermer en la sepulture? tu t'es  
osté des buissons & espines esquelles tu  
estois enserré, & à ceste heure trebusches  
au beau chemin? tu es entré au cāp de des-  
fiement avec le monde, & tu veux fuyr  
quand la victoire t'est preparée. Soixan-  
te & deux ans as combatu contre fortu-  
ne, & tu luy tournes à ceste heure les e-  
spauls? Ne cognois-tu pas que nostre vie  
n'est pas vie, mais vne mort proluxe, de  
forte que si vn hōme anciē estoit resuscité  
des morts, & qu'il fist vne declaration de  
sa vie depuis qu'il est failly des entrailles  
de sa mere iusques à ce qu'il est entré aux  
entrailles de la terre & que le corps dist  
toutes douleurs qu'il a souffertes, & le  
cœur descourist tous les assaux de sa  
fortune, ie croy que les Dieux mesmes  
esmerueilleroient & les hommes espou-  
uenteroient du corps qui auroit tant  
souffert, & du cœur qui auroit tant dissi-  
mulé. Ne sçais tu pas que la mort est  
commune à tous, d'un subside de vent en  
veux tu faire vn droit perpetuel? Le veux  
dire que tous sont morts, meurent &  
mourront, & tu veux viure seul. N'esti-



## *Des persecutions de l'Eglise*

mois tu pas que comme tu en as beaucoup enterré, aucun te deuoit enterrer, & que si tu as veu la fin de leurs iours, autres verroient la fin de tes ans ? doncques il me semble qu'il vaut beaucoup mieux que tu t'en ailles pour auoir tant de bien, que de demeurer pour souffrir tant de maux : Certainement la mort est vn ieu auquel si les ioueurs sont dextres, ils auanturent peu pour gagner beaucoup : mais considerons vn peu la grace que les Dieux nous font en mourant, il nous changent d'vne vieille & orde maison en vne maison neuue : nostre sepulture n'est autre chose sinon vn fort chasteau auquel nous nous enfermons contre les assaulx de la vie, & contre les abboys de la fortune. Si tu te lamentes pource que tu laisses tes enfans, ie ne sçay pourquoy : car fil te desplaist pour ce que tu meurs, plus leur desplaist de ce que tu viuois : car il y a peu d'enfans aujourd'huy qui ne desirerent la mort de leurs peres : fil est pauvre, de pœur de le maintenir : fil est riche, pour estre son heritier . Si lon te prenoit en la fleur de l'herbe, si lon te coupoit verd de l'arbre, si on te syoit au printemps, si on

*Quels sont  
les mauvais  
enfans en-  
uers leurs  
peres vieils.*

te mangeoit en egrats, ie veux dire que si  
en tes ieunes ans, & au premier somme  
de ton aage que la vie est tant douce,  
la mort eust touché au marteau de ta  
borte, tu eusses eu quelque occasion  
de te plaindre: mais à ceste heure que la  
paroy s'en va esbrálée, la fleur est fennée,  
le raisin pourry, le cousteau ne se peut  
plus tirer de la gayne, tu n'as plus que  
la place de la chair, & qu'un filet ou sou-  
pir de la vie, tu desires encores viure  
comme si iamais n'eusses congneu le  
monde: soixante & deux ans as esté son  
prisonnier, & te voulant maintenant don-  
ner liberté tu la refuses. Cest excel-  
lent Empereur Auguste Cesar disoit  
que depuis que les hommes auoient  
uescu cinquante ans, ils deuoient mou-  
rir ou desirer qu'on les tuast, pource  
que iusques là est le comble de la fœlici-  
té humaine: tout ce qu'on vit d'auanta-  
ge se passe en tristesses, griefues maladies,  
morts d'enfans, pertes de biens, importu-  
nitez de gendres, à enterrer ses amis, sou-  
stenir proces, payer debtes, & en autre in-  
finiz trauaux, lesquels il vaudroit mieux  
les yeux fermez attendre au sepulchre,

*Sentence de  
l'Empe-  
reur Marc  
Aurele.*

## *Des persecutions de l'Eglise*

que les yeux ouuerts les experimenter en  
ceste vie. Je concluz doncques, que celuy  
qui au poinct de cinquante ans pert la  
vie, est bien voulu des Dieux: pource que  
tout ce qui est de plus, s'en va de costé en  
abaissant, roulant, trebuschant & cheant.  
Croy doncques que par le chemin que  
vient la vie vient la mort. Il y a soixante  
deux ans qu'ils s'entrecherchent, ils se  
sont à present rencontrez en toy. Car in-  
continét que tu failliz du vêtre de ta me-  
re pour venir sur la terre, incontinent la  
mort faillit de la terre pour trouuer ta  
vie. Or doncques mon tref-honoré sei-  
gneur puis que la mauuaise mort met  
en doubte la vie, & que la bonne mort  
excuse la mauuaise vie, reçoÿ avec ioye  
ceste messagere implacable des dieux qui  
r'ouure maintenant la porte d'immorta-  
lité: car celuy qui va à regret comparoi-  
stre deuant les Dieux iustes, fait con-  
gnoistre aux hommes que son cueur  
doibt estre bien chargé de vices. Com-  
bien que l'Empereur fust griesuement  
tormenté de maladie, & qu'il sentist bien  
proches les angoisses de la mort, si est ce  
que ayant attentiuement escouté la con-



olation & graue remonſtrance de ſon  
 ſecrtaire,quaſi comme eſueillé de quel-  
 ue profond ſommeil il ſ'exclama ainſi.  
 Bien heureux ſoit le laiſt Panuce que as  
 ſuccé en Dace, le pain qu'as menſé à Ro-  
 me, la doctrine qu'as receüe en Grece, &  
 la nourriture qu'as aprise à ma maiſon: car  
 tu m'as eſté loyal ſeruiteur en la vie tu  
 m'as moſtré eſtre treſſidele conſeiller en la  
 mort. Je commande à mon enfant Com-  
 mode qu'il recompénſe les ſeruices, &  
 aux Dieux immortels qu'ils recongnoiſ-  
 ſent tes conſeils: & non ſans cauſe j'ay  
 chargé mō filz Commode de l'vn, & ſup-  
 plié les Dieux pour l'autre, pour ce que le  
 payement de pluſieurs ſeruices ſe peult  
 faire par vn homme ſeul, mais pour payer  
 vn bon conſeil il eſt beſoin de tous les  
 Dieux enſemble. Je recommande de re-  
 comenſer à mon filz mes anciens ſeruiteurs,  
 eſquels quelquefois pour m'allonger la  
 vie ont ſouffert iuſques à la mort. Car ce  
 ſeroit grande infamie à l'Empire, offenſe  
 aux Dieux, iniure à moy, & ingratitude à  
 moy, ſi ayant trouué dixhuiſt ou vingt ans  
 de ſeruire de mes ſeruiteurs ouuerts, ils  
 trouuaſſent vn iour les portes de mon

Propos de  
 l'Empe-  
 reur Marc  
 Aurele,  
 faiſant  
 reſponſe à  
 ſon ſecre-  
 taire Pa-  
 nuce, eſtant  
 pres de la  
 fin.

## *Des persecutions de l'Eglise*

filz fermes. Que mō filz tienne dōcque  
toufiours cecy en memoire que cōme ie  
me recorde d'eux particulierement en  
mort, aussi les ay ie beaucoup aimez en la  
vie. Tu m'accuses Panuce de cē que mes  
yeux sont tous arrosez de larmes, & mon  
cœur est fait vne mer de pensēmēs. Tous  
les traualx de la vie sont grands, mais ce-  
luy de la mort Panuce est le plus difficile  
& terrible. Tous sont grands, mais cestuy  
cy est le plus grand. Tous sont perilleux,  
mais cestuy cy est le plus perilleux. Tous  
en la mort prennēt fin, sinon le traual de  
la mort duquel ne sçauōs la fin. Tu m'ac-  
cuses Panucio de ce que ie crains beau-  
coup la mort, ie te le nie: mais que ie la  
craigne cōme hōme ie le confesse: pource  
que nier que ie ne craigne la mort, seroit  
nier que ie ne suis de chair. Nous sommes  
de chair, nourris en la chair, viuons en la  
chair, mourrons en la chair, & est nostre  
ame si biē liée & conioincte auēc la chair,  
que le plus dur assault qu'elle puisse en-  
durer au mōde, c'est quād il faut qu'elle a-  
bandonne la chair: & pour ceste cause  
voyons nous par experience que le lyon  
est craint de l'elephant, l'elephant de

Pours, lours du loup, le loup est craint  
de l'aigneau, le chat du rat, le chien du  
chat, finalement les vns les autres se  
craignent, non pour autre chose sinon de  
ceur que l'un tue l'autre. Et si les bestes  
brutes reculent à la mort, lesquelles en-  
cores qu'elles meurent ne craignent à ba-  
ailler avec les furies, ny tant soit peu re-  
poser avec les Dieux, de combien plus  
nous autres qui mourons en doute si les  
furies nous tourmenteront avec leurs  
peines, ou si les Dieux nous receueront  
en leurs maisons. Ne t'esmerueille donc-  
ques plus Panuce, si en ce dernier com-  
bat tu me vois ainsi effrayé & troublé: j'ay  
auigué soixante & deux ans par le peril  
de ceste vie, & à ceste heure les Dieux me  
commandent desbarquer & prédre port  
en la sepulture. Lors que ie sentoys la vi-  
queur de la vie, ie faisois avec vous ce que  
de buois, à ceste derniere iournée ie fais  
ce que ie puis. Ce iour les Dieux m'ostent  
l'ame, Commode mon fils l'Empire, la  
sepulture mon corps, & vous autres mes  
intimes amys mon cueur: ce iourd'huy  
acheuent mes destinées. Celuy Panuce  
que tu as veu vaincre plusieurs, est à ceste



*Des persecutions de l'Eglise*

heure vaincu de la mort . Celuy qui en a fait mourir plusieurs ne peut allonger d'une heure sa vie. Celuy qui estoit porté en chariots d'or , sera auiourd'huy enclos en vne bierre de boys . Celuy qui estoit fuiuy d'exercite, ne sera auiourd'huy enuironné que des vers. Celuy qui en si grand honneur & triomphe a si souuent monté au Capitole, sera auiourd'huy descēdu avec horreur en la sepulture . Celuy pour lequel autrefois plusieurs ont chanté, sera auiourd'huy pleuré d'infiniz autres . Puis ayant mis fin à son propos il commença à detester ainsi la vie. O vie malheureuse, ô vie ennuyeuse, ô vie chatouilleuse, ô vie soupçonneuse, vie tāt incertaine, vie tant importune, vie tāt espineuse, vie sans vie, vie qui n'es point vie, mais mort bien prolix. T'ayāt doncques deduiēt Panuce ceste premiere cause, pourquoy ie redoubte la mort, ie viens maintenāt à la secōde, laquelle si tu sentoies en tes entrailles cōme ie la fais en mō cœ̃ur, au lieu de m'accuser tu m'aiderois à la plaindre . Je te fais à sçauoir de rechef Panuce que l'occasion pourquoy tu me vois ainsi inquieté & troublé en la mort, c'est pour ce que ie  
laisse

laisse mon fils Commode en ceste vie biẽ  
perilleuse pour luy, mais beaucoup plus  
suspçonneuse pour l'Empire. Es fleurs se  
congnoissent les fruiçts, es bourgeons se  
congnoissent les vignes, à la face se con-  
gnoissent les hommes, du poulain se iuge  
le cheual, & de l'enfance se congnoist la  
ieunesse. Je dis cecy, pour ce que si le prin-  
ce Commode mon fils n'a gueres valu en  
sa vie, moins encores vaudra-il apres  
sa mort. Puis que tu as si biẽ experimẽ-  
té les malignes conditions de mon fils en  
sa vie, pourquoy t'esmerueilles tu des an-  
xietez & douleurs du pere en la mort. Je  
te laisse (comme tu sçais) ieune, riche,  
prince & libre: & les quatre racines assem-  
blées, ieunesse, richesse, principauté, & li-  
berté, empoisonnẽt en fin le prince, rem-  
plissent d'ordure la republicque, tuent les  
vivans, infament les morts. Mais entends  
moy ie te prie Panuce, quelle pitié est ce  
de veoir vn pere comme il achapte des  
Dieux son enfant avec souspirs, comme  
les meres les enfantent avec douleurs,  
comme tous deux les nourrissent avec  
labaueaux, comme ils veillent pour les sub-  
stantier, comme ils trauaillent pour leur

## Des persecutions de l'Eglise

remedier , & le plus souuent deuiennent tant rebelles & vicieux, qu'au lieu de leur seruir de baston de vieillesse , sont les bourreaux qui les assomment, sont les tyrans qui les meurdrirent auant leurs iours . O quel trauail Panuce , quel creue-cœur à l'homme saige qui se veoit au dernier pas de la mort de laisser la sueur de sa maison , la maiesté de l'Empire, l'honneur de sa personne , l'abry de ses amis, le remede de ses debtes, le payement de ses seruiteurs, la memoire de ses predecesseurs, au pouuoir d'un enfant tel que le mien! Apres que ce bon Empereur eut si hautement discouru avec Panuce sur la cause de la crainte qu'il auoit de mourir , & faict quelque graue remonstrance à son fils Commode sur l'administration de l'Empire estât en Panonie, & ayant assiegée la fameuse cité de Vandebourg , il rendit en fin l'esprit , tourmenté d'une forte paralisie , & fut tant regretée la vie de cest excellent Monarque, & tant pleurée & lamentée sa mort, que pour en eterniser la memoire il n'y eut citoyen en Rome qui ne mist en sa maison vne statue de luy , ce qui ne fut oncques fait ou

*Du secretaire Panucio, de ses vertus & de sa vie escrit ample-ment Sextus Cheronensis. Panonie est ce que nous appellons maintenant Hongrie. Il regna xvij. ans, & mourut aagé de soixante.*



leu d'aucun autre Empereur Grec ou Romain. Et encores pour le iourd'huy se voit à Rome avec grand merueille sa statue antique d'airain à cheual, ayāt la main estendue sur Rome en maniere de menace de quelque calamité future. Plusieurs historiens ont fait mention de cest excellent Empereur Marc Aurele; Herodien en a escrit peu, Eutropius & Lampridius moins, Iulius Capitolinus quelque peu d'auantage, mais Iunius Rusticus, Cinna, Catullus & Sexte Cheronense qui auoient esté ses precepteurs ont laissé par leurs escrits à la posterité la memoire de sa vie & doctrine.

*PERSECUTION DE L'EGLISE,  
se, sous l'Empereur Seuerus.*

*Chapitre VI.*

**S**euerus a tormenté l'Eglise comme les autres qui l'ont precedé. Nous deduirons cecy plus amplement mais que ayons fait mention de ses mœurs, de son origine, & comme il paruint à l'Empire. Seuerus estoit

## *Des persecutions de l'Eglise*

*Entropius.*

d'Affrique, seul premier & dernier Empereur Affricain. Il estoit de pauvre maison, sa mere nommée Syluia, disoit qu'elle auoit enduré grand peine durant le temps qu'elle estoit enceinte, & extreme trauail à l'enfanter : mais sur tout grand ennuy & fatigue à le nourrir. Aagé de dix à douze ans il fut si ardent à apprendre les lettres Grecques & Latines, qu'on l'eust iugé Grec naturel, & sur la dixhuitiesme année de son aage il deuint aduocat, qu'on luy mettoit en main toutes les causes d'importance; & s'il eust continué les lettres, comme il fist les armes, il eust esté autant renommé en l'vn, que redouté en l'autre. La future grandeur de ce ieune enfant fut manifestée par plusieurs presages memorables. L'Empereur Marc Aurele (duquel nous auons parlé cy deuant) faisant vn iour vn banquet solennel, & les sieges estans preparez pour se mettre à table, Seuerus sans y pēser s'assit en la chaire impériale, dequoy les autres pages ses compaignōs irritéz se gossoient de luy de la faute qu'il auoit faicte : mais sans s'estonner aucunemēt il leur respōdit avec vne assurance merueilleuse, Taisez

vous, ne vous mocquez plus, peut estre  
que mes destinées seront telles comme  
sans y penser me fuyss assis au siege Imperial,  
quelquefois ie m'y mettray à bon es-  
cien. Vne autrefois voulant sçauoir  
quelque chose de sa fortune, il s'adressa à  
vn docte Mathematicien, lequel ayant  
trouué l'oroscope & ascendant de sa na-  
tiuité luy dist, ce que tu me presentes icy,  
est vne natiuité supposée, ou bien si c'est  
la tiëne, les aspectz fauorables te promet-  
tent vne monarchie. Seuerus racom-  
toit souuent ceste prediçtion veritable  
estant paruenue à l'Empire. L'empereur  
ulianus estant en crainte de perdre  
l'Empire eut son recours à quelques ma-  
giens, pour sçauoir quelle seroit la fin  
de son Empire, lesquels luy monstrerent  
vn miroir composé par l'art mathema-  
tique que Seuerus seroit receu à Rome  
l'empereur avec le contentement de tout  
le Senat, & que luy il seroit desprisé, hay  
& detesté de tous. Seuerus n'auoit que  
vingt ans quand il vint à Rome, & re-  
noit lors le bon Marc Aurele, lequel par  
intercession de Septimius Seuerus son  
parent, luy donna l'office de faire le cata-



### *Des persecutions de l'Eglise*

logue, & mettre par escrit ceux qui nais-  
soient & mouroient à Rome, pource  
qu'il estoit eloquent & facond il fut sou-  
uent enuoyé en ambassade. Quelquefois  
estant enuoyé en Sardinie, qui pour quel-  
que mutination auoit laissé le party des  
Romains, comme Seuerus entroit dans  
la ville capitale les torches allumees de-  
uant luy (suyuant la coustume des am-  
bassadeurs) vn citoyen faisant le plaisant  
& familier le vint embrasser estroict-  
ment: lequel Seuerus fist à l'instant mes-  
me foïetter, remonstrant qu'en vn acte  
de telle grauité ne failloit faire ainsi du  
compagnon & du plaisant: Et pour me-  
moire d'un faict si memorable, les Ro-  
mains ordonnerēt que depuis en l'adue-  
nir les ambassadeurs feroiēt leurs entrees  
à cheual, combien que au parauant ils les  
feissent tousiours à pied. Or pour nous re-  
souldre en bref, il s'acquittoit si bien en  
toutes ses charges qu'on luy donnoit,  
que par degrez il obtenoit presque tou-  
tes les dignitez Romaines. Ayāt esté que-  
steur le cinquiesme an de l'Empire de  
Marc Aurele il fut Consul, puis Procon-  
sul en Affrique, puis fut Tribun du peu-

ple, puis Preteur avec telle solennité que  
l'Empereur Marcus Aurelius le mena en  
pompe avec luy par toute la ville en sa li-  
brière. Cécly nous suffira pour scauoir  
comme Seuerus fest gouuerné auant  
que paruenir à l'Empire. Mort Marc Au-  
rele, Commodus son fils & Pertinax, Se-  
uerus s'empara de l'Empire par la mort  
de Iulianus qui fut le dernier Empereur  
auant luy, & à son aduenement à l'Empi-  
re, il se monstra gracieux, affable, traicta-  
ble, liberal, magnanime, amateur du bien  
public, caressoit ses citoyens, entretenoit  
les estrangers, offroit souuent sacrifices  
aux dieux, de sorte qu'il acquist ces tiltres  
d'estre comparé en guerre à Iulius Cesar,  
en police humaine à Auguste, & en reli-  
gion à Numa Pompilius : mais tout ce  
qu'il faisoit n'estoit que vne pure hypo-  
crisie & simulation : Car depuis qu'il se  
vit en pleine possession de la Republic-  
que, & apres qu'il eut vaincu Albinus  
qui estoit son competeur à l'Empire : il  
fit tant mourir de citoyens presens & ab-  
sens de ceux qu'il soupçonnoit luy auoir  
auorisé, & en fist telle tuerie & bouche-  
rie que les champs estoient tous couuerts

## *Des persecutions de l'Eglise*

de morts, les rües baignees de sang , & les places couuertes d'exercites: de sorte qu'il sembloit que Scilla n'estoit pas mort , & que Nero fust resuscité . Seuerus doncques ayant vaincu & tué trois Empe- reurs , Iulianus à Rome , Pescennius en Asie , & Albanus en France , chastié les Romains iusques à n'oser haulser la teste, vaincu les Parthes , il desgorgea & vomit sa derniere rage & colere cõtre les Chrestiens: Car retournant par la Syrie, & Pales- tine , il fist publier des edicts sur peine de la vie, que nul n'osast se nommer Iuif ou Chrestien , ne introduire autre religion que celle des Romains. Tertulian en son apologetique , & au liure à Scapula gouuerneur, recite par ordre les calomnies & opprobres qu'on inuenoit & mettoit sus aux Chrestiens pour les rendre odieux , & leur faire encourir la hayne & fureur du peuple: qu'ils estoient sedicieux, qu'ils detractoiét de l'hõneur de l'Empire, qu'ils commettoient des meurtres, qu'ils estoient sacrileges, qu'ils estoient incestueux, qu'ils tuoient de petis enfans, qu'ils en mangeoient la chair crüe , qu'en leurs assemblées de nuit les chandelles

*Voy Spar-  
tianus qui  
a escrit sa  
vie.*



esteintes ils paillardoient sans auoir esgard à qui, qu'ils adoroient la teste d'un asne au lieu de Dieu, qu'ils adoroient le soleil: de sorte que le populace enyuré & enforcelé de tous ces crimes & menfonges supposez aux Chrestiens, se ruoit dessus d'une impetuosité enragée comme sur bestes brutes: Puis certains maque-reaux, deuins, forciers, magiciens & autres de telle vermine, faisoient voler le bruiet que les Chrestiens contemnoient les autres Dieux. Eusebe liure sixiesme chapite premier & second, descriuant la tyrannie de cest Empereur Seuer, fait mention de la constance d'aucuns martyrs dignes de memoire, qui souffrirent sous l'Empereur Seuer en Alexandrie, entre lesquels estoit Leonide pere d'Origene: & par ce que son nom est si celebré, & qu'il a seruy d'un si grand aornement à nostre republique Chrestienne, il me semble bien conuenable en ce lieu de repeter les propos memorables d'Eusebe, lequel parlant de l'ardeur & constance merueilleuse de ce ieune enfant Origene, escrit de luy ce qui sensuit. La dixiesme année de l'Empire de Seuerus la persecution fut

### *Des persecutions de l'Eglise*

suscitée tref-aspre & tref-cruelle en la cité d'Alexandrie, au moyē de laquelle plusieurs bons champions gaignerent le pris, & le loyer du saint martire, duquel Origene estant encores ieune enfant fut si conuoiteux & la desiroit de si ardent courage qu'il alloit de son gré cherchant les moyens pour y paruenir : & quand il voyoit les autres au combat de la foy es lieux publicques, il se venoit deuant tout le monde persenter & ingerer pour leur tenir compagnie, comme s'il eust contemnē la mort & l'eust voulu prendre à force, mesme baisoit lesdicts martirs prenant le dernier congé d'eux en la presence des iuges. Et sans que sa mere luy desroba tous ses accoustremēs la nuit, ainsi qu'il dormoit en sa chambre, il estoit si animé & affecté au martire qu'il vouloit aller accompagner son pere Leonide en la prison & au martire. Et se voyant par l'artifice de sa mere priué de son esperance, il entreprist vne chose plus grande que sa ieunesse ne portoit: car il escriuit vne lettre à son pere où il l'exhortoit à patiemment supporter le martyre, adioustant ces parolles pour la fin. Gardez vous mō

pere que l'affection que vous portez à moy & à mes freres ne vous face changer de propos. Les historiens escriuent qu'apres que les biens de son pere furent confisque pour la foy, il nourrissoit sa mere & ses six freres de ce qu'il pouuoit gagner à instruire la ieunesse & tenir les escholles. Ceux qui voudront veoir amplement la vie, les mœurs, & la mort d'Origene, lisent Nicephore historien Grec, cinquiesme liure de son histoire ecclesiastique. Apres que l'Empereur Seuerus eut fait mourir vn grand nombre de Chrestiens par diuers tourmens, finalement il s'en alla en Angleterre, qui s'estoit rebellée de l'obeissance des Romains: & la main de Dieu le serra si de pres qu'il deuint podagre en ne se pouuant ayder ny de bras ny de iambes: Et voyant que son fils desiroit sa mort, mesme iusques à l'auoir voulu faire empoisonner, & que ses domestiques le seruoient mal, les medecins ne le visitoient qu'à regret, il mourut de pure tristesse. Et si nous voulons considerer sa vie comme les historiens la descriuent, vous n'y trouuerez autre chose qu'un meslange de vices & de vertuz, qui



## *Des persecutions de l'Eglise*

fut cause que le Senat par determination dist de luy ce qu'il n'auoit au parauant esté dict d'aucun Empereur, à sçauoir, *Illum nasci non debuisse aut non mori*. Qui veut dire, qu'il eust esté bon qu'il n'eust oncques esté né, ayant esgard aux cruantez par luy commises, ou qu'il ne fust iamais mort, considerez les profits que l'Empire en auoit receuz. Il vescu soixante cinq ans, Impera vingt & deux.

*PERSECVTION DE L'EGLISE, sous l'Empereur Maximin, & quels combats elle a soustenu du temps de l'Empereur Decius. Chapitre VII.*



A sixiesme persecution de l'Eglise fut du regne de Maximin, lequel estoit de pauvre maison, & dès son enfance fut berger, & deuint si grande en corpulence qu'on venoit de bien loing pour le veoir: Il estoit si grand mangeur & beuveur qu'il mangeoit à son repas quarante ou cinquante liures de chair, & beuvoit neuf ou dix pots de vin. Et pour en tirer plaisir, Alexandre le menoit par tout avec luy, &

*Orosius,  
Capitoli-  
nus,  
Herodia-  
nus,  
Eusebius.*

encores qu'il fust de cōtenāces lourdes, il  
 deuint vaillant gendarme : tellement  
 qu'en vn iour il entreprit à combatre  
 contre seize gendarmes & les desconfit  
 tous. Les vns voyans la magnanimité de  
 cest homme avec la grandeur de son  
 corps l'appelloient Milo, les autres Her-  
 cules. Alexandre le voyant bon soldat le  
 fist capitaine de quatre legions , puis a-  
 pres le constitua general de toute son ar-  
 mée . Alexandre mort , l'exercite le crea  
 Empereur contre le gré du Senat , où  
 pour commencer son chef d'œuure, il fist  
 meurtrir & tuer les seruiteurs domesti-  
 ques du feu Empereur Alexandre qui l'a-  
 uoit auancé : puis fist mourir à Rome  
 plusieurs Senateurs & gétils-hommes il-  
 lustres , principalement ceux qui sça-  
 uoient son extraction seruite, puis en fin  
 conuertit sa fureur contre les Chestiens.  
 Il succeda à l'Empire l'an de Iesus Christ  
 deux cens trente sept . Paulus Orosius  
 liure septiesme chapitre xix. & Eusebe  
 chapitre xvi . de son sixiesme liure escri-  
 uent que apres que l'Empereur Alexan-  
 dre eut regné quatorze ans , luy succeda  
 Maximin, lequel ayāt conceu vne hayne

*Paul Oro-  
 se liure 7.  
 chap. 19.*

*Des persecutions de l'Eglise*

mortelle contre la maison d'Alexandre son predecesseur, esmeut vne nouvelle persecution contre les Eglises, non pas generalmente contre tous Chrestiens, mais contre les Prelats & docteurs, & autres qui auoient quelque autorité entre le peuple Chrestien, lesquels comme il disoit estoient occasion d'entretenir ceste secte: Et vsa ce malheureux prince de cruaultez non accoustumées, & fist inuenter diuerses sortes de tourmens pour tourmenter & faire mourir les pauures Chrestiens: Et de ce mesme temps Origene escriuit le liure du martyre, lequel estant venu entre les mains de plusieurs estoient par iceluy si confermez en la foy qu'ils s'alloiēt offrir au martire. Et par son moyen l'espace de troys ans que dura telle persecution il y eut vn nombre merueilleux de martyrs: mais au bout de trois ans elle print fin ensemble la vie dudit Empereur, lequel fut tué de ses gensdarmes aagé de soixante ans, avec son fils aagé de dixneuf: puis leurs corps furent iettez dedans la riuiere: Et crioient les soldatz apres les auoir tous deux tuez, que d'un meschant chien on en deuoit e-



steindre toute la race. Celsus philosophe  
 Epicurien, contre lequel Origene a escrit <sup>Quel com-  
 bat a son-</sup>  
 huit liures, regnoit du temps de ce mal- <sup>stenu l'E-  
 glise sous</sup>  
 heureux Empereur . Iulius Capitolinus; <sup>l'Empire</sup>  
 Herodien & Eutrope ont escrit sa vic. <sup>de Decius.</sup>  
 Decius (ainsi qu'escrit Sextus Aurelius  
 Victor) est mis au nombre des bons Em-  
 pereurs, apres qu'il eut executé plusieurs  
 grandes charges , il fut créé Empereur  
 non par ambition, mais par sa vertu, bon-  
 té & integrité de mœurs, encores ce fut  
 plus par la contrainte des gensdarmes Il-  
 liriens que de son gré & volonté: le Senat  
 Romain neantmoins confirma ceste ele-  
 ction. Il n'entreprist iamais chose aucune  
 sans le gré du Senat, il appaisa durant son  
 regne les troubles ciuils excitez en Gau-  
 le. Le Senat, pour luy gratifier, associa a-  
 vec luy son fils Decius au gouuernement  
 de l'Empire: mais quelques louanges que  
 les Ethniques luy donnent , il a tant mal  
 traicté les esleuz de Dieu, qu'il merite d'e-  
 stre mis au rang de tous les plus cruels ti-  
 rans qui furent oncques , comme l'on  
 pourra aisement iuger par la deduction  
 de l'histoire suyuant. Paul Orose liure  
 septiesme chapitre vingt & vniesme, Pla-

*Des persecutions de l'Eglise*

tine en la vie du Pape Corneille, Eusebe Cefarien liure sixiesme chap. vingt trois & vingt quatre de son histoire Ecclesiastique, Nicéphore Caliste chap. vingt sept vingthuit, vingtneuf, trente, & trente & vn du cinquiesme liure de son histoire: & Naucleire poursuyuant par ordre les cruaultez & horribles persecutions que l'Empereur Decius fist aux Chrestiens durant son regne. Ce cruel Empereur en haine de son predecesseur Philippe qui auoit esté Chrestien excita vne sanglante tragœdie contre noz gens. Et pour commencer son chef d'œuvre il fist publier vn Edict tyrannique, par lequel il estoit ordonné que tous Chrestiens fussent par tout punis & sans forme de proces & sans sentēce de iuge: & pour mieux exécuter ses entreprinſes il s'attaqua aux prelats & autres plus excellens en doctrine, qui estoient comme les colonnes des Eglises, à fin que ceux là estans opprimez & abbatuz, le reste se gaignast plus aisement. Il fist meurtrir Fabien de Rome, puis Corneille pape: il fist aussi tant vexer de diuers tourmens Alexandre Euesque de Hierusalem, que ainsi qu'on le memoit  
de la

de la prison au siege iudicial il rendit l'esprit. Il fit tuer aussi Babilas Euesque d'Antioche, & vn si grand nombre d'autres qu'il feroit (dit Nicephore) aussi aisé de nombrer le sable de la mer, que de recompter le nombre des martirs qui souffrirent sous ce meurdrier infame Decius: & non content d'auoir exercé sa rage contre les hommes, sa fureur mesmes s'estendoit contre les femmes. En ce cruel combat moururent Amonaire & Mercure vierges, & eurent la teste trenchée pour auoir refusé de sacrifier aux Idoles. Corinthe semblablement pour auoir refusé de sacrifier fut attachée par les pieds & trainée le long de la cité par les rues. Appollonia vierge tant recommandée par les histoires fut tourmentée de diuers tourmens. Car apres luy auoir arraché toutes les dents, voyant qu'elle persistoit en la confession de Iesus Christ, firent allumer vn grand feu, & la menacerent de la ietter dedans si elle ne blasphemoit contre son Dieu, & se voyât enuironnée de tant de frayeurs & tourmens & apres auoir demeuré quelque temps en si-  
 cecy, saisie d'vne fureur diuine elle eschap-

*Eusebe es-  
crit cecy.*



## Des persecutions de l'Eglise

Nicephore  
escriu aussi  
cecy de A-  
pollonia  
chapit. 20.  
liure 5.

Eusebe.

pa des mains des bourreaux & se ietta de son gré dans le feu duquel ils la menaçoient, dont les auteurs & ministres de la cruauté (dit Eusebe) furent estonnez qu'une fille vierge fut plus prompte à prendre la mort qu'eux à la luy donner. En ceste persecution trois notables personages eurent beaucoup à souffrir, Denis Euesque d'Alexandrie, S. Cyprian, & Origene. Quant à Denis il a luy mesmes escrit ses combats, en ses epistres, & trouue lon qu'un iour ainsi qu'on le poursuyuoit par iniures, contumelies & reproches, il respondit à ceux qui l'agassoient. Qu'est il besoing de tant contester par parolles inutiles? Prenez ma teste pour laquelle vous trauallez tant, separez-la d'auec mes espaulles, & en faites vn present au tyran qui luy sera agreable. Nicephore liure cinquiesme chapitre vingt sept escrit ce que s'ensuit. A ce grand nombre de martirs qui souffrirent en la persecution de l'Empereur Decius, doibt estre adiousté cest excellent & renommé Euesque de Cartage Cyprian, lequel festoit quelquefois adonné fort à la magie, mesmes festant voulu ayder de l'artifice des diables

pour suborner Iustine vierge chaste, &  
 d'une beauté admirable, laquelle eust du  
 tout consacrée au service de Dieu luy au-  
 uoit si bien résisté en ses folles amoureu-  
 ses qu'il y auoit perdu ses peines. Lequel  
 Cyprian quelque temps apres saisi d'un  
 remors de conscience, reconnoissant sa  
 faute brusla ses liures de magie, & aban-  
 donnât du tout la vanité de la magie em-  
 brassa la religion Chrestienne d'un si grand  
 zele qu'il eut plusieurs degrez en l'Eglise  
 l'un apres l'autre, & paruint iusques à estre  
 Euesque d'Affrique, & se gouerna si sa-  
 gement en toutes ses charges qu'il estoit  
 en admiration à tout le monde, & exhor-  
 toit par ses escrits & sermons vne infinité  
 de Chrestiens à soustenir constamment la  
 persecution pour le nom de Iesus Christ,  
 ce que luy mesme depuis practiqua par  
 effect: Car en la persecution de Decius a-  
 pres auoir souffert vne infinité de diuers  
 tourmens, ils receurēt luy & la chaste Iu-  
 stine la couronne de martyre sous l'Em-  
 pereur Decius, duquel le poëte Pruden-  
 tius aussi a fait vne hymne fort notable,  
 où il parle des chastes amours de Iustine  
 & de luy, mais il dit qu'il souffrit sous

*Gregoire  
 Nazian-  
 zene dit,  
 que S. Cy-  
 prien estoit  
 fort adon-  
 né à l'estu-  
 de de l'art  
 magique,  
 & l'appel-  
 le magi-  
 cien &  
 empoison-  
 neur, &  
 qu'il estoit  
 payen &  
 idolatre.*

## Des persecutions de l'Eglise

l'Empereur Valerian & Galerien. Le troi-  
siesme qui soustint de furieux assaux souz  
l'Empereur Decius ce fut ce grand do-

*S. Ierosme* & *Eusebe*  
*escriuent*  
*que S. Cy-*  
*prian fut*  
*decapite du*  
*temps que*  
*Xiste gou-*  
*ueroit l'E-*  
*glise de*  
*Rome, l'an*  
*du Sei-*  
*gneur 259.*  
*S. Ierosme*  
*& S. Au-*  
*gustin ont*  
*este d'un*  
*mesme*  
*temps que*  
*S. Cyprian,*  
*ou bien tost*  
*apres.*

cteur Origene, qui a tant illustré les sain-  
ctes lettres par diuers commentaires, qu'o  
a escrit de luy qu'il auoit composé six mil-  
le liures en sa vie, duquel Eusebe parlant  
des cruantez de Dece escrit ce qui s'en-  
suint : mais il faut parler des grandes cho-  
ses qui furent faictes durant ceste perse-  
cution contre Origene, & des aguets que  
luy dressa l'ennemy de nature humaine  
auec tout son exercite, & les dâgers, tour-  
mens & trauaux qu'il soustint pour la  
confession de nostre foy par dessus tous  
les autres de son temps, de telle sorte que  
tous les dars & tous les glauiues du diable  
estoint conuertis contre luy, pourtant  
qu'on le tenoit pour le principal cham-  
pion & defenseur de nostre foy. Apres l'a-  
uoir emprisonné, lyé & garrotté, & lace-  
ré tout son corps de diuerses playes, ils le  
meirent en vne gehenne & tourment,  
où il demeura quatre iours les pieds es-  
tendus iusques au quatriesme point. Et  
voyant dit Nicephore que la rigueur &  
cruauté des tourmens ne le pouuoient



diuertir du zele qu'il auoit au Sauueur, Henry de Herfort & Volaterrā  
ils s'aduiferent par l'artifice de Sathan de escriuent de quelque Cyprien  
le tenter en la vertu de continence qui magicien, qui fut de ses propres parens con-  
luy estoit plus familiere, & apres l'auoir sacré au diable en sa ieunesse, qui nonob-  
eu tiré du lieu où il estoit, ils le menerent stant fut conuerty: & finable-  
deuant vn autel, ioignant lequel il y auoit ment fut fait Eues-  
vn salle & vilain Ethiopien, & luy ayant que & martyr.  
proposé cest ord spectacle, ils luy dirent,  
Origene il te fault resouldre de deux  
choses l'une, ou que cest ethiopien souille  
ton corps & en abuse en ses delices, ou  
bien que tu sacrifies à noz Dieux. Orige-  
ne se voyant reduict en ceste extremiré  
qui estoit des plus continens ecclesiasti-  
ques du monde, aymant mieux sacrifier  
que permettre que son corps fust souillé.  
Et pour auoir commis vne si abomina-  
ble faulte il fut excommunié de l'Eglise.  
Et ne pouuant porter en son cueur ceste  
interdiction de l'Eglise, il abandonna A-  
lexandrie & s'en vint en Hierusalem, où  
les prestres luy firent requeste qu'il eust à  
recongnoistre sa faulte en la congrega-  
tion des fidelles: & lors comme du tout  
abbatu & effrayé il se leua se preparant  
comme s'il eust voulu faire quelque ser-  
mon. Mais soit qu'il eust vne trop grande

## *Des persecutions de l'Eglise*

Nicephore,  
Calixte li-  
ure 5. chap.  
32.

compunctiō ou amertume en son cueur  
ou autre chose , si est ce qu'il ne peut ia-  
mais prononcer autre parolle que ce qui  
est contenu au Pseaulme cinquantième,  
où il est dit . Et Dieu dist au pecheur,  
pourquoy annōces-tu mes iustifications,  
& pourquoy prens-tu mon testament en  
ta bouche ? Et soudain apres auoir pro-  
noncé cela il sortit grande quantité de  
larmes de ses yeux , & commença à faire  
vn cry & clameur fort estrange & tous les  
autres aussi pleuroient & se lamentoient  
avec luy . Et ne fault s'esmerveiller si ce  
bon docteur Origene chancela en cest  
endroit: car à ce que escrit Eusebe apres  
Dionisius, la persecution fut si aspre & ar-  
dente en ce miserable regne , que ce qui  
estoit predict en l'Euangile arriua lors.  
Que la saison viendroit où les afflictions  
seroient si grandes que sil estoit possible  
les iustes mesmes seroient scandalisez,  
comme il aduint lors : Car incontinent  
que les cruels Edicts de mort furent pu-  
bliez cōtre les Chrestiens quelques vns  
des nobles & des riches renoncerent la  
foy , les autres pour l'horreur des tour-  
mens qu'ils voyoient souffrir à leurs com-

pagnons alloient de leur bon gré sacrifier aux Idoles, les autres y alloient avec vne telle crainte & treneur qu'ils sembloiēt mieux qu'ils fussent sacrifiez eux mesmes qu'il sacrifiaissent : dequoy les payens se mocquoient à pleine bouche, leur reprochant qu'ils estoient aussi espouuentez pour sacrifier que pour mourir. Et en ceste confusion vniuerselle de tourmens les vns se sauuoient à la fuitte, de sorte qu'il en mourut grand nombre par les desers, cauernes & montaignes, de faim, de froit, & de maladie. Les autres qui furent tuez des brigans, les autres deuorez par les bestes : Entre lesquels fut le venerable Euesque de Nycopolis nommé Ceremon, lequel s'estant enfuy avec sa femme moult ancienne aux montaignes d'Arabie, ne fut iamais depuis veu : combien que les fidelles desirant la presence & compagnie d'un si digne prelat en feirent toute diligence d'en scauoir nouuelles. Pendant que ce detestable tyran espan-  
doit ainsi le sang des Chrestiens, les Scythes se reuolterent, où il alla avec son fils, & là print fin sa cruaulté : car son fils fut tué, & l'Empereur noyé dans vn marais *La mort de Decius.*



*Des persecutions de l'Eglise*

sans que son corps peust iamais estre re-  
trouué, & mourut aagé de cinquâte ans,  
apres auoir regné trois ans.

*COMME LES EGLISES FV-  
rent affligees soubz les Empereurs  
Valerianus & Aurelianus.*

*Chapitre VIII.*



Alerian venu d'Allemagne à  
Rome l'an apres la natiuité  
de Iesus Christ deux cens  
cinquante neuf, eut la char-  
ge de l'empire, il estoit extraict de race  
noble. Trebellius Pollio son historien dit  
qu'il fut priace docte, de grand' vertu: il  
escrit de luy qu'il fut liberal, veritable en  
ses parolles, cault en ses propos, constant  
en promesses, affable aux amis, seueres aux  
ennemys, & ne scauoir oublier seruice ny  
moins venger iniure. Tous les historiens  
ecclesiastiques qui ont traicté des fieux  
de l'Eglise s'accordent que la huictiesme  
persecution de l'Eglise fut soubz Vale-  
rian. Lequel ainsi que Dionysius escrit à  
Hermannon & apres luy Eusebe, & Ni-  
cephore, au commencement de son Em-

pire il fut si clement & bening aux Chrestiens & leur portoit tel honneur & reuerence, que son palais estoit vn vray college ou Eglise de Chrestiens: mais quelque temps apres ceste bonne paste se commença à corrompre & tellement empu-  
naistr, qu'il deuint en fin vn vray meurtrier & boucher, qui sans cesser beuuoit & se gorgeoit du sang de plusieurs martires: Car qui voudroit racompter par ordre le nombre d'hommes, ieunes & vieux, femmes & filles qu'il a faict mourir en son temps, & les genres de tourmens desquels il a usé pour les faire flechir deuant ses Idolles, il s'en pourroit former vn gros liure. Ce miserable Empereur qui auoit donné au commencement tant de tesmoignages de ses vertus, fut en fin seduit & corrompu par vn enchanteur Egiptien, à la persuasion duquel il com-  
ça à auoir en horreur & execration les Chrestiens, luy persuadant que ceste secte estoit ennemie capitale de la magie, de laquelle cest Empereur estoit si superstitieux obseruateur qu'il faisoit meurtrir & occire grand nombre de petiz enfans, & faisoit decouper toutes les parties de

## *Des persecutions de l'Eglise*

*Le nchan-  
teur cor-  
rupteur  
d'un Em-  
pereur.*

leurs corps , mesmes iusques à vouloir  
veoir au plus profond de leurs venes &  
entrailles , cherchant la voix és corps  
qu'il auoit priuez de vie, comme Diony-  
sius a laissé par escrit, & apres luy Eusebe  
& Nicephore. En confirmation dequoy  
ils racomptent vne histoire digne de ce  
lieu , par le discours de laquelle ils mon-  
strent combien ses impostures & illusions  
diaboliques sont desplaisantes à Dieu, &  
que lors qu'il luy plaist desployer vn rayō  
de sa puissance il les confond & abis-  
me de telle sorte que leurs vanitez de-  
meurent confuses, & leurs presaignes sont  
descouuertz : comme il appert par la de-  
duction de la memorable hystoire qui  
sensuit, d'Astadius senateur Romain, &  
Patrice riche & opulent , extrait de la  
plus noble lignee des Romains, mesmes  
allié des Roys . Cest Astadius a eternisé sa  
memoire par plusieurs actes memorables  
*Nicephore,  
Calixte.* entre lesquels cestuy est nombré pour  
l'un des plus celebres, comme Dionysius  
auoit entendu de ceux mesmes qui es-  
toient en sa compagnie luy estant en vie.  
Pres la Cité de Cezaree au pied d'une  
montaigne que lon nomme Pannee, d'où



fort le fleuve de Iourdain, auoit vn certain lieu auquel les gens du pays adonnez à superstitions auoient accoustumé de faire certain sacrifice par art diabolique: & estoit ce sacrifice icy si admirable, que dès que la beste qu'on deuoit immoler estoit sacrifiée, elle s'esuanoissoit tellement qu'on ne la voioit plus. Et ce pauvre populace estoit enueloppé en telle erreur qu'ils pensoit qu'elle fust rauie au ciel. Et à raison de ce faux miracle le monde venoit de toutes les prouinces circonuifines pour y assister. Auquel Astrius se trouuant & aiant compassion du pauvre peuple enforcélé par l'artifice des malings esprits, se prosternant à genouils avec larmes fist priere à Dieu qu'il luy pleust deliurer ces pâures gens aueuglez de leur erreur, la priere duquel finie, la beste commença apparoiſtre dedans la riuiere avec vn grand estonnement des assistans, & iamais depuis ne peut estre remis ledict sacrifice, par ce que l'artifice du diable y auoit esté descouuert. Ce Sénateur Astrius ayât assisté au martire de plusieurs, & entre autres pour auoir enueloppé en son manteau le corps du martyre Marin

## *Des persecutions de l'Eglise*

qu'on venoit de decapiter, il receut luy  
mesme la couronne de martire & de sem-  
blable peine, sous l'Empereur Decius:  
Mais pour mettre fin aux cruautéz &  
massacres de l'Empereur Valerian, le Sei-  
gneur qui n'oublie iamais les siens (quoy  
que sa iustice soit pour vn temps differée)  
luy prepara vne fin digne de sa vie: Car  
pendant qu'il tourmentoit ainsi nos gens  
il se leua vne cruelle guerre en Asie, ou  
force luy fut se trouuer en personne pour  
faire teste à Sapor Roy des Parthes, hom-  
mes fort belliqueux, où Valerian qui sou-  
loit faire emprisonner & meurtrir les au-  
tres fut pris & mis en la puissance du Roy  
Sapor son ennemy, lequel vsa si mal de sa  
victoire que ne voulant prendre aucu-  
ne rançon de luy, luy vsa de ceste cruauté,  
que luy ayant premierement fait creuer  
les yeux, faisoit apres le corps du vieillard  
Valerian luy seruir de montoir, luy met-  
tant le pied sur la gorge toutes les fois  
qu'il montoit à cheual, & mourut ce mi-  
serable vieillard en telle seruitude aagé de  
soixante & dix ans. † Aurelianus qui est  
nombré entre les persecuteurs estoit fils  
d'un payfan de Bauieres, lequel estant es-

*Voy Paul  
Orose.*

*Latus &  
Aurelius  
Victor.  
Estrange  
mort de  
l'Empe-  
reur Vale-  
rian.  
† Aureli-  
anus Victor,  
neufiesme  
Empereur,  
qui a perse-  
cuté l'E-  
glise.*

leu Empereur par sa vaillance & dextérité aux armes fut confirmé du Senat l'an apres la natiuité de Iesus Christ deux cens soixante & seize . Ce fut le premier des Empereurs Romains qui couronna son chef d'un diademe, & qui porta accoutremēt d'or accoustré de pierreries, chose incogneüe aux Romains. Il estoit homme de grande force & stature . Theoclius dit que Aurelianus fut si vaillant en faits de guerre que de sa propre main il occist pour vn iour quarante huiet hommes en bataille, & qu'il en occist à plusieurs fois neuf cens cinquante . Somme il estoit si vaillant & genereux qu'il vainquit par trois fois les septentrionaux qui mettoiēt tout à feu & à sang par toute l'Italie, & vouloient du tout opprimer le nom Romain. Finablement il desconfit tellement les Barbares, que de six cens mille il n'en demeura à peine cent mille . Apres qu'il fut venu d'Allemaigne en Gaule, & que toute la France fut reduicte en paix & tranquillité, il fit bastir vne ville sur la riere de Loire qu'il appella de son nom Aurelia, & à present est dicte Orleans. Conclusiō il conquesta toutes les parties



*Des persecutions de l'Eglise*

orientales, & septentrionales iusques en Orient, & de là consequemment iusques és parties de midy. Il vainquit aussi l'Empiere Zenobia qui estoit extraicte de l'ancien lignage des Ptolomeés iadis Roys d'Egypte, qui fut l'une des plus belles & precieuses despouilles que fist oncques Empereur Romain, & de laquelle les historiens font plus grand feste: Car ceste Zenobie fut l'une des plus illustres femmes du mōde, tant qu'en elle se trouuoit le cœur du grand Alexandre, les richesses de Cresus, la diligence de Pirrhus, le trauañ d'Hánibal, la sagacité de marcellus, & la iustice de Traian: mais le sort des armes luy fut si contraire que Aurelian rasa sa cité & la prist prisonniere & l'amena avec luy à Rome, non pour intention de la faire mourir, mais pour en couronner tous ses triomphes. Et lors la pitié estoit de veoir l'une des plus riches, plus belles, plus chastes & plus vertueuses princesses du monde aller deuant le char triomphant à pieds nuds, chargée de chesnes de fer, & accompagnée de ses deux enfans. Ce qui esmeut à si grande compassion toutes les matrones

*Eutropius.*

Romaines , que les iours du triomphe  
passez , l'allerent trouuer & honorer d'v-  
ne infinité de presens, & vesquit Zenobie  
auec ces nobles matrones encores dix  
ans, autant estimée que Lucrece , & au-  
tant honorée que Cornелиe. Soubs le reg-  
ne aussi d'Aurelianus les faux mon-  
noyeurs se rebellerent à Rome apres a-  
uoir falsifié les monnoyes , lesquels Au-  
relianus vainquit auec grande cruauté.  
Il persecuta l'Eglise comme les autres  
que nous auons memorez cy deuant, com-  
me Vincétius escrit: de sorte que la neuf-  
iesme persecution depuis Neron fut e-  
uercée de son regne. Il vsoit de clemence  
au commencement, mais il degenera, &  
persecuta les Chrestiens , & se preparoit  
à faire publier quelques Edicts cruels  
& tyranniques contre nos gens, mais ain-  
si qu'il les vouloit signer pour estre distri-  
buez par les prouinces , il tumba vn rayō  
de fouldre du ciel embrasé en forme  
de fleche, si pres de luy que ceux qui luy  
estoiēt, pensoient qu'il fust mort: & a-  
pres que Dieu luy eut enuoyé ce signe  
miraculeux comme herault de sa iustice,  
qu'il n'en eut tenu compte, l'effect sen-


*Voy sa  
mort en  
l'opisque,  
Victor &  
Europe.*

*Des persecutions de l'Eglise*

suiuit incontinent apres, car il fut tué & meurtry de ses gens & seruiteurs propres.

COMME TOVTES LES EGLISES du monde furent presque toutes opprimées du regne de l'Empereur Diocletian: & que luy seul fist presque autant mourir de Chrestiens que les neuf autres Empereurs qui l'auoient precedé.

*Chapitre I X.*

 Este persecutiō de Diocletian fut la derniere & la plus sanglante & cruelle de toutes, & en laquelle il y eut plus de sang Chrestien respendu. Ce satrape & organe du diable Diocletian eut la charge de l'Empire Romain, l'an apres la natiuité de Iesus Christ deux cens quatre vingtz & dix. Et estoit fils d'un notaire selon Eutrope, ou selon les autres fils d'un serf. Il estoit de Dalmatie: Paruenu à l'Empire il fut tellement enflé d'orgueil & deuint si ambitieux qu'il vouloit qu'on l'adorast comme Dieu, & qu'on baisast ses pieds: Et pour induire le peuple avec le moindre



le moindre horreur à ce faire, il fist enrichir ses fouliers & pantouffes de pierres precieuses, & de perles de grande valeur: mais la fortune qui ne le voulut longuement laisser croupir en ses delices luy suscita tant d'ennemys, & de reuoltemens à l'Empire Romain qu'il fut contrainct prendre pour adioinctz avec luy Constantius, Galerius & Maximus, les entreprises & desseingz desquels nous delaisserons pour le present pour continuer nostre subgect des afflictions de l'Eglise. Ce monstre maudict voyant que en toutes les prouinces du monde les Eglises commenceoient à florir & multiplier en grand nombre que les temples anciens ne les pouuoient plus receuoir, mais estoient contraincts d'en bastir de nouveaux pour la multitude qui y acouroit de toutes pars: pensant opprimer la gloire de Dieu il fist desmolir & raser toutes les Eglises des Chrestiens, fist brusler tous les liures de la sainte escriture qui se peuvent retrouver par toutes les parties de l'Empire, deffendit sur peine de la vie de faire congregation ou assemblée aucune où le nom de Dieu fut celebré ou

## *Des persecutions de l'Eglise*

glorifié . Ordonna puis apres que tous soldats Chrestiens qui tireroient folde feussent casséz, declarez infames ou mis à mort. Il ordonna le semblable de tous ceux qui auoient estat ou office en la Republicque . Apres ceste premiere tempeste on commença à inuenter nouueaux supplices pour faire mourir les Chrestiens en Frigie, Egypte & Surie & plusieurs autres contrées . On les faisoit escorcher tous vifz , à d'autres on cardoit la peau comme on feroit la laine ou lin , & apres les auoir ainsi escorchez & cardez ils les remettoient encores tous vifz en prison, puis les faisoient coucher sur des thuilles de briques concassées & rompues , à fin que ce repos leur fust plus intollerable, que les tourmens precedens. Ils en escorchoient puis d'autres pour leur plaisir, puis les laissoient aller tous nuds par les rues sans leur peau, ou bien les attachoiēt ainsi escorchez à quelque posteau , à fin qu'ils feussent en spectacle ridicule au peuple . Ils mettoient les autres sur de grandes grilles de fer & mettoient du charbon dessoubz au milieu de la place, & ne leur bailloient pas le feu aspre, à fin de les

contenir plus longuement en langueur. Ils foïettoient les autres avec des nerfs de beuf iusques aux os, puis mettoient sur leurs playes du sel & du vinaigre pour rendre la douleur plus aspre. On exposoit les vns aux ours, lyons, toreaux, leopards, sangliers & autres bestes semblables, ou pour estre deuorez, lesquels on eschaufoit avec du feu & des glaiues, à fin de les rendre plus aspres & furieux: Et en ceste maniere la cruaulté des gens & des bestes estoit exercée contre les seruiteurs de Dieu: Aux vns on creuoit les yeulx, & iettoit on les autres en la mer, on despecoit les autres membre à membre, & ne se trouuoit partie sur leurs corps, où il n'y eust quelque espece de nouveau tourment. On attachoit les Euesques, Prelatz, & autres ministres de l'Eglise par le col de grosses chesnes de fer, qui auoient esté preparées pour les adulteres, meurdriers, vsuriers, violateurs de sepulchres: & en cest estat estoient trainez par les rues & conduicts au supplice où ils estoient deschirez & desmembrez par les plus cruels supplices qu'ils pouuoient inuenter, & là estoient proposez en spectacle merueil-



*Des persecutions de l'Eglise*

leux à Dieu, aux hommes & aux Anges. Et quant aux filles & femmes ils les faisoient violer par leurs bourreaux, puis les attachoient toutes nues par vn pied sans aucune vergongne à vn posteau, & les enleuoient en l'air avec certain engin, & les laissoient ainsi vn iour entier en telle ignominie exposées à la veüe du peuple. Aux autres ils leur mettoient des tysons allumez ou des lames ardentes dans leurs parties honteuses, de sorte que quelque nombre d'icelles aymoient mieux se meurdrir ou deffaire de leurs propres mains<sup>1</sup>, que de tomber en la misericorde de tels tourmens: Entre lesquelles se trouua vne noble femme de beauté excellente, laquelle ainsi qu'on la conduisoit au supplice avec ses deux filles leur dist, vous scauez (cheres filles) comme dés vostre ieunesse ie vous ay nourries en la crainte de Dieu, & que vostre pere a esté vostre conducteur & vostre maistre, de sorte que vous auez gardé vostre chasteté iusques à ce iour. Quoy? vouldriez vous maintenant souffrir que voz membres nudz fussent prostituez & exposez à la veüe du public, lesquels à peine ont ia-

mais esté cogneuz de l'air commun? Suiuez doncques mon conseil, & par mon exemple faictes sacrifice & oblation à Dieu de vostre chasteté auant que les bourreaux la vous rauissent. Et ayant prononcé ces parolles elles s'envelopperent toutes trois de leurs robes & se precipiterent au courant de l'eau où elles furent incontinent noyées & submergées. Les vns se pendoient eux mesmes pour preuenir la cruauté du supplice: Les autres se tuoient avec des ferremens, les autres se iectoient en l'eau, les autres s'eslançoient dedans les flammes arden-tes, les autres venoient offrir de leur gré leurs testes aux bourreaux, afin d'estre plu-  
tost deliurez de la cruauté des tourmens. Les autres ayant pœur que la mort les surprist & que par ce moyen ils fussent priuez de la couronne de martyre venoient à grands troupes se presenter de leur gré deuant le glauiue des bourreaux, comme agneaux innocens au sacrifice. Les tyrans estoient si animez, & les Chrestiens si affectionnez à souffrir que pour tel iour on en faisoit mourir deux cens, trois cens, quatre cens de variété de

### *Des persecutions de l'Eglise*

tourmens, de sorte que les historiens ont tesmoigné par leurs escrits que ce bourreau de Sathan en vn iour en a faict mourir dix sept mille martirs par diuersitez de tourmens . Nicephore Caliste liure septiesme chapitre sixiesme racompte vne histoire esmerueillable de la constance qu'auoient nos gens à resister à la rage des tyrans . Il escrit qu'à la feste de Noël les Chrestiens festoient assemblez de tous les lieux circonuoisins en vn temple, ieunes & vieux, filles, & femmes pour y celebrer la feste: les tyrans aduertis de ceste assemblée firent fermer le temple & l'environner de bois, puis enuoierent vn heraut crier à la porte du temple que ceux qui voudroient sortir & sacrifier à Iupiter à l'autel qui estoit pres de ce lieu qu'il leur estoit permis de sauuer leur vie. Ceux qui refuseroient qu'ils s'asseussent d'estre à l'instant tous bruslez là dedans . Le cry entendu l'vn d'eux delegué pour tous respondit, qu'ils estoient tous Chrestiens & qu'ils ne cognoissoient autre Dieu que le Pere, le Fils, & son S. Esprit, auquel ils offroient de bon cœur leur vie pour le tesmoignage de son nom,



& que le tyran fist allumer le feu quand il voudroit:& à l'instant le feu fut allumé, le temple embrasé mis en cendre avec bien quinze ou vingt mille personnes qui estoient dedans. Eusebe tesmoing oculaire de ceste persecutiou qui fut faicte du regne de Domitian, & qui a assisté en presence tesmoigne luy mesme qu'il ne scauroit escrire les cruantez & inhumanitez qu'il a veuës de ses yeux, mesmes dit qu'elles seroient difficiles à croire à ceux qui ne les auroient veuës comme luy, & pour monstrier l'ardente & inuincible constance de nos gens il racompte vn histoire de deux ieunes gens, lesquels estans pris & persuadez de sacrifier aux idoles respondirent à leurs conducteurs, Menez nous doncques deuant vos autels, & estans arriuez là ils mirent leurs mains nûes dedans le brasier ardent qui estoit preparé pour le sacrifice, puis dirent aux payens, tenez nous pour auoir sacrifié si nous retirons nos mains d'icy, lesquelles ils tindrent là fermes & immobiles tant que leur chair fut toute rostie, bruslée & consommée. Apres que ce tyran eut tant respendu de sang, il subiuga

*Eusebe*  
chap. 8.  
liure 8.

## *Des persecutions de l'Eglise*

*Eutrope  
& Nann.  
clere.*

ses ennemis, il se des-uestit & desmisti de l'Empire dans Nicomede, & se delectoit à cultiuer & planter fruiçts de diuérse sortes: finablement craignant vne honteuse mort il beut du venin & empoisonna soy mesme, & mourut aagé de lx. ans, l'an de Iesus Christ trois cens neuf. Voyla doncques en somme les dix plus memorables persecuteurs qu'aye souffert l'Eglise depuis l'aduenemēt de Iesus Christ. Je n'ignore point qu'il n'y en ait eu quelques autres, comme de Iulian l'apostat, & autres, mais elles n'ont esté si violentes comme les precedentes, à raison dequoy nous les passerons sous silence. Combien que le diable soit embrasé d'vne hayne furieuse contre Iesus Christ & son Eglise, & qu'il ait dressé toutes ses embusches & cautelles pour luy courir sus, & que par ses ministres & supposts enragez il se soit efforcé de l'esbranler, aneantir ou renuerfer du tout, si est-ce qu'il n'a peu tant faire par ses furies & tempestes, que vne petite poignée de gens par vne constance inuincible ne soit venue au dessus de tous ses orages, ny mesmes n'a peu garantir ses supposts &

organes qu'ils ne soient tombez entre les  
 mains de Dieu, & qu'ils n'ayent senty les  
 traiçts de sa iustice si aspres qu'ils sont en  
 fin tous morts honteusement, ou qu'ils  
 n'ayent esté vexez de guerres continuel-  
 les, famines, sechereffes, sterilitez ou  
 autres oppressions tant publicques que  
 priuées: mais comme la vengeance de  
 Dieu s'est elle monstrée horrible vou-  
 lant punir le sang des Chrestiens tant  
 cruellement respandu? mais quelle de-  
 solation estrange aduint-il durant les  
 persecutions par vne pestilence és pro-  
 uinces Romaines, laquelle s'estendit ius-  
 ques en Egypte, & continua dix ans com-  
 me Letus escrit? Denis en l'epistre qu'il  
 escript à Hierax Euesque d'Egypte, fai-  
 sant expresse mention de ceste pestilen-  
 ce, demande: Mais quand sera ce mau-  
 uais air, troublé de toutes pars de vapeurs  
 infectes, purifié & rendu serain? Car de  
 la terre montent les fumées, & de la mer  
 soufflent les vents, des riuieres les brouil-  
 las, des porres les vapeurs s'esleuent telles  
 que c'est comme vne rousée pestilentielle  
 se sçrant des corps pourriz, se fourrant  
 par tous les elemens inferieurs: de sorte

*Soubs Gal-  
 lus.  
 Eusebe.*



### *Des persecutions de l'Eglise*

que la plus part des citoyens sont morts. Puis il escrit ailleurs touchant ceste contagion, Maintenant tout est remply de lamentations, tous meinent ducil, hurlemens & complainctes retentissent par toute la ville, à cause du grand nombre des morts & de ceux qui meurent ordinairement: Car comme il escrit des premiers naiz d'Egypte, Aussi le cry est il semblable maintenant, & n'y a point vne seule maison où il n'y ait vn corps mort, & toutesfois ils ne tremblent point, ils ne sont point esmeuz, combien que leur ruine croisse en toutes sortes, & se presente incessamment deuant leurs yeux. Or si tels Ethniques & payens ont esté si durement affligez pour auoir respandu le sang des Chrestiens, que peuuent esperer les Chrestiens qui respendent le sang l'un de l'autre? S'il est ainsi que depuis Abel premier occis iusques à Zacharie, il n'en soit perduë vne goutte qui ne vienne en compte deuant Dieu, quelle contenâce pourront tenir vn iour ceux qui en ont faict si bõ marché ces ans passez: mais fil est ainsi (comme tesmoigne le prophete Esdras) que le sang innocent crie au Seigneur,

*Math. 23.*

*Esdr. 25.*

& que les ames des iustes se plaignent  
 sans cesse, comment se pourrôt presenter  
 deuant la maiesté diuine les meurtriers  
 sanguinaires qui en ont tant prodigale-  
 ment respendu ? Si le Seigneur doncques  
 a en horreur l'homme sanguinaire, &  
 qu'il ait (comme dit le Psalmiste) me-  
 moire du cry des occis : qui pourra excu-  
 ser ceux qui se sont plongez au sang de  
 leurs voisins, confederez & amys ? mal-  
 heur à ceux qui habitent avec eux (dit  
 le Prohete) car leur destruction s'appro-  
 che, & s'esleuera vne gent en bataille con-  
 tre l'autre ayant l'espée en main, & il y au-  
 ra sedition entre les hommes: car les vns  
 entreprendront sur les autres. Tel desire-  
 ra s'en fuyr en la cité qui ne pourra : Car  
 les citez seront troublées, & les maisons  
 combatues, l'homme n'aura pitié de son  
 rochain, ains mettra à l'espée la maison  
 d'un chacun, & les biens abandonnez au  
 pillage : malheur au monde & à ceux qui  
 habitent en iceluy. Ma dextre (dit le Sei-  
 gneur) ne pardonnera point, & mon glai-  
 ue ne se departira point des meschants  
 qui respendent le sang innocent sur la ter-  
 re : Mais comment Saint Ambroise re-

*Notre  
 siecle figure  
 ré par le  
 prophete  
 Esdras  
 25.24.  
 15.16.*

*Des persecutions de l'Eglise*

poulsa-il rudement Theodose Empereur voulant entrer au temple de Milan pour auoir fait occire grand nombre d'hommes & femmes pour vne sedition aduenue pour la religion en la ville de Thessalonie ? Mais de quelle autorité & graues remonstrances vfa-il à l'endroit d'un si excellent Empereur disant, O Prince sanguinaire osez vous regarder le temple de Dieu que vous auez violé & pollué de sang ? Comment osez vous contempler le ciel que vous auez offensé ? Comment osez vous marcher sur la terre que vous auez teincte de sang innocent ? Entreprendrez vous de communier au corps de Iesus Christ duquel vous auez meurtry les membres ? Comme osez vous esleuer vos mains pour prier Dieu desquelles le sang distille encores ? Mais comment osez vous comparoistre au consistoire deuant la maiesté de Dieu veu que vous auez meurtry sa creature créée à son image ? Voila les exhortions & remonstrances qu'il proposa à Theodose, auquel fut fermée la porte du temple de Milan, & decernées contre luy censures estant priué de la communion des fideles



iufques à ce qu'il eult fait penitence, &  
inftituée vne fânction digne d'eftre gra-  
uée aux cueurs de tous les princes du  
monde, par laquelle il commandoit à *En l'hiftoï*  
tous fes officiers & fûbiectz de non obeir *re Triperti-*  
ou executer aucun commandement de *te, liure. 9.*  
rigueur, quelque iuffion qui fult faicte, fi-  
non apres trente iours paffez, à fin que  
par l'interuale du temps, la colere fe peuft  
moderer.

*Fin du premier liure.*

LIVRE SECOND DES  
afflictions de l'Eglise.

Chapitre premier.

**D**A R les discours des hyſtoire  
deduites cy deuant, on peu  
congnoiſtre que le dire de Iu  
ſtin le martyr eſt veritable  
quand en ſes diſputes qu'il eut avec  
Iuiſ Triphon, il dit: On apperçoit tou  
les iours que ceux qui croyent en Ieſu  
Chriſt ne peuuent eſtre eſtōnez ny dom  
tez d'aucun. Qu'on leur coupe les te  
ſtes, qu'on les crucifie, qu'on les expoſe  
aux beſtes, qu'on les iette au feu, qu'on  
leur dreſſe tous autres tourmēs du mon  
de, tant plus on les afflige, tant plus croiſ  
le nombre, ny plus ny moins que quand  
on taille la vigne pour la rendre plus fer  
tile: Car la vigne que Dieu a plantée & le  
Sauueur IeſuſChriſt c'eſt ſon peuple. Ter  
tulian au liure qu'il a fait de ſa deſenſe  
contre les Gentils, vſe de ſemblables pa  
rolles, diſant ainſi: Tant ſ'en fault que la  
religion Chreſtienne ſoit diminuee par la  
perſecution, que meſmes elle en eſt ayde

*En ſon  
Apologe-  
ſique.*

& secourüe: Car nous sommes multipliez  
toutes les fois que nous sommes mesurez  
par vous. Le sang des Chrestiens est vne  
semence qui croist en la foulant, qui s'au-  
gmente en la diminuant. Et au liure à  
Scapula gouverneur, il dit: Ceste secte  
ne viendra iamais à faillir, tant plus elle  
sera battue & meurtrie, tant plus elle se  
bâtit & edifie. Brief tous les massacres  
& meurtres des martyrs ont esté autant  
de seaux en noz cueurs pour y seller le  
sainct Euangile, tellement que ce grand  
Docteur a fort bien dit, que la mort &  
le sang des martyrs est la semence de l'E-  
glise. Ce qu'auoient escrit ces deux grâdz  
Docteurs. Sathan ennemy capital du  
genre humain l'a bien experimenté de-  
uis: car quelques escarmouches ou em-  
busches qu'il ait dressees, quelques tour-  
mens ou supplices qu'il ait peu inuenter,  
quelque sang qu'il ait peu respandre, si  
a-il peu tât faire que la parole de Dieu  
est esté esteincte: il n'a peu tenir la lumiere  
du Soleil cachée, ie dis nostre Soleil Iesus  
Christ, nostre lumiere, nostre chaleur &  
nourrissent de noz ames: car malgré  
us les obstacles & effortz, il a par le mi-



### *Des persecutions de l'Eglise*

nistere de sa parolle recueilly icy bas en terre vne Eglise, laquelle il sanctifie & conserue, luy donne perpetuelle efficace, luy regenere des hommes en la place de ceux qui sont meurdrez, leur distribue des biens, les visite & console, & leur assiste eternellement. Quand doncques l'ennemy de nostre salut a veu que par la mort de tant de milliers de martirs, il n'auancoit en rien son regne, ains que par tels moyens la lumiere de l'Euangile prenoit accroissement & vigueur, il s'est aduisé de dresser d'autres machines & d'eslancer d'autres dards. Pensant trouuer la maison du Seigneur vuyde & desnuee de gardes, il s'est venu fourrer secrettement dedans, il a commencé à introduire des scismes & heresies horribles & pernicieuses en l'Eglise: afin que par ce moyen la parolle de Dieu fust corrompue, souillée, desmembrée, renuersée, ancantie, deschiree & esteincte. Les Apostres apres que nostre Sauueur Iesus Christ eut esté esleué en la gloire de Dieu son Pere, ayans esté souvent assailliz par les heretiques, & sachant qu'apres leur departement de ce monde ils se mettoient en effort d'empeschér l'auancement

uancement de l'Euangile, ils nous ont  
donné des aduertissemens pour nous te-  
nir sur nos gardes, afin que ne fussions  
surpris. Cest excellent Cheualier de l'ar-  
mée celeste Sainct Paul, qui a si souuent  
brisé & rompu leurs efforts nous donne  
ceste instruction aux actes des Apostres  
pour nous garder d'eux, disant, ie sçay  
qu'apres mon departement de ce siecle,  
les loups se fourreront parmy vous, qui  
n'espargneront point le troupeau, & s'es-  
leuera des hommes entre vous qui an-  
nonceront choses peruerfes & faulfes pour  
attirer les disciples apres eux, parquoy  
veillez. Puis en l'epistre premiere à Timo-  
thée. Il y aura aucuns aux derniers temps  
qui defaudront de la foy, s'amusans aux  
sprits abuseurs & aux doctrines des dia-  
bles enseignans mensonges & hipocri-  
es. Sainct Pierre lequel a tousiours brus-  
lé d'un zeile ardent non seulement en la  
defense de la personne de Iesus Christ,  
mais mesme de sa parolle nous donne vne  
emblable instruction, au second chapi-  
re de sa seconde epistre canonique, qu'ad-  
dit, il s'esleuera entre vous de faux do-  
cteurs qui introduiront secretement sectes

*Des persecutions de l'Eglise*

de perdition & des-aduouërōt le Seigneur qui les a rachetez amenās soudaine perdition sur eux mesmes: Puis au secōd chapitre de son epistre troisieme confirmant ce qu'il auoit dit au parauant il adioust: Sachez qu'ēs derniers iours il viendra des moqueurs cheminans selō leurs concupiscēces & difans, où est la promesse de son aduenement? car depuis les iours que les peres ont dormy, toutes choses perferirent cōme dés le cōmencemēt de la création. Tout ainsi que les Apostres nous ont donē certaines merques & enseignes pour recognoistre & discerner les heretiques d'auec les fideles & esleuz de Dieu: ainsi ont fait le semblable les excellēs docteurs & colonnes de l'Eglise qui sont suruenuz bien tost apres, mesmes nous ont aduertis de quelles armes ils nous viēdroiēt assaillir. Vincent Lirinēse en son œuvre de l'antiquité de la foy escrit du temps de ce tant renommé Concile d'Ephese, apres auoir faiēt vne lōgue querimonie & plainte d'vne infinité d'erreurs qui auoient empoisonné l'Eglise il se resoult ainsi. Ces loups rauissans, qui sont designez par les escritures sainctes, sont les expositiōs fau-



uages & enragées des heretiques qui ordinairement brigadent la bergerie de l'Eglise, & dechirent en quelque part qu'ils puissent le troupeau de Iesus Christ: mais pour plus frauduleusement surprendre la brebis au despourueu, ils despouillent la paroissiance de loup, retenant ce pendant la cruauté: & se couurent des sentéces de la loy diuine cōme de quelques peaux & toisons: afin que quicōque sentira la laine molle, ne craigne point la morsure de leurs dents trenchantes & aiguës. Tu les verras voler par tous les volumes de la sainte loy, par ceux de Moyse, par les liures des Roys, par les Pseaulmes, par les Apostres, par les Euangelistes & Prophetes: soit en priué ou en public, ou en leurs escrits, ils ne prononcēt rien qu'ils ne sefforcent de couvrir de parolles de la sainte escriture: Lisez les œuutes de Paulus Samosathenien, de Priscilianus, Eunomius, Iouinian<sup>9</sup>, & ces autres pestes, vous y trouuez vn amas infiny d'exēples: presque nulle page ne se peut passer qui ne soit fardée & coulourée des sentences tirées du vieil & nouueau testament: mais de tant plus se faut il garder de leur peste

*Des persecutions de l'Eglise*

& doctrine quand elle est couuertement cachée sous les vmbrages de la loy diuine: Car ils sçauent bien que leurs puauteurs & corruptions ne pourroient soudainement plaire à personne si on leur faict ietter leurs odeurs toutes seules. Et pour ce ils les arrosent du cœleste langage cōme de chose aromatique, afin que celuy q̄ facilement depriseroit l'erreur humain, ne contemne pas aisément les reuelatiōs diuines. Tertulian auteur graue & anciē & qui est surueni bien tost apres le temps des Apostres, en son œuvre docte de la prescription des heretiques nous admoneste que les principales armes desquelles les heretiques ont accoustumé d'assaillir les Chrestiens sont les escritures saintes, lesquelles ils ramassent, cousent ensemble, tronquent, desfigurent, deschirent: afin que par telle couuerture & astuce ils trauaillēt les fermes, prennent les imbecilles, & laissent les moyens avec scrupule. Origene homelie trente & vn sur saint Luc discourant sur ce passage du pseaulme que Sathan cita à Iesus Christ quād il le porta sur le pinacle du temple, afin qu'il se precipitast, luy disant: Si tu

es fils de Dieu iette toy en bas: car il a  
 mandé à ses Anges de toy qu'ils te gar-  
 dent en toutes tes voyes, qu'ils te porte-  
 ront en leurs mains. Origene donc en ce-  
 ste mesme homelie luy demande. D'où  
 as-tu peu sçauoir dy moy Sathan que ces  
 choses estoient escrites du Sauueur? As-  
 tu leu les Prophetes? ou congneu les es-  
 critures diuines? Encores que tu te taises  
 ie respondray pour toy, tu les as leuz non  
 à fin de deuenir meilleur par la lecture,  
 mais pour tuer ceux qui sont tes amis par  
 la simplicité de la lettre. Ainsi auoit leu  
 Marcion les escritures saintes, ainsi Basi-  
 lides, & Valentin & leurs compagnons,  
 disans avec le diable, il est escrit: mais gar-  
 dons nous: car soubs l'escorce de l'escritu-  
 re le plus souuent leur malice & rage se  
 manifeste, leur venin s'exhale, & leurs im-  
 pietez se descouurent. Saint Iean Chri-  
 sostome ( parlant d'Arrius lequel estoit  
 armé de quarante passages de l'escriture  
 sainte, par lesquels il maintenoit le fils  
 de Dieu n'estre de mesme nature avec le  
 Pere) luy dit ce qui s'ensuyt: Ouure Ar-  
 rius le sepulchre de ta gorge rempli de pa-  
 rolles mortes: car tu n'as point ce verbe

*Au Ser-  
 mon contre  
 les hereti-  
 ques, To-  
 me. I.*



## *Des persecutions de l'Eglise*

*S. Cyprian  
de simpli-  
citate præ-  
latorum.*

*Oraison 2.*

*August.  
epist. 6.*

viuifiant, qui en forges par tes raisons vn feint & cōtrefait, metât en auât quelques passages des escritures, desquels il nous faut garder: car ce Diable assaillant Iesus Christ se ayde du tesmoignage des escritures. Sainct Cyprian se plaint aussi des embasches du Diable qui se transfigure en Ange de lumiere, & suborne ses ministres comme ministres de iustice, assurant la nuit pour le iour, la mort pour le salut, la desperation pour l'esperance, l'infidelité soubz le pretexte de la foy, l'Antechrist soubz le nom de Christ. Sainct Ierosme contre les Luciferiens, Athanase contre le Arriens, & saint Augustin cōtre les donatistes, se plaignēt de ce que les heretiques impugnent & renuersent la loy par les parolles de la loy, ils portent l'enseigne de Iesus Christ contre Iesus Christ, avec les armes de l'Euangile ils bataillent contre l'Euangile. Estans doncques assez informez de quelles armes nous doibuent assaillir les heretiques, reste maintenant de sçauoir quelle est leur doctrine, & quel fruiet rapportent ceux qui se laissent enuelopper en leurs impostures & mensonges. Combien dit Ire-

nee que tous les heretiques soient con-  
traires en opinions, si-est ce que leur but  
principal est de blasphemer Dieu, d'ac-  
croistre le Royaume de Sathan & d'em-  
pescher le salut des hommes : toute leur  
doctrine n'est autre chose qu'une cor-  
ruption des articles de la foy Chrestienne,  
vne prophanation des sacremens insti-  
tuez par le fils De Dieu : ce ne sont que  
superstitions, blasphemés, dissolutions,  
paillardises : & pour le dire en brief, c'est  
vne confusion de toutes religions & do-  
ctrines, où toutes meschancetez & impie-  
tez abondent. Dequoy se complaignant  
ce grand Euesque Polycarpe, les voyant *Eusebe li-  
ure 5. cha-  
pit. 10.*  
assaillir si furieusement son Eglise comme  
estonné & abbatu de les voir en telle vo-  
gue, disoit. O bon Dieu en quel temps  
m'as-tu reserué, à fin que ie soustienne de  
si impetueux assaux? Il eust volontiers dit  
avec Helie, retire mon ame de mon corps  
à toy : Fais moy vne telle faueur que tu *3. Roys 19  
4. Roys 22.*  
fiz à Iosias, lequel mourut deuant que de  
veoir la desolation de Ierusalem. Saint  
Ambroise en semblable escriuât à l'Em-  
pereur Gratian en deplorant avec gran-  
de compassion la corruption & peruersi-

## *Des persecutions de l'Eglise*

té de son temps, dist en son second liure:  
Las Seigneur Dieu tout puissant par noz  
calamitez, par nostre sang auons des-ia  
assez laué & payé la mort des confesseurs,  
le banissement des Euesques, & la mes-  
chanceté de si grandes impietez. Nous a-  
uons ce me semble assez prolixement de-  
duict en general les merques pour discer-  
ner les fideles d'auec les heretiques: reste  
maintenant de scauoir les premieres  
sourfes d'où sont sorties toutes les cor-  
ruptions & heresies qui ont infecté l'E-  
glise depuis la mort de Iesus Christ ius-  
ques à nostre siecle.

### *DV PREMIER HERETIQUE*

*entre les Chrestiens & de ceux qui ont  
blasphemé contre la maiesté du pere  
Createur & tout puissant.*

*Chapitre II.*



Ombien que le diable ialoux  
& ennemy perpetuel de la  
gloire de Dieu, se masque &  
desguise en diuerses sortes  
pour luy faire la guerre & opprimer son  
nom, si est ce que si nous la voulons con-



siderer de bien pres nous trouuerons que  
combien que ses desseins soient diuers, il  
est tousiours semblable à luy mesme: Car  
tout ainsi que pour affliger les corps des  
martyrs il auoit esleu Neron pour son  
principal satrape & bourreau: ainsi pour  
empoisonner les ames des pauures fide-  
les, & pour corrompre & souiller la sain-  
cte parolle de Dieu il a choysi Symon le  
magicien pour son premier & principal  
organe. Eusebe, Iustin le martir, & Irenée  
sur la preface du troisieme liure des he-  
resies, afferment que Symon est le pere de  
tous les heretiques. C'est la premiere cre-  
uace, cisterne & puant boubiet où les  
autres ont puyse depuis toute leur pesti-  
ficate doctrine. C'est la premiere tige &  
surgeon duquel les rameaux veneneux se  
sont estenduz par tout le monde. Ce dis-  
ciple de Sathan Symon ne pouuant en-  
richir la clairté & splendeur de l'Euāgile,  
qui esclairoit Orient avec grand mer-  
ueille par le ministere & predication des  
apostres, s'en vint a Rome, où il enforcela  
deceut vne infinité d'hommes par artz  
magiques. Et comme tesmoigne Iustin  
Eusebe, il se faisoit esleuer en l'air avec

*Il vint à  
Rome, l'an  
de Iesus  
Christ 43.*

## Des persecutions de l'Eglise

fraieur & estonnement d'un chacun , & par telles illusions diaboliques il gagna si bien le cœur des hommes , que du regne de l'Empereur Claudius Cesar, il se fist adorer & reputer comme Dieu, & fut son image & statue assis sur le Tibre entre les deux pontz , & y auoit au tiltre & superscriptiō de l'image de cest imposteur, *Au-sainct Dieu Simon* . Lequel estoit adoré & recongneu comme souuerain Dieu, non seulement des Samaritains mais de plusieurs autres nations . Et pour luy gratifier d'auantage , consacrerent avec luy

\* ou Selen  
Ensebe li-  
ure 2. cha-  
pit. 31.

Iustin en  
l'apologie  
qu'il fist  
pour la des-  
fence des  
Chrestiens  
à l'Empe-  
reur An-  
tonin.

(comme sa premiere pēsee & son ame) vne certaine femme nōmée † Heleine, laquelle il auoit prise au lieu public en la cité de Tyre: & par ce qu'elle estoit sa compaignee en doctrine & dissolutiō on l'adoroit aussi, & ses disciples l'encensoient & luy faisoient sacrifice . Or quant à sa doctrine & resuerie , c'est vne confusion generale ramassée & consuë ensemble, & quasi cōme frippée de la religion des Iuifs & payons, en laquelle il se descouure tant d'absurditez & abominations que c'est merueille comme le Sauueur ait permis ainsi à Sathan de creuer les yeux aux hōmes , &

qu'ils ayent esté tant despourueuz de sens & de raison que de se laisser deceuoir & transporter iusques à tomber en des fantasies plus que brutales : En premier lieu il affermoit de foy qu'il estoit Dieu souverain, & qu'il estoit descēdu & transfiguré pour corriger les choses qui auoient mal esté administrées par les anges : & que neantmoins qu'il apparust en forme humaine, toutesfois il n'estoit point homme : & que combien qu'on pensast qu'il eust souffert en Iudée, toutesfois il n'y auoit pas souffert. Il appelloit ceste vilaine infame Heleine qu'il trainoit avec luy, qui au par auant auoit gaigné sa vie à paillarder, la premiere conception de son entendement, la mere de tous, par laquelle il auoit dès le commencement conçu de faire les anges & archanges : mesme comme Epiphanius escrit, il a bien osé prononcer ce cruel blaspheme que de l'appeller quelquefois le saint Esprit. Il asseuroit semblablement qu'il estoit descendu du ciel pour deliurer son Heleine, & que c'estoit la brebis perdue, de laquelle il est parlé en l'Euangile. Il estoit fort liberal de sa grace, car il promettoit

*Irenee liure  
1. contre les  
heresies.*

*Monstruen  
se doctrine  
de Symon.*

*Irenee es-  
crit cecy en  
son liure  
des heresies.*



## *Des persecutions de l'Eglise*

salut à tous ceux qui mettroient leur fiance en luy & en son Heleine. Il laissoit telle liberté à la chair qu'on vouloit, & asseuroit qu'il ne failloit point craindre les menaces de la loy, parce que par sa pure grace il sauuoit les hommes, non point par leurs œuvres ou merites. Il enseignoit aussi vne turpitude detestable d'vser indifferemment des femmes (cōme saint Augustin le tesmoigne) avec plusieurs autres semblables refueries & impietez, qui seroient longues à repeter, & odieuses à les ouïr, & scandaleuses à refuter. Et parce qu'elles sont amplement deduictes par les Ecclesiastiques, mesmes qu'il est fait expresse mention de ce seducteur aux actes des Apostres: nous mettrons fin pour venir aux autres. Athanase Euesque d'Alexandrie escriuant au prince Antiochus disoit, que tous ceux qui le passé se sont estudiez à cōprendre que c'est que de Dieu, ont seulement poursuiuy leurs vmbres. Et ceux q ont voulu parler de son essence, n'ont fait autre chose que de mesurer l'abyfme par la paulme de la main: car sa puissance est grāde, sa maiesté si haute que tant s'en faut qu'elle se puis-

*Chap. 8.*

*De ceux  
qui ont bla-  
sphemé con-  
tre Dieu le  
pere crea-  
teur & tout  
puissant.*

se dignement exprimer par parolles, que  
mesmes toutes les pensées du monde ne  
sont suffisantes pour la concevoir . Sem-  
blablement Ciceron, au premier liure de  
la nature des Dieux escrit . Si tu me de-  
mandes que c'est que de Dieu , ou quelle  
chose il est, ie prendray Simonides pour  
auteur, lequel estant interrogé par le ty-  
ran Hiero , que c'estoit que de Dieu, luy  
demande vn iour de delay pour y penser.  
Et luy ayant fait la mesme demande le  
iour subsequent luy requist qu'il luy don-  
nast encores deux iours , lesquels expirez  
l'interrogea de rechef, auquel il demanda  
encores nouveau delay , dequoy le ty-  
ran esmerueillé luy demanda pourquoy  
il estoit de tant d'eschapatoires & dila-  
tions: par ce ( dist Simonides ) que de tant  
plus ie considere profondement la chose,  
elle me semble plus difficile & obscure.  
Par ainsi que nul ne s'attende de trouuer  
certain vocable ou diffinition par laquel-  
le il manifeste & rende la nature de Dieu  
comprehensible . Platon le plus celebre  
de tous les Philosophes Ethniques fect  
l'honneur le premier à parler de τὸ ἀγαθόν,  
est à dire, du bien, n'osant dire ce qu'il e-

*Des persecutions de l'Eglise*

stoit, pour-autant que ceste grande splendeur excède la capacité de l'entendement humain: Combien qu'au liure intitulé Parmenides, il tesmoigne à pleine bouche, qu'il n'y a qu'un seul Dieu, qui est Dieu par soy mesme; comme aussi fait Mercure Trimegiste. Aristote au huitiesme liure des Morales, s'envelopant en ce labyrinthe inextricable de l'essence diuine cherche vne premiere cause, & dit qu'il faut necessairement qu'il y ait un moteur eternal & premier: Et à l'unziesme liure des Metaphysiques conclud avec Homere, qu'il n'y a qu'un seul chef de toutes choses, lequel beaucoup au parauant il auoit appelé Dieu *Ζεὺς*, c'est à dire animant, viuant, eternal, veritable, tref-bon & tref-grand. Les anciens Hebreux se plongeans en ce profond abyssme de secretz de la Deité diuine l'ont nomme, Iehouah, comme Rabbi Mosce Egyptien estimant que par ce seul nom est signifiée la subsistence de Dieu: & que tous les autres noms qu'on luy attribue ne sont que pour la consideration de ses effectz. Rabbi Heccados dit, que Dieu n'a point de nom, par lequel nous puissions auoir f



congnoissance : car sa substance est son  
nom, & son nom est sa substance: Et pour  
ceste raison, aucuns anciens Grecz l'ont  
nommé *ἄλυστος*, c'est à dire indicible. Pier-  
re Galatin au second liure des secretz de  
la verité catholique, chap. xvij. compte  
soixante & deux noms de Dieu, prins des  
liures Cabalistiques: mais cōbien que au-  
cuns anciens avec grand labeur se soient  
estudiez à sonder & rechercher ceste es-  
sence infinie de Dieu, & qu'avec leur in-  
dustrie humaine ils ayent taché de pene-  
trer ceste clarté & splendeur diuine, que  
sainct Paul nomme inaccessible, si est-ce  
qu'ils n'ont fait que s'entortiller & enue-  
lopper en vn labyrinthe inextricable: Et  
pour ceste cause, à fin que l'homme se cō-  
tint en sobriété, & qu'il ne s'esgarast par  
trop en speculations friuoles, le Sauueur  
ne vous tient pas long propos de son es-  
sence, mais il nous a donné certaines re-  
gles par sa sainte parolle, esquelles il veut  
que nous demourons encloz & enfermez,  
comme en des barres, à fin que par vne li-  
cence trop grande il ne nous fust licite  
l'extrauaguer. Et pour ceste mesme rai-  
son ce grand Euesque de Carthage &

*1. Thimo.  
6. & 16.*

*Des persecutions de l'Eglise*

martyr de l'Eglise de Dieu saint Cyprian, au traicté qu'il a fait de la vanité des Idoles, entre ses autres memorables sentēces, dit ainsi: Il est doncques certain qu'il y a vn dieu, Seigneur de tous, la hauteur duquel ne peut souffrir de cōpaigne, veu qu'elle seule a toute choses en sa puissance: Il commande par parole, dispense par raison, accōplist par vertu toutes choses qui sont. Il ne peut estre veu, car il est plus clair que la veuë: il ne peut estre touché, car il est plus pur que l'atrouchemēt: il ne peut estre estimé, car il est par dessus tous iugemens: & pourtant nous estimōs Dieu ainsi qu'il appartient, quand nous disons qu'il est inestimable: Puis il adioustē: Il ne se faut dōcques enquerir du nom de Dieu, son nom c'est Dieu: ce mot luy est tout ce que lon le pourroit nommer. Quand on veult departir vne multitude par merques propres de noms, alors on a besoing de vocables: mais il ne faut à Dieu, qui est seul, autre mon que Dieu: car ce mot luy est tout ce que lon pourroit nommer. Ces bons Docteurs anciens, saint Athanase, saint Cyprian, saint Chrisostome, saint Hilaire & les autres,

nous

nous ont proposé & mis en auant tant de  
bonnes sentences, que nous auons reci-  
tees cy deuât pour arracher de nos cœurs  
vne curiosité trop superstitieuse de nous  
enquerir de l'essence incomprehensible  
de Dieu. Par ce qu'il y en a plusieurs qui  
pour auoir voulu se fourrer trop auant  
dedans le tref-sainct Sanctuaire du Sei-  
gneur, sont tombez en de grands abyf-  
mes: & ne trouuant ny fonds ny riuie en  
leurs desseings, se sont tuez contre Dieu  
d'une impetuosité enragée: & ont fait ce  
que le prophete Dauid auoit predict, Ils <sup>Psal. 13.</sup>  
ont pësé en leur cœur qu'il n'y auoit point  
de Dieu. Ou bié sil y en auoit vn, ils l'ont  
forgé là haut au ciel oisif comme vn Ido-  
le morte, qui ne se soucioit point des a-  
ctions humaines, & qui n'auoit aucun  
soing de sa creature: mais par ce que ces  
mōstres maudicts ont esté tant de fois ré-  
parrez par tāt de doctes plumes qu'ils n'o-  
nt maintenant leuer la creste, nous les  
laisserōs comme pourceaux en leurs esta-  
bles, & reprēdrons les erres de nostre sub-  
et, lequel est de mōstrer les troubles que  
Sathan a suscitez tant contre la personne  
du père, du fils, que du saint Esprit, &



## *Des persecutions de l'Eglise*

*Heresie de  
Marcion.  
Iustin le  
martir en  
sa seconde  
apologie  
contre les  
Chrestiens .*

generalement contre tous les principes de l'Eglise , afin que ayant esbranlé & abbatu le principal fondement, tout le corps s'en allast puis apres en ruine . Traictons doncques en premier lieu de ceux qui ont osé blasphemer contre la personne du Pere, afin que par ordre nous poursuivions puis apres le reste. Marcion, que Policarpe appelloit le premier nay du Diable, a nié le createur du ciel & de la terre estre Dieu , & dit qu'il y a vn autre Dieu outre le grand createur de l'vniuers. Iustin le martir en sa seconde apologie se lamente bien fort de ce que Marcion a esté cause que plusieurs ont blasphemé & nié que Dieu fust createur de toutes choses . Epiphanius aussi tesmoigne avec vn extreme regret que la poison de Marcion auoit ia tant infecté de peuple qu'elle estoit en vogue pour lors à Rome, en Italie, en Egypte, en Palestine, Arabie , Sirie & Thebaide . Et ce qui a beaucoup autorisé la secte pernicieuse de Marcion, & qui luy a donné quelque apparence de religion , c'est qu'il y a eu plusieurs martirs (comme Eusebe tesmoigne ) lesquels enforcelez du diablé ne

craignoient point de s'exposer à la mort pour maintenir leur puante doctrine: Car Sathan qui s'est tousiours fait iuge de Dieu, & qui tasche à contrefaire ses œuvres pour mieux s'insinuer, voyant que le Sauueur auoit ses martirs qui pour le tesmoignage de son nom exposoient & leur vie & leur sang: aussi a il voulu qu'entre les heretiques y eust quelques martirs, afin de donner lustre à sa doctrine puante & corrompuë. C'est pour ceste cause que les Marcionnistes publioient *Martirs entre les heretiques.* par tout la grande multitude de leurs martirs, qui n'auoient craint perdre leur vie pour perpetuer leur doctrine. Ceste faulxe doctrine de Marcion avec quelques autres articles semblables ont esté tant grauelement refutez par Iustin, Tertulian, Irenée & plusieurs autres, que ce seroit chose superflue de rien adiouster apres eux: mesme que le texte de l'escriture y est si appert au contraire que c'est vne espece de forcenerie de le vouloir calomnier. Et saint Paul en la premiere epistre aux Corinthiens sçachant qu'il s'esleuoit aux siecles aduenir quelques saints prophètes qui tascheroient d'obscurcir

## *Des persecutions de l'Eglise*

& estoufer la gloire de Dieu, tesmoigne à pleine bouche qu'il n'y a qu'un Dieu seul, iacoit (dit-il) qu'il y en eust qui soient nommez Dieux au ciel & en la terre, à nous toutesfois il n'y en a qu'un qui est Dieu: Il escrit le semblable aux Galates troisieme, & quatriesme des Epheses, & au Deuteronomie trente-deux. Voyez que ie suis seul Dieu, & qu'il n'y a point d'autre Dieu que moy: ie viuisie, ie frappe & gueriz, & n'y a creature qui puisse euter ma main. Tous les prophetes ensemble ne resonnent autre chose que les louâges d'un seul Dieu. Le Prophete Esaie introdui& le Seigneur parlant de soy ainsi. Ne suis-je pas le Seigneur, & y a il encores vñ autre Dieu que moy? Regardez à moy tous les bouts de la terre, afin que vous soyiez sauuez: car ie suis Dieu, & n'y en a point d'autre. Escoutons maintenant quel tesmoignage rend ce grand Roy & Prophete Daud en ses vers sacrez, de la haute& & maiesté de Dieu. Le Seigneur (dit-il) est bon à tous, mais ses misérations sont sur toutes ses œuures, son Royaume est eternel, & sa domination est perpetuelle. Le Seigneur soustient tous ceux



qui cheent, & dresse sur leurs piedz tous  
ceux qui sont ruez par terre. Le Seigneur  
regnera à perpetuité : c'est luy qui guerit  
ceux qui ont le courage rompu & adou-  
be les playes : il compte le nombre des es-  
toilles & les appelle toutes par leur nom.  
Nostre Seigneur est grand, sa vertu est  
grande, & son intelligence est inenarra-  
ble. Il couure le ciel de nuées, & appareil-  
le la pluye pour la terre : il fait que les  
montaignes produisent leur herbe : il dō-  
ne aux animaux pasture, & aux pouffins  
des corbeaux qui l'inuoquent selon leur  
voix : il enuoye sa parolle sur la terre, sa  
parolle court hastiuement : il donne la  
neige comme la laine : il espart la bruyne  
comme la cendre : il lance la glace com-  
me morceau. Qui est-ce qui pourra du-  
rer deuant sa froideur ? Il enuoyra sa pa-  
rolle, & les fera fondre. Il soufflera de son  
vent, & les eaux degoutteront. Voyla  
doncques quel tesmoignage rend Dauid  
de la puissance du Seigneur, & comme sa  
voix horrible est ouye aux tonneres, aux *Psal. 19.*  
vents, aux gresles, tourbillons, orages & *96.*  
tempestes mesmes iusques à faire trem-  
bler la terre, crouler les montaignes &

*Des persecutions de l'Eglise*

*Esa. 40.*

4.

Triser les cedres: Escoutons de rechef le  
prophete Esaie comme vne voix tonan-  
te du ciel, lequel confirme ce que Dauid  
auoit predict. Qui est celuy (dit le pro-  
phete) qui a mesuré les eaux de son poing,  
& compassé les cieux avec la paulme de  
la main, qui a compris la pouldre de la  
terre avec trois doigts, & qui a pezé les  
montaignes à la balance? Vöyez les peu-  
ples qui sont comme vne goutte du seau,  
& sont reputez comme le leger mouue-  
ment de la langue, ou comme vn grain en  
la balance. Toutes nations sont deuant  
luy comme si elles n'estoient point, & es-  
tant comparées à luy, sont moins repu-  
tées que rien. C'est luy mesmes qui est  
assis sur la rondeur de la terre, & les habi-  
tans de laquelle sont comme saulterelles.  
Il estend le ciel comme vne peau & com-  
me vn pauillon, afin qu'il soit habitacle. Il  
reduit les puissans à neant, & fait les Iu-  
ges & puissans de la terre comme filz ne-  
stoient point, à celle fin qu'il soit pareille-  
ment dit d'eux, Ils n'ont esté ny plantez  
ny femez, ny leur tronc aussi n'auoit fiché  
racines en terre. Qui plus est, il soufflera &  
seront desechez & le tourbillon les em-

portera comme le festu. Et derechef, leuez vos yeux en hault, & voyez qu'il a creé ces choses, il tire l'exercite des estoilles en ordre, & les appelle toutes chacune par son nom, & ce qui s'ensuit. Dauid encores magnifiant ceste grandeur infinie de la puissance de Dieu, dit ainsi : Seigneur tu m'as examiné, tu m'as congneu, tu congnois quand ie m'assiez & me lieue, & si congnois ma pensée long temps deuant : il n'y a aucune parolle en ma bouche que tu ne congnoisses totalement. Puis au Pseaulme 139. il dit : Où m'en iray-ie dōcques arriere de ton esprit, & où m'en fuiray-ie arriere de ta face ? Si ie monte au ciel, tu y es : si ie fais mon liēt au sepulchre, voila tu y es present : si ie prends les aelles de l'aube du iour, & que ie habite aux fins bouts de la mer, ta main aussi m'y conduira, & ta dextre me saisira. Et au Pseaul. 89. O Seigneur Dieu des armées qui est semblable à toy ? Tu domines sur l'impetuosité de la mer, quand ses vagues s'esleuent, tu les fais rabbaïsser : le iour est tien, la nuit est tienne : tu as mis ordre és luminaires du ciel, tu as estably tous les limites de la terre, tu as for-



### *Des persecutions de l'Eglise*

mé l'esté & l'hyuer. Voila en somme que comme le psalmiste Dauid & ce grand prophete Esaie nous monstrent, comme le firmament declare la puissance infinie de Dieu, & comme les cieux racomptent sa gloire. Car par la multitude infinie des biens qui distillent du ciel sur nous, comme goutte à goutte, nous sommes conduicts comme par petis ruisseaux à recongnoistre ceste haulte fontaine cœleste, de laquelle toutes bontez & vertus procedent. Or laissons doncques Marcion & ses complices croupir en leur ordure, & faisons mention des autres qui ont blasphemé contre la maiesté de Dieu le pere, entre lesquels il y a deux sectes principalement dignes de perpetuelle execration entre les hommes: les vns se nomment Antropomorphites, qui disoient que Dieu le pere estoit corporel, & auoit ses membres comme Adam: les autres ont esté nommez Patripassiens, par ce qu'ils disoient que Dieu le pere auoit souffert. Ceste secte d'heretiques qui sont nommez Antropomorphites, s'eleua en Egypte du temps du Pape Damase, & de Theodose le vieil, lesquels

ayant mal practiqué l'enseignement que  
sainct Paul nous donne quand il dit, *Corin. 3.*  
que la lettre occist & que l'esprit viuifie,  
tomberent en leur erreur: Car s'arrestant  
seulement à l'escorce de l'escriture sainte  
& contemnant les hauts mysteres où est  
caché le suc & la moëlle d'icelle, ils ont  
forgé vn Dieu corporel & monstrueux.  
Il est certain que les Prophetes & Apo-  
stres s'accommodans à nostre imbecillité  
humaine, & voulans comme besgayer a-  
uec nous ont souuent assigné bouche, o-  
reille, pieds & mains à nostre Dieu, com-  
me quand il est dit aux Hebreux qua-  
triésme, que toutes choses sont descou-  
uertes deuant Dieu, & qu'elles sont clai-  
res & manifestes à ses yeux. Par telles ou  
semblables sentéces est designée la force  
& la puissance de Dieu, lequel n'est point  
corporel, mais est vn esprit pur & net, cō-  
me saint Iean enseigne, lequel ne peut *Iohan. 4.*  
estre dignement compris sous aucune  
forme ou figure: car cōme tesmoigne le  
prophete Iob il est plus haut que le ciel, *Iob. 22.*  
& par sur tous les ordres des estoilles.  
Qui vudra veoir plus amplement ceste  
matiere, lise vn traicté particulier de

*Des persecutions de l'Eglise*

sainct Anselme, intitulé des membres attribuez à Dieu . L'heresie des Antropomorphites fut esteincte par Theophile Euesque Alexandrin, du temps de Theodoze , comme il est monstré au septiesme chapitre liure dixiesme de l'histoire tripartite . Tritemius en son catalogue des scripteurs Ecclesiastiques dit qu'un Faustus Euesque, & un Ratherius moine l'ont aussi refutée par leurs escrits . Il y a encores eu aucuns heretiques qui se sont esleuez contre la maiesté de Dieu le Pere, entre les autres Nœtus duquel Sabellius a esté disciple comme Philaster escrit . Ceste vermine commença à se produire du regne de Galien l'Empereur , & de Sixte Pape second de ce nom : Epiphanius au liure des quatre vingts heresies , heresie cinquante septiesme dit, que l'impudence de cest affronteur s'esleua iusques là d'oser dire que Dieu le pere auoit souffert mort , dont ceux qui ont suiuy ceste malheureuse doctrine ont esté depuis nommez Partripassiens. Ils ont prins le fondement de leur erreur sur quelques passages de l'escriture mal entenduz , comme cestuy-cy, Je suis Dieu, & il n'y en a point



d'autre que moy. Et vn autre passage encores où il y a, moy & mon pere sommes vn. Ceste canaille n'entendant pas que ce passage moy & mon pere ne sommes qu'un, appartient à l'vnité de la substance, & non pas à la singularité du nombre, sont demeurez si enuelopez qu'ils ont pensé que le pere, le fils & le saint Esprit estoient seulement vne personne qui auoit trois noms, & de ceste malheureuse assertiō est sortie ceste impieté de dire que le Pere auoit souffert, ce qui est contre le texte appert du premier chapitre de Genèse, où apres la creation de toutes choses il est dit, Faisons l'homme à nostre image & semblance: ou la dictiō Faisons designe pluralité de personnes. Cecy est encores mieux declaré au dernier chapitre de saint Marthieu, où le Sauueur apres sa resurrection voulant monter au ciel dist à ses disciples. Toute puissance m'est donnée au ciel & à la terre: Allez doncques, & endoctrinez toutes gens, les baptisans au nom du pere, & du fils, & du S. Esprit, les enseignans toutes choses que ie vous ay commandées. Voyla le nom des trois personnes si bien exprimé qu'il ne

## *Des persecutions de l'Eglise*

reste plus aucun lieu de calomnie . Saint Iean au cinquiesme chapitre de sa premiere epistre canonique a si hautement resonné cest espouventable mistere de la Trinité, qu'il a fermé entierement la bouche à tous les heretiques du monde, quād il dit, Il y en a trois qui donnent tesmoignage au ciel, le pere, le verbe ou la parole, & le saint Esprit, & ces trois sont vn. Et parce que ceste heresie fut entierement subuertie du temps de Gregoire le grand, comme Basile le tesmoigne, nous ne l'esplucherons pas d'auantage, mesme que saint Hilaire Euesque de Poitiers, & saint Augustin en leurs liures de la Trinité, ont si bien rabbatu l'orgueil de ceux qui se sont voulu esleuer contre la Trinité, qu'ils n'osent plus sortir de leurs cauernes, ou se produire en lumiere. Cecy doncques nous suffira pour ceux qui ont parlé contre la maiesté du Pere, encores qu'ils ayent eu beaucoup d'autres complices . Venons maintenant à ceux qui ont assailly son Fils vnique nostre Sauueur & Redempteur Iesus Christ.

*Basile le  
grand en  
l'epist 93.  
S. Hilaire  
en a escrit  
12. liures.  
S. Au.  
gustin 15.*

DE CEUX QUI ONT BLAS-  
phémé contre le filz de Dieu, vostre Sau-  
ueur & Redempteur Iesus Christ.

Chap. III.

**A** Pres que le Prophete Esaie a  
auec grande vehemence ma-  
gnifié la puissance & haultef-  
se de Dieu, comme rauy en  
admiration de la splendeur infinie de sa  
gloire, il fescrie: Vrayement tu es le Dieu  
abscons & caché, Dieu d'Israel. Le pro- *Esaie 55.*  
phete Helie apres auoir fait sa com-  
plaincte à Dieu, comme les enfans d'Is-  
rael auoient laissé son alliance, rompu ses  
aùtelz, tué tous ses Prophetes par glai-  
ue (reserué luy seul, duquel encores  
cherchoient ils la vie) ne pouuant endu- *3. Roys. 19.*  
rer ceste vigueur diuine, & la voix terrible  
de Dieu qui parloit à luy, il couurit sa fa-  
ce de son manteau. D'autant plus que A- *Gene. 18.*  
braham s'est approché pour contempler  
la maïesté de Dieu, il se confesse pouldre  
& cendre. Toutes les foys que les sainctz  
anciens martyrs ou Prophetes ont senty  
la presence de Dieu, & qu'il a commencé  
leur manifester sa gloire, ils sont demeu-



## *Des persecutions de l'Eglise*

*Iuges. 13.*

*Et 22.*

*Esaie. 6.*

*Et 65.*

*Esaie. 2.*

*Et 10. Et*

*19.*

rez comme effarouchez & abbatuz, voire  
quasi comme opprimez & engloutiz en  
l'horreur de mort, tellement que ce pro-  
pos estoit commun entre le peuple an-  
cien. Nous mourrons, car nous auons veu  
le Seigneur. Mais si les Anges mesmes du  
ciel font espouventez, & que le Soleil ay  
honte & la Lune soit confuse: quand le  
Seigneur des armées regnera, & qu'il de-  
ploira sa clarté (comme tesmoigne E-  
saie) comment est ce que l'homme qui  
n'est que vn ver de terre de cinq piedz ose  
rechercher les secretz & l'essence de la di-  
uinité du filz de Dieu, & se plonger si  
profondement en sa gloire? Mais si la seu-  
le vision d'un ange nous espouente si  
fort que nous ne la pouuons souffrir,  
comme tesmoigne Sainct Iehan, lequel  
ne pouuant endurer vne telle splendeur  
tomba à terre comme mort: Et Esaie fut  
contrainct de dire apres l'apparition de  
l'ange, que les liens de son corps estoient  
dissoulz de pœur: Et les enfans d'Israël en-  
eurent si grand terreur, qu'ils furent con-  
trainctz de dire à Moysé, Parle à nous, &  
nous t'escouterons: car nous ne pouuons  
plus endurer ceste voix venant du ciel.

Comment est ce qu'il s'en est peu trouuer de si esceruelez qu'ils aient osé assaillir la diuinité du fils de Dieu , & par vn cruel sacrilege luy desrober sa gloire? Et neantmoins il s'est trouué vne infinité d'hommes qui se sont tellement desbordez, que non seulement ils ont contemnè la diuinité & humanité du fils de Dieu , mais mesmes ils ont voulu penetrer iusques à ce hault & espouuentable mystere de la Trinité, laquelle est par dessus toutes parolles & tous sens, toute intelligence, soit des anges , puissances & vertuz: de sorte que quelque grand Docteur a bien dit qu'il n'y a que la seule Trinité qui se congnaisse soy mesme en la diuinité. Mais à fin que nous ne nous esloignons par trop de nostre subiect , ayant traicté du pere, venons maintenant à ceux qui ont blasphemé cõtre la personne de Iesus Christ: & par ce qu'il y en a eu deux sectes principales, nous traicterons en premier lieu de ceux qui ont touché à sa diuinité, puis nous pouruiurons les autres qui ont parlé de son humanité. Les Ebionites ont esté les premiers qui ont nyé que Iesus Christ fust Dieu, desquels Ebion a esté le

## Des persecutions de l'Eglise

*S. Ierosme  
en son li-  
ure des  
scripieurs  
Ecclesia-  
stiques.  
Epipha-  
nus.  
Theodoret  
& Irenée.*

*† ou selon  
S. Augu-  
stin, Theo-  
doron.*

principal autheur, contre lequel (comme  
Saint Ierosme tesmoigne) Saint Iean  
à la requeste des Euesques d'Asie escriuit  
son Euangile. Bien tost apres Ebion fesse-  
ua, Cerinthus, ou bien d'un mesme tēps  
selon aucuns, lequel affirmoit aussi que  
Iesus Christ estoit hōme pur, filz naturel  
de Ioseph & de Marie, n'ayant rien plus  
que les autres hommes, sinon qu'il les sur-  
montoit en sapience & vertu. Ces deux  
icy ont eu beaucoup d'estaffiers qui ont  
suiuy leurs traces, comme Theodorus &  
Artemō, Paulus Samosatenus, Photinu  
& autres, lesquels comme sacrileges infā-  
mes feignant nostre Sauueur Iesus Christ  
estre homme pur, luy pensoient desrober  
ou rauer sa diuinité en cachettes: Et n'e-  
ia besoing de despendre beaucoup de pa-  
rolles pour refuter l'erreur d'Ebion & de  
ses complices: Car il est demeuré long  
temps enseuely en perpetuelles tenebres  
par plusieurs siecles: ioinct que l'escriture  
saincte nous tesmoigne si ouuertement  
que Iesus Christ est filz de Dieu que c'est  
quasi adiouster la lumiere au Soleil d'en  
vouloir faire plus ample preuue. Ce grā  
secretaire de Dieu Saint Matthieu fran-  
ctan



Etant du baptesme de Iesus Christ racom-  
 pte que incontinent qu'il fut sorty de  
 l'eau les cieux furēt ouuers, & veit l'esprit  
 de Dieu descendre cōme vne colombe *Math. 3.*  
 & venir sur luy, & vne voix du ciel disant *Luc. 3.*  
 cestuy-cy est mon fils bien aymé, auquel *1. Pier. 1.*  
 i'ay prins mon bon plaisir. Voyla comme  
 le pere mesme rend tesmoignage au ciel  
 & à la terre comme Iesus Christ est son  
 fils. Le semblable aduint quand le Sau-  
 ueur se transfigura en la montaigne, &  
 que sa face resplendissoit comme le So-  
 leil, & ses vestemens comme la lumiere,  
 Moysé & Helie luy ayans apparu & par-  
 lé avec luy. Et Pierre parlant encores, voi-  
 cy vne nuée claire qui les couurit, puis la  
 voix qui vint de la nuée disant : Cecy est *Math. 17.*  
 mon fils bien aymé auquel i'ay prins mon  
 bon plaisir, escoutez le. Ce qu'ayant ouy *S. Pierre,*  
 es disciples cheurēt la face à terre grâde- *S. Jacques,*  
 ment espouuētez. Cecy est encores cōfir- *& saint*  
 mé en ce passage, où Iesus Christ interro- *Jean.*  
 gea ses disciples quel on le disoit estre, au-  
 quel ils respondirent les vns disent que tu  
 es Ieā Baptiste, les autres Helie, les autres  
 Hieremie, ou quelcun des Prophetes : Et  
 vous, dāt le Sauueur, qu'en dittes vous?

### *Des persecutions de l'Eglise*

lors saint Pierre respondit tu es Christ, fils du Dieu viuant. Lors Iesus Christ approuuant le dire de l'Apostre luy dist, Pierre, Pierre tu es bien heureux : car la chair & le sang ne t'ont point reuelé cecy : mais mon pere qui est au ciel . Saint Iean chapitre premier, saint Paul à l'vnziesme des Romains, & au huitiesme de la premiere des Corinthiens , à Tite second & aux Hebreux premier, prouuent si appertement que Iesus Christ est fils de Dieu qu'il n'est plus de besoing d'emprunter autres tesmoignages. Saint Ambroise aux liures qu'il a fait de la foy à Gratian, & S. Cyrille au liure qu'il a fait de la vraye foy ont grauement impugné ceste heresie. Il y a vne autre secte d'heretiques qui ont directement contrarié aux precedens : car au lieu qu'ils disoient que Iesus Christ estoit homme pur, ceux-cy voulās retrencher du tout son humanité luy attribuoient seulement vne nature diuine. Et ceste puāte source s'est diuisee en plusieurs ruisseaux : car les vns ont nyé simplement que Iesus Christ eust nature humaine , desquels Cerdon (comme saint Augustin escrit) a esté le premier orgāne,

lequel a esté si effronté de dire que Iesus  
 Christ n'estoit point né de la vierge Ma-  
 rie, & qu'il n'a point prins chair humai-  
 ne, ny souffert mort sinon par opinion  
 ou imagination. Apelles (comme saint  
 Augustin & Philaster afferment) disoit  
 que Iesus Christ n'auoit prins sa chair  
 humaine de la Vierge: mais que descen-  
 dant du ciel il festoit formé vne chair de  
 la substâce de l'air ou des estoilles, laquel-  
 le il auoit renduë aux elemens apres sa re-  
 surrection, & ainsi il estoit monté au ciel  
 sans chair. Les Manichéens infectez de  
 semblable erreur nyoiët que Iesus Christ  
 eust pris chair de la Vierge, mais que ce-  
 stoit vn fantosme qui auoit apparu cōme  
 homme. Vn autre pendart appellé Valen-  
 tin soustenoit vne autre opinion aussi bi-  
 gearre que la premiere: Car il affermoit  
 que Iesus Christ auoit apporté sa chair  
 humaine du ciel, & qu'il auoit passé par la  
 Vierge cōme l'eau fait par vn canal: Mais  
 combien que tous ces heretiques qui se  
 sont bandez contre le fils de Dieu chemi-  
 nent par diuers sentiers, si est-ce que leur  
 but principal a esté d'enseuelir du tout  
 l'humanité du fils de Dieu, laquelle est si

*S. Augu-  
 stin au li-  
 ure des here-  
 sies, chapit.*

*21.  
 Heresie de  
 Cerdon.*

*Monstruens  
 se heresie  
 d'Apelles.*

*Heresie  
 abomina-  
 ble de Va-  
 lentin.*

*Irenée liure  
 3. des here-  
 sies, chap. 3.*



*Des persecutions de l'Eglise*

souuent publiée & repetée par les escriptures de l'ancien & nouveau testament que seroit chose ennuyeuse d'en renouveler la memoire si souuēt: mais quelques circuits ou vireuostes que ces imposteurs maudits puissent faire, si est-ce qu'il faut qu'ils demeurent tousiours maugré eux comme enchainez en ce principe, qui est veritable comme la verité mesme: c'est que Iesus Christ est descendu de la semēce d'Abraham selon la chair, comme il est monstre en Genese 22. Galates 3. Romains premier, & en saint Luc, & S. Matthieu premier. Si doncques Iesus Christ est descendu d'Abrahā, & de Dauid selon la chair, comment est ce qu'il n'auroit point de chair selon Cerdon, ou qu'il auroit vn corps fantastique selō Manichée, ou qu'il auroit tiré sa chair du ciel selon Valentin, ou qu'il se seroit formé vn corps de la substance de l'air ou des elements selon Apelles? Pais par ce que ces ans passez les Anabaptistes ont voulu reueiller cest erreur qui estoit reiecté & anathematizé de toute l'Eglise, il y a plus de mil & quatre cens ans: il nous est dōcques besoing d'estendre vn peu cest argu

ment . Quand Esaie promet que Iesus Christ viendra , il ne dit pas seulement qu'il sera enfanté d'une Vierge , mais il met premierement qu'il sera conçu. Dauantage Sainct Paul l'expresse encores plus fort quand il dit, qu'il a esté faict de la semence de Dauid selon la chair, & a esté neantmoins déclaré le fils de Dieu par sa puissance . Semblablement quand Sainct Iean dit que la parolle a esté faicte chair , ce n'est pas assez. ce me semble de confirmer nostre dire par le tesmoignage de l'escriture , si par mesme moyen nous ne respondons aux arguments des Anabaptistes, lesquels ils ont puyté au puant retraict de Cérdon , Marcion, & de leurs complices, à fin de despouiller Iesus Christ de sa nature humaine . Or pour mieux auctoriser leur doctrine ils ont faict leur baston de l'escriture sainte pour assaillir le fils de Dieu. Ils citent ce passage de saint Paul aux Philippenses secōd, où il dit que Iesus Christ s'est ancanty soy mesmes, prenant forme de serf, estant faict semblable aux hommes, & en apparence se monstrant homme: de là ils concluent que son corps estoit vn fantosme.

Rom. 1. 9.

2. Timot.

Hebr. 2.

Ioan. 1.

### *Des persecutions de l'Eglise*

Sathan qui est le principal maistre de leur sinagogue leur a si bien fillé les yeux, qu'il les tient comme bestes brutes enuelpées dedans les toilles : car il est tout evident que ce passage de saint Paul duquel ils font leur principal bouclier, ne fait entierement rien pour eux: Car l'Apostre ne traite pas là de la substance du corps de Iesus Christ, mais seulement il monstre que le Sauueur se fust peu monstrier en sa maiesté glorieuse cōme Dieu, si est ce qu'il s'est monsté comme simple homme, s'estant aneanty iusques là qu'il a pris la forme d'un serf. De sorte que ces motz ne signifient autre chose sinon que soubz le voile de sa chair en laquelle il apparoissoit petit & contemptible, il a caché la gloire de sa diuinité, en sorte qu'on ne congnoissoit en luy que la condition fragile qui se monstroir par dehors. Ils produissent encores vn autre passage de saint Paul, lequel semble auoir plus d'apparence: c'est cestuy cy, qui leur fait estendre leurs aelles comme paons au Soleil, & duquel ils pensent auoir chanté le dernier chant de leur victoire, quand ils enflent & entonnent ces gros motz prins



du quinzième chapitre de la première aux Corinthiens, où saint Paul dit que le premier homme Adam est fait de terre & est terrestre : le second homme à savoir le Sauveur Iesus Christ est celeste, estant venu du ciel. Et de là les Anabaptistes & les autres concluent que Iesus Christ doncques a eu un corps celeste, & qu'il n'a pas esté formé ny créé de la substance de la Vierge. Voila comment ces canailles veulent que sous le manteau de l'écriture toute leur abomination soit couverte. Or n'y a il difficulté aucune en la solution de cest argument, si nous voulons continuer & conioindre les sentences de saint Paul, l'une avec l'autre, & l'ensuivre d'un mesme fil sans déchirer & decouper le sens comme ils font, pour le faire servir à leur erreur : car ce n'est que leur astuce & artifice & amorce pour attirer les ignorans, que d'entortiller sous parolles desguisées le venin de leur pernicieuse doctrine. Saint Paul en ce passage voulant monstrier comme au doigt dont vient la mort, & dont vient la resurrection, dit : Que la mort vient d'Adam, la resurrection de Iesus Christ : & entre

*Des persecutions de l'Eglise*

autres choses, il dit: que Adam a esté fait en ame viuante, & Iesus Christ en esprit uiuisant: c'est à dire, que non seulement il est viuant, mais il a en soy la vertu de uiuifier. Or quand il dit, que Adam est terrestre entant qu'il est venu de terre, & que Iesus Christ est celeste estant venu du ciel, il n'entend pas parler là de la substance du corps de Iesus Christ, mais il entend parler de ceste vertu supernaturalle & diuine qu'il a du ciel, comme fils de Dieu. Sainct Paul en l'epistre aux Hebreux traictant dignement & haultement ceste matiere, prent son argument pour amplifier l'amour que le Sauueur nous a portee, disant: qu'il n'a pas prins la nature des Anges, mais la nostre. Si les erreurs de ces malheureux auoyent lieu, ceste grace & bonté infinie de Dieu seroit abolie de nostre memoire: car nous ne congnoistrions plus qu'il nous a plus honorez que les Anges mesmes. Ceste communication qu'il a avec nous en sa chair & son sang, se nommant nostre frere, seroit semblablement esteincte.

DE CEVX QVI ONT BLAS-  
phemé contre le Sainct Esprit.

Chapitre IIII.

**L**E commun accord, consen-  
tement & vnion de l'Eglise a  
tousiours esté, que le saint  
Esprit est vne personne di-  
stincte du pere & du fils: & toutes fois  
d'vne mesme puissance infinie, & maie-  
sté eternelle avec le pere & le fils. C'est  
luy qui par ses mouuements secrets, &  
comme nous arrouant de sa grace inui-  
sible, nous rend fertiles à produire fruiets  
de iustice. C'est ce feu ( duquel parle  
saint Iean) qui en rauissant & bruslant  
nos concupiscences vicieuses, qui sont  
comme superfluitez & ordures, enflam-  
me nos cœurs en l'amour de Dieu &  
en affection de le seruir. C'est luy dit Ter-  
tullian, qui a constitué les Prophetes en  
l'Eglise, qui instruit les precepteurs, qui  
forme & dresse les langues, qui fait ver-  
tus & guerisons, qui fait œuures admi-  
rables, qui donne distributions & diffé-  
ces d'esprits, qui baille les gouuernemés,  
qui fournist les cōseils, qui dispose & met

*Tertullian.*

*Ioan. 4.*



## *Des persecutions de l'Eglise*

*S. Cyprian  
au 4. liure  
de ses Epi-  
stres, en la  
premiere  
Epistre.*

*S. Cyprian  
au liure du  
S. Esprit.*

en ordre tous autres dons de graces , & pourtant il rend l'Eglise de Dieu parfaite en tout & par tout: c'est luy dit saint Cyprian qui fortifie les martirs en leurs tourmens , & qui leur donne couraige à souffrir passion: c'est luy qui a donné la patience à Salomon, l'intelligence à Daniel, le conseil à Ioseph, force & reuerence du nom de Dieu à Iob, & red les ames des saints fideles fertiles à toutes sortes de vertus , & auance tellement les affectiōs paisibles, que desia nostre conuersation est es cieux: il est present à tous les sacrements de l'Eglise, ausquels luy mesme donne efficace & les parfait: il nettoye les ordures & pechez, il iustifie ceux qui estoient iniques, & rend la vie à ceux qui estoient morts: il appoincte ceux qui estoient en discord , il les lie ensemble d'un lien de dilection: il nous esleue au ciel, nous retire des vanitez de ce monde: il nous constitue heritiers du Royaume supernel, duquel la felicité souueraine est que ce corps par vn effect spirituel cōuertera avec les Anges , & n'y aura plus aucun desir de la chair & du sang: mais Dieu qui sera lors pleinement congneu, sera vn

plein contentement à tous, & le saint Esprit vne suffisance parfaite pleinement habitante en nous. Voyla quelle a esté la doctrine des anciens touchât le S. Esprit: & neantmoins quand ces monstres enragez ont veu qu'ils ne pouuoient effacer le nom de Iesus Christ, & couper la gorge à son Eglise, ils ont dressé leur embusche cōtre le saint Esprit, comme si c'eust esté leur derniere foudre pour casser & briser le tout. Les vns comme Macedonius Euesque de Constantinople ont dit, que le saint Esprit estoit moindre que le pere & le fils, & qu'il n'estoit pas de mesme substance avec le pere, mais qu'il estoit vraye creature. Eunomius ce grand sophiste a suyui ceste mauuaise opinion. Didymus Alexandrinus au liure du saint Esprit, escrit que ceux-cy ont esté nommez Pneumatomachi, comme faisant guerre au saint Esprit. Saint Bernard en certaine epistre qu'il a escrite au Pape Innocent, dit: que Petrus Abilardus disoit, le saint Esprit estre l'ame du monde. Les Helcheseites, comme Nicephore tesmoigne, disent, que le saint Esprit est transformé en corps, & qu'il entre en diuers

*Epist. 190*

## *Des persecutions de l'Eglise*

corps, & qu'en chacun temps il est si manifesté en diuerses façons. Mais que dirons nous de ceux qui ont esté frappez d'un tel aueuglemēt, & à qui Sathā auoit si bien creué les yeux qu'ils ont ozé pronōcer ce cruel blaspheme de dire, qu'eux mesmes estoient le saint Esprit? Comme a fait Montanus, qui se nommoit le consolateur & l'Esprit de Dieu, & ce demoniacle Manichée, qui se vantoit d'estre le saint Esprit, qui estoit enuoyé comme le Sauueur auoit promis, comme tesmoigne saint Augustin au liure de l'vtilité des croyans, contre les Manichéens tome fixiesme, & saint Iean Chrysostome, au liure du S. Esprit tome troisieme. Saint Paul comme fermant la bouche à tous ceux qui voudroient gazouiller quelque chose contre la diuinité du saint Esprit, parlant de luy il vse du nom de Dieu, concluant en la premiere des Corinthiens chapitre troisieme, que nous sommes temples de Dieu, d'autant que son esprit habite en nous. Et saint Pierre reprenāt Ananias, de ce qu'il auoit menty au saint Esprit, dit qu'il n'a pas menty aux hommes, mais à Dieu. Moysē en son

*Eusebe li.*

*5. chap. 14.*

*Niceph. li.*

*4. chap. 22.*

*Chrysost. au*

*liure du S.*

*Esprit 10.*

*me 3.*

*Act. 5.*

*Genes. 1.*




histoire de la creation du monde tesmoi-  
gne apertement que l'Esprit de Dieu e-  
stoit espandu sur les abysses: Monstrant  
que le saint Esprit a besoigné en ceste  
masse confuse des elementz, pour la ren-  
dre belle, excellente & admirable, com-  
me elle se represente à noz yeulx. Mais  
quel autre tesmoignage ou approbation  
plus grande voulons-nous de la diuinité  
du saint Esprit, que celuy que Dieu mes-  
me donne, quand il dit qu'il pardonnera  
ceux qui ont blasphemé contre son fils:  
mais il reserue le blaspheme contre le  
saint Esprit comme irremissible. Et par  
ce que l'heresie de Macedonius & de ces  
compagnons fut assopie du temps de  
l'Empereur Theodose, & du Pape Da-  
mase au Concile de Constantinople en  
la presence de cens cinquante Euesques:  
nous nous contenterons de ce peu. Ceux  
qui seront curieux de voir vne plus lon-  
gue decision de ceste matiere, lisent Di-  
onysius Alexandrinus en ces deux trai-  
tez qu'il a fait du saint Esprit, & ce  
que Basile a fait contre Eunomius, &  
semblablement les trois liures que saint  
Ambroise a fait de ceste matiere à l'Em-

Marc. 3.  
Luc. 12.

S. Hieros.  
me les a  
traduits  
en Latin.

*Des persecutions de l'Eglise*  
pereur Gratian.

*DE CEUX QUI ONT BLAS-*  
*phémé contre les Apostres.*  
*Chapitre V.*

 Vand sathan a veu qu'il ne pouuoit arracher de l'entendement des hommes ceste vigueur diuine, & que l'opinion qu'ils auoient de Dieu estoit si bien enracinée au plus profond de leurs entrailles, qu'il estoit plus aisé de rompre toute affection de nature, que de tollir & effacer ce sentiment qu'ils auoient de diuinité, qui est comme vn feu perpetuel, & attaché à la moëlle de leurs os, & graué à l'interieur de leurs ames: il s'est aduisé d'vser encores de nouvelles armes, & de darder d'autres fleches. N'ayāt peu opprimer le chef ou luy desrober sa gloire, il a suborné ces superposts pour s'adresser aux mēbres, les vns à la Vierge, les autres aux Apostres, les autres aux Prophetes, Martyrs, & Anges, & Sacrementz. Brief toute leur intention n'a esté que d'exercer vn brigandage or-

gueilleux contre la vraye Eglise , & au lieu d'icelle en supposer & introduire vne autre illegitime & bastarde, contrefaïcte, pleine d'impietez, illusions, sacrileges & mensonges : afin que toute crainte de Dieu renuerſée les consciences des hommes demeurassent comme endormies ou estourdies, pour leur lascher puis apres la bride à se prostituer à toutes dissolutions & concupiscences charnelles . Donnons doncques commencement à leurs execrations & blasphemes . Eluidius a bien osé vomir ce cruel blaspheme contre la Vierge, de nier qu'elle eust tousiours persisté en sa virginité : mesmes a dit qu'elle auoit eu des enfans de Ioseph . Le commandement estoit expres en la loy ancienne, Deuteronomie vingt & deuxiesme, que celuy qui trouueroit de fortune quelque nid d'oyseau , peust prédre les petits, mais il luy estoit deffendu de toucher à la mere. Et au Leuitique 22. il y auoit vn semblable precepte de ne sacrifier point la mere & le petit en vn mesme iour ensemble. Et en exode 23, tu ne cuiras le petit au lait de sa mere . Les heretiques ont bien pratiqué ceste doctrine , car ayant



*Des persecutions de l'Eglise*

assally le Sauueur du monde Iesus Christ, encores se sont ils attachez à la mere: mais par ce que l'erreur d'Eluidius est si execrable & horrible de soy, qu'il n'y a esprit qui ne refuse de le comprendre, ny langue de le dire, ny main de l'escrire: il est plus expedient de retrencher du tout vn argument si ennuyeux & mal plaisant que de l'estendre. Mesme que saint Hierosme qui a regné du temps de ce monstre enragé, a si bien rabatu son orgueil en vn traicté particulier qu'il en a fait, qu'il m'a semblé meilleur de l'éseuelir du tout que de remuer ces ordures. Enuirō deux cens ans apres le decez de saint Hierosme l'erreur d'Eluidius commença encores à bourgeonner & derechef ietter quelques racines en Espagne: mais Alphōse Archeuesque de Tolete le reprima si bien par ses escrits, que depuis la semence en est morte. Ayant calomnié la Vierge ils se sont bandez contre les Prophetes & Apostres, affermant que tout ce qu'ils auoient presché n'estoit que pures fables. Comme Philastrius & Irénée tesmoignent de Cerdon. Apelles disoit aussi que tous les Prophetes se cont

*Cerdon.*

tradisoient

tradisoient & qu'il y auoit vne repugnance aperte en leurs propheties, ainsi que le recite Eusebe au douziesme chapitre de son cinquiesme liure. Or par ce que l'Eglise est fondée sur la doctrine des Prophetes & Apostres, Iesus Christ en estant la principale pierre (comme saint Paul enseigne) afin d'estoufer la clarté & pureté de la doctrine cœleste, ils ont mesprisé leur ministre. Le Seigneur de Launay au premier liure de cest œuure traite amplement de la dignité des Apostres, de leur vocation, & comme ils estoient administrateurs de la parolle de Dieu, pour contraindre toute hautesse toute gloire & vertu de ce monde, d'obeir & supplier à la maiesté diuine. Le Sauueur les a appellez la lumiere du monde, le sel de la terre, a dict qu'il reiectera ceux qui le reiecteront, qu'il escouterà ceux qui l'escouteront. Saint Paul en sa seconde Epistre aux Corinthiens de propos deliberé traite fort dignement cest argument qu'il n'y a rien plus excellent en l'Eglise que le ministre de l'Euangile, d'autant qu'il est ministre de salut & de vie eternelle. Cey lumina contre ceux qui ont voulu ac-

*Des persecutions de l'Eglise*

cufer les Apostres de mensonge , venons  
maintenāt aux Prophetes, lesquels ils ont  
dit se contredire à eux mesmes, & y auoir  
repugnance en leurs escripts.

*DE CEUX QVI ONT BLAS-*  
*phemé contre les Prophetes.*

*Chap. VI.*



*Psalm 45.*

*Esaie 6. 5.*  
*Iere. 1. 6.*

Eux qui ont accusé les Pro-  
phetes de mensonge n'ont  
fait autre chose que blasphe-  
mer contre la maiesté de  
Dieu , & luy mettre sus qu'il  
estoit menteur: car les Prophetes n'ont e-  
sté que ses secretaires , ou comme dit le  
Psalmiste , la plume qui annonçoit ses  
conceptions . C'est pourquoy execu-  
tant leur charge ils repetent si souuent  
ces mots: parolles du Seigneur, charge du  
Seigneur, le Seigneur a parlé, vision re-  
ceüe du Seigneur, le Seigneur des armées  
a dit . Et non sans cause , car Esaie con-  
fessoit ses leures estre pollues . Hieremie  
disoit qu'il ne pouuoit parler, pource  
qu'il estoit enfant. Mais quand leur bou-  
ches ont esté organes du S. Esprit, elles



ont esté pures & saintes, & le Seigneur les orna lors de tiltres magnifiques: car apres qu'il a testifié qu'il les a constituez sur les peuples & les royaumes, pour arracher, abbatte, edifier & planter, il adioust incontinent la cause, pource qu'il auoit mis sa parolle en leur bouche. De cecy nous en auons vn tesmoignage bien ample en Ezechiel, où le Seigneur parlant à luy dit, homme ie t'ay ordonné <sup>Ezech. 3.17.</sup> guide sur la maison d'Israel, tu oyas dōcques la parolle de ma bouche & leur annonceras de par moy. Mais espluchōs vn peu quelques vnes des propheties, afin que la calumnie de ces imposteurs enragez qui leur courēt sus, soit descouuerte. Il est tout certain que du temps d'Esaie le Royaume de Iuda estoit tout paisible. Et si estoit allié avec les Chaldeens. Et neâtmoins Esaye predisoit alors que la ville seroit ruinée, & le peuple en la fin rendu en seruitude & captiuité, ce qui aduint. Mais cecy est plus esmerueillable, de ce qu'il predict leur deliurance, & comme il nomme Cirus, par lequel les Chaldeens <sup>Esa. 45.</sup> deuoient estre vaincuz & le peuple d'Israel remis en liberté. Qui pouuoit deui-

*Des persecutions de l'Eglise*

*Jer. 25. 1.  
11, 12.*

ner alors qu'il y deust auoir vn Cyrus, qui fist guerre à l'aduenir contre les Babylo- niens, veu que Cyrus nasquit bien cent ans ou enuiron apres la mort du Prophe- te? Que dirōs nous d'auātage de Ieremie, lequel vn peu deuant que le peuple fust emmené captif, leur assigna pour leur re- demption le terme prefix de soixante & dix ans? De quelle bouche prononçoient ils tels oracles, si l'esprit de Dieu n'y eust besoigné: mesme que Ieremie & Ezechiel estans separez en païs loingtains s'accor- doient en tout & par tout l'un avec l'autre, comme s'ils eussent esté presens. Tou- tes ces choses sont suffisantes pour main- tenir l'autorité des prophetes cōtre tous calomniateurs: mais cecy est espouuenta- ble & plus suffisant que toutes fouldres du monde, pour abatre l'obstination des heretiques. C'est que Daniel traicte par ordre les choses qui se sont faictes six cens ans apres sa mort, comme s'il racom- ptoit les histoires qu'il eust obseruees de son temps. Cecy suffira doncques pour effacer l'impieté de Cerdon, Apelles, Montanus & leurs compagnons, qui n'ont pas esté contēs de mespriser l'autho-

rité des Prophetes: mais se sont attribuez  
le don de Prophetie, & à leurs femmes:  
comme Appelles à vne fille demoniaque  
nommée Philumene, comme ce rusien  
Montanus qui en l'ignominie des Pro-  
phetes menoit aussi deux femmes avec  
luy, l'une nommée Priscilla, l'autre Maxi-  
milla, desquelles il se seruoit en ses sortile-  
ges & enchantements, & appelloit leurs  
escrits liures prophetiques, & comman-  
doit à ses disciples de les auoir en plus  
grande reuerence que l'Euangile, comme  
Nicephore & Theodoret tesmoignent & *Liure 5.  
chap. 12.*  
pareillement Eusebe.

*Fin du second liure.*

N iij



## LIVRE TROISIÈME *des afflictions de l'Eglise.*

COMMENT L'EGLISE A  
esté affligée non seulement dès la venue de  
Iesus Christ, mais du commencement du  
monde: & que Dieu a miraculeusement de-  
liuré les siens, à l'heure que n'esperans plus de  
secours, ilz pensoient estre du tout accablez.

### *Chapitre premier.*



Il ne se faut estonner si de-  
puis la venue de Iesus  
Christ, l'Eglise a esté de  
toutes partz affligée: Car  
comme dit Sainct Paul,  
il y a grande conformité entre le chef &  
les membres: si nostre Seigneur le pre-  
mier a porté la croix l'espace de trente  
ans, c'est bien raison que ses membres  
qui veulent estre participans de la gloire  
qu'il a acquise, de la grande victoire qu'il  
a obtenue contre Sathan, & qui veulent  
auoir part à ce grand Royaume qu'il a  
conquis, qui durera eternellement, por-  
tent ses armoiries, qu'ils bataillent soubz

son enseigne virilement contre ce caute-  
leux ennemy & ses supposts . Et afin que  
ses soldats ne perdent le cueur ou qu'ils  
soient prins au despourueu, il les a aduer-  
tis qu'il ne se pouuoit faire autrement  
que pour l'amour de son nom ils n'endu-  
rassent toute peine , perilz & opprobres,  
qu'ils ne fussent hayz des meschans &  
affligez du monde, les prononçans pour-  
tant bien heureux , quand ils endureront  
pour iustice. Les vrais Chrestiens qui ont  
vn peu gousté de la vie cœleste , & sa-  
uouré ceste douceur , que le Prophete  
dit estre cachée à ceux qui le craignent,  
endurent toutes les afflictions patiem-  
ment, & fassent que Dieu tresbon, &  
tresgrand a vn courage paternel enuers  
eux, chastiant tous les enfans qu'il reçoit,  
à fin qu'ils facquierent vne vraye force,  
ne les oublions iamais de les secourir au  
besoing, à l'heure qu'on pèse tout estre per-  
du, & que de toutes parts ils sont persecu-  
tez des meschans: Ce que nous verrons,  
comme dans vn miroir si nous voulons  
considerer l'ordre admirable de la puis-  
sance de Dieu , qu'il a gardé dès le com-  
mancement du monde iusques à nostre

*Des persecutions de l'Eglise*

temps pour soulager tousiours les miseres & extremes calamitez de son Eglise, mesme lors que lon la pensoit du tout opprimer & accabler, de la pesanteur de la croix, nous congnoissons que miraculeusement & d'un ordre autre que humain il a estendu sa main forte pour la releuer. Et comme auoit prophetisé Esaie, trouuerons qu'il a en sa main vne boucle, où il tient serue & attachée la fureur des ennemis de son Eglise: congnoissons par mesme moyen qu'il en est le vray gardien quand il la retirée d'une infinité de morts, la terrant malgré la rage de ces ennemis ferme & stable, & au milieu de tant d'afflictions la faisant florir de toutes vertus spirituelles. Ce que les gens de bien contemplant, & vne infinité de ruses, pratiques & subtiles inuentions que les meschans ont de long-temps machiné pour la ruiner, sont tous estonnez & confuz, qu'elle ne soit mille fois perie. Mais ils se viennent à resouldre que la vertu de l'Eglise est inuincible: veu que l'esprit & la force de Dieu la soustiennent. Ce qui grandement ayde à les fortifier, fasseurans que combien qu'il permette



pour quelque temps, qu'elle soit durement oppressée, il ne la laissera iamais du tout accabler . Mais Dieu qui se sçait aider de toutes choses & en faire proffit, veult par telles afflictions magnifier la grandeur & dignité de sa parolle , & par continuelles tribulations tenir en bride son Eglise, laquelle oultre mesure deuiendroit insolente : & d'une trop grande licence se deborderoit, si les calamitez ne la pouuoient toucher , Premièrement Dieu a miraculeusement gardé ceste famille de Seth ( en laquelle il a voulu son nom estre reclamé ) de la tyrannie des meschans successeurs de Cain , qui estoient les plus forts , qui aisément l'eussent exterminée . Dieu pareillement par sa force inuincible a guaranty Noé & sa petite troupe, de la main des meschans, qui d'une rage esperdue vouloient du tout aneantir sa gloire & abolir son nom. Peu s'en est faillu que ceste sainte famille de Seth n'ait esté du tout accablée : si Dieu n'eust suscité Melchisedec qui l'a soustenue , elle n'eust iamais peu subsister . Il seroit trop long de reciter toutes les peines, traualx & ennuitz que ce bon Patriar-

## *Des persecutions de l'Eglise*

che Abraham a enduré, estant en la terre promise il a esté en perpetuel combat contre les ennemys de Dieu. Isaac & Iacob ont esté en pareilles peines, ausquelles ils eussent defailly, s'ils n'eussent esté fortifiez d'une vertu celeste, qui les a tous iours tenuz en sa sauuegarde. Leurs successeurs n'ont eu meilleur marché: car estans reduitz en vne miserable seruitude en Egypte, quelles continuelles guerres, quelle ignominie, quelles pesantes charges ont ils endurez? Et leur conducteur Moÿse en quel danger a-il fallu qu'il se soit mis pour la deliurance de ce pauvre peuple. Encore n'eust il rien auacé si Dieu ne luy eust préparé le chemin & seruy de

*Exod. 5.* guide. Si nous voulons de bien pres considerer ceste admirable deliurance, nous y trouuerons vne infinité de miracles de Dieu: & que ses yeux regardent tousiours ceux qui le craignent & esperent en luy & leur donne secours au besoing. Ce pauvre peuple sortant d'une misere entroit en l'autre. Estât entré en la terre de Chanaan, les meschantz n'ont cessé luy faire cōtinuelle guerre. Il a souffert mille calamitez, les vnes sur les autres, lesquelles

*Exod. 14.*

veritablement il n'eust peu supporter  
sans l'euident secours de Dieu . Apres la  
mort de Saül la desconfiture du peuple  
fut si horrible , que à peine voyoit-on  
quelque apparence d'Eglise: on eust pen-  
sé que le nom de Dieu fust entierement  
effacé de dessus la terre : mais Dieu qui  
veult magnifier ses œuvres , suscita son  
seruiteur Daid qui restaura vne si gran-  
de ruine : Encores ce miserable peuple,  
qui ne cherche que sa perte , laisse l'Eglise  
de Dieu , & s'adonne à mille vanitez &  
superstitions : la plus grande partie des  
lignées se separent de la maison de Salo-  
mon . Mais Dieu qui ne veut son Eglise  
estre du tout perdue , s'est reserué vne pe-  
tite poignée de gens , laquelle malgré la  
rage des meschantz d'une façon incroya-  
ble se la fait augmenter . Si nous voulons  
plus clairement voir , quel soing le Sei-  
gneur Dieu a des siens , il se monstre à la  
deliurance de Hierusalem , mesme alors  
que tout estoit deploré, & qu'il n'y auoit  
aucun espoir de secours: le bon Roy A-  
chab attendoit-il autre chose qu'une to-  
tale desolation, quand les Roys de Syrie  
& d'Israël la ||tenoient assiegée : le bon

*2. Samuel.*

*2. Roys.*



## *Des persecutions de l'Eglise*

Roy Ezéchias pensoit estre du tout perdu avec les siens, quand ce furieux Sennacherib, avec si grosse armée le tenoit assiégué : mais Dieu qui est au ciel qui se moquoit de l'escumante rage de ce meschant, luy baille vn tel estourdissement, que sans rien faire est contrainct leuer le siege. Le mauidict monstre ne se contentant de cela, & de plus en plus s'ahurtant contre l'espouuentable vengeance de Dieu, pour la seconde fois avec puissante armée la vient assieger. Dieu pour nous monstrer clairement que aux grandes extremitez il sauue son Eglise, & qu'il a mille moyens pour exterminer les meschantz qui le persecutent, il enuoye son ange pour en vne nuit exterminer toute l'armée de ce cruel tyran. Par ce seul acte nous pouuons assez congnoistre (si nous ne sommes si ingrats que nous voulions fermer les yeux de l'entendement) comment Dieu par moyen à nous incogneu & par sa vertu incomparable, par la force de sa parolle rompt & aneantit les entreprises des meschans, & abbat la plus que audacieuse violence de ceux qui veulent ruiner son Eglise. Quand Hierusalem

2. Roy. 8.

2. Paral.  
32.

fust mise à sac, tout le peuple estoit desolé, le temple desmoly, les vaisseaux consacrez au seruice diuin employez en leurs yurongnerie & dissolutions, le peuple mené en miserable captiuité, & pour le comble de toute misere, defendu sur peine de la vie d'inuoker le nom de Dieu. Qui eust pensé que ce pauvre peuple se peust jamais releuer toutes choses estât de tout point desesperées? Lors Dieu monstre sa force & qu'il n'oublie les siens, il esleue miraculeusement Daniel & ses compagnons en grands honneurs & dignitez, pour soulager leurs freres: il reiecte son peuple en liberté, chose esmerueillable, & qui surpasse l'entendement humain, seert du Roy Cyrus, qui les ayde de viures <sup>2. Paralip.</sup> pour leur voyage, & argent pour rebastir <sup>36.</sup> leur temple. En cela si nous ne sommes <sup>Esdras 1.</sup> doublement ingrats & tellement aueruelez, pouuons voir le soing que Dieu a de son Eglise: & comme dit Esaie, il iecte son <sup>Esa. 66.</sup>ueil sur l'affligé & contrit d'esprit, & à ceuy qui tremble en oyant ses parolles. Si n'passant plus outre, nous voulons conderer les autres calamitez, qui sont suruenues à ce pauvre peuple, les meschants

*Des persecutions de l'Eglise*

ne leur donnant aucune relasche ny loisir de respirer , trouuerōs que les precedēs n'estoiēt rien. En quel danger estoient les pauvres Iuifs, quand en ce petit nombre ils estoient au milieu de ceste grande guerre qui sesmeut entre les Roys de Syrie & d'Egypte, qui s'entre-tuoiet cruellement les vns les autres ? Ils estoient comme pauvres brebis entre des loups affamez. De l'autre part Alexādre le grand les eust exterminer, comme il auoit entrepris, si Dieu ne l'eust retenu par vision cœleste: Et d'autant que les meschants iamais ne cessent de persecuter les bons, est venu ce cruel Antiochus, vaisseau de l'ire de Dieu, qui n'a oublie aucune espee de cruauté pour opprimer l'innocent . Il fist courir le sang par toute la terre de la mort de ceux qui maintenants la loy de Dieu ne vouloient flechir deuant ceste grande Idole qu'il auoit esleuee au milieu du temple . Le carnage de ceux qui adoroient Dieu , fut si grand en la ville de Hierusalem , qu'il n'y auoit espoir qu'aucun d'eux se peust sauuer , faisant le pis qu'il pouuoit : Il introduit des ordonnances payennes , abrogeans les statuts



de dieu. Et pour du tout effacer de la memoire des hommes le seruice de Dieu, d'une malice plus que diabolique feist brusler tous les liures de la sainte escripture. Chose pitoyable, ceux là seulement pouuoient eschaper la tyrānie de ce monstre, qui en renonçant Dieu vouloient adherer à ses Idoles : encores en vn si pitoyable spectacle n'estoit permis de souspirer. Mais ie vous prie que ces tirans ministres de Sathan avec leurs semblables ont ils gaigné? Leur malice (cōme dit Lactance) en cela est conuaincue, lesquels pensoient totalement auoir subuertit la religion de Dieu, contraignans les fideles se maculer en leurs sacrifices : si est-ce qu'ils n'ont peu empescher que la loy de Dieu n'ait esté receüe depuis Orient iusques à Occident : & que tout sexe, tout aage, toute nation & region n'ayent congneüe sa parolle. Et que tant s'en fault, que par tourments & vexations ils ayent diminué la vraye Religion, mais plustost l'ont augmentee & rendue plus ferme : comme lon peut veoir en vne si generale calamité, & les choses estans de tout poinct desesperees, Dieu par sa bonté diuine s'en

*Lactance  
liure 5.  
Chapitre  
13.*

*Des persecutions de l'Eglise*

reserue quelques vns , & miraculeusement sauue les Machabées entre vne infinité de dangers: Somme que si nous considerons de bien près , & que nous voulions soigneusement rechercher les histoires anciennes, trouuerons que les pauvres Iuifz sans auoir aucune issue de leurs destresses, ont esté incessamment affligez, si est-ce que entre tant de tempestes, estant assaillis de toutes pars, Dieu les a armez d'une telle perseuerance , qu'ils ont surmonté toute la rage de ses bestes furieuses, & en demourans victorieux ont triomphé de leurs ennemys. Ces tesmoignages lesquelz iusques icy nous auons mis en auant, sans aucun ordre , & en vn monceau , enseignent neantmoins bien clairement, comme ie pense , à ceux ( qui ne sont ahurtez encontre l'admirable puissance de Dieu ) qu'il soustient miraculeusement son Eglise, & en a perpetuel soing . Ce que Dieu iamais n'a montré plus manifestement que du regne de Iesus Christ: car vn petit nombre de gens de basse condition , & desquels on ne tenoit compte , par vne patience inuincible , a resisté vertueusement contre tous  
les

les peuples & estatz du monde. Et combien que tous les potentatz de la terre se fussent bandez pour l'exterminer, si est-ce qu'elle a esté maintenue d'une vertu cœleste à nous incogneüe. Considerons vn peu que les Chrestiens ont esté en si extreme hayne & opprobre, qu'il n'y auoit lieu qui leur fust seur: grands & petis festans bandez contre eux, de sorte que quiconque estoit si hardy de s'attribuer le nom de Chrestien, se pouuoit asseurer d'endurer toutes les plus grandes persecutions du monde: mais Dieu toucha si viuement les cœurs de quelques vns, que par-my tant d'horribles persecutiōs, malgré l'escumante rage des potentats de la terre ils n'ont crainct de maintenir son nom: & d'une constance inuincible ont souffert patiemment tous les cruels & exquis tourments que les meschants pouuoient inuenter. Chose admirable & qui surpasse nostre entendement, que Dieu apres la mort d'une infinité de martirs tât que le nombre de Chrestiens estoit si petit que merueilles, il a de telle sorte multiplié son Eglise, qu'elle triomphe malgré la cruelle rage de tât de Monarques, Em-



*Des persecutions de l'Eglise*

reurs, Rois & Potentats de la terre. Com-  
bien que ces choses soient aduenues, par  
le tesmoignage de tant de gens de bien,  
si est-ce qu'il y en a plusieurs qui d'une  
malice deliberée, & ne considerants d'une  
ame nette les hauts faicts de Dieu, les  
passent legerement sans contempler sa  
vertu secrete, & sa forte main seuer, gar-  
diene de son Eglise, qui l'a vne infinité de  
fois retirée de la violence de ses ennemis,  
la sauuée de si grosses & horribles tem-  
pestes, & maintient en icelle vne vraye &  
pure doctrine qui a duré dès le commen-  
cement du monde: où les tyrans & here-  
tiques, comme nous traicterons cy apres,  
qui l'ont si diuersemēt agitée, touchez de  
la forte main de Dieu, sont peris misera-  
blement. Cela nous doit estre vn certain  
argument que sa dignité n'est point ter-  
rienne, mais plustost celeste: veu qu'apres  
tant de tourments & diuers assauts, enco-  
res quelque estincelle de ceste grāde beau-  
té & excellence, dōt les Prophetes ont tāt  
parlé, reluit quelque peu en elle: iacoit  
qu'exterieuremēt elle paroisse laide & de-  
figurée, au dedās elle reluit en singuliere  
beauté: Si l'on la voit du tout deschirée &

mise en pieces deuant Dieu & ses Anges, elle est toute entiere & parée de ses beaux ornemens. Si l'on la voit çà & là florer par diuerses tempestes, que l'on pense à toute heure qu'elle doyue submerger : elle ne peut endurer naufrage, estant gouuernée par vn si prudent pilote. Somme elle est à comparer au Silène d'Alcibiade, layde & difforme par le dehors, mais au dedans est cachée vne venerable dignité, laquelle Dieu tousiours miraculeusement a gardée. Et a donné telle force & couraige aux siens, que pour la maintenir ils ont tousiours esté prests à quitter leur propre vie, aspirant plus haut à l'heritage immortel où icelle les appelle : & malgré la rage desesperée des meschans elle a esté dès le commencement du monde & sera sans fin regnante, avec son chef nostre Seigneur Iesus Christ : où l'Eglise du diable dedans laquelle il festoit fortifié pour y tenir vn brigandage, sera par la vertu de sa parolle destruite & demolie. Et comme dit Ezechiel quelque mortier qu'il y *Ezech. 13.* face, quelque estoffe qu'il y applique, si ne la peut-il si bien ioindre, & plastrer, qu'elle ne menace à ceux qui sont dedans

*Des persecutions de l'Eglise*

*Cant. 2.*


vne ruine generale à la premiere pluye qui tombera dessus : ou l'Eglise de Dieu, de laquelle Iesus Christ en est le vray & assésuré fondement, combien qu'elle soit assaillie de toutes parts, & que le diable avec les meschans heretiques la minent de tous costez, & qu'ils facent tout effort pour la renuerser, elle demeurera eternellement: car il en est ialoux & soigneux de la garder: elle luy est amie & luy amy. Et non seulement luy donnera grace & force d'estre maintenue, mais luy en donnera les moyens: & par la vertu inuisible de son esprit la fortifiera tellement, que les plus grands destourbiers que y pourront iamais aduenir, seront surmontez par son ayde & secours: Comme dit le prophete Daniel, à luy appartient d'appaiser les tempestes de la mer, faire cesser les guerres, de rompre les chariots, briser les lances. Il est donc assez puissant de garder son Eglise (qui est la gardienne de sa verité) de toutes afflictions, & calamitez: il ne l'exposera follement aux dangiers, car il en a vn soing paternel: cela doit assésurer les gens de bien, & leur dōner vn immortal couraige, que l'Eglise de Dieu



durera eternellement avec son fils nostre Seigneur Iesus Christ.

*QV'IL NE TIENT TANT A Dieu, que l'Eglise ne soit en repos, que aux hommes, qui par leurs fautes & continuelles rebellions irritent sa longue patience.*

*Chapitre second.*

 Ombien que Dieu permette les siens estre de toutes partz affligez, & qu'il lasche la bride aux meschans pour leur faire la guerre: si est-ce que si nous considerons ce qui est adueni du temps des anciens, trouuerons que les persecutions qu'ils ont eues, & les assautz que l'Eglise a receuz ne viennent tant de la part de Dieu, que de ceux ausquels il auoit donne ses graces, & liberalement desploye sa vertu. Premièrement nous lisons que du temps de Seth & Enos son fils, l'Eglise estoit fort diminuée, laquelle diuinement redressée bien peu de temps dura en son integrité, & deuint si petite, qu'il ne restoit que huit personnes, lesquelles encores ne se tenant en la crainte de Dieu,

### *Des persecutions de l'Eglise*

polluantz la terre d'une infinité de meschancetez, furent à la fin de luy reproveés. Il ne se peut bonnement exprimer le nombre des grâces que Dieu a faict à la lignée d'Abraham: car en luy donnant une grande lumiere, voulut en icelle conserver la purité de sa doctrine, luy donna la terre promise, la defendit contre tous ses ennemys. Mais quoy? doublement ingratz ils n'ont jamais cessé d'offencer Dieu, iusques à ce qu'ils ayent expérimenté sa iuste vengeance. Ayans receu tant de graces ne devoient ils pas demeurer en sa crainte? Et leurs enfans ne prenans exemple à telle vengeance, quelques chastiments qu'ils ayent receuz, combien que par plusieurs foys Dieu leur aye donné pardon, suyuant le chemin de leurs peres ils ont tousiours troublé le repos de l'Eglise, & se sont laschement separés de Dieu. Il ne faut donc s'esbahir s'ils ont amoncelé sur eux mille calamitez. Qui voudra amplement congnoistre leur inconstance & desloyale legereté, & comme par une infinité de changemens ils ont avancé la vengeance de Dieu, lise l'histoire des Iuges. Nous lisons que luy

estant iustement irrité, les a aigrement punis du temps de Dauid & Salomon: encores ne se voulans chastier & venir à repentance, par tant de fleaux qu'ils receuoient tous les iours, d'une malice desesperée ils s'obstinerent contre la forte main de Dieu, qui fut presque cause de leur totale ruine: Dieu permist qu'ils fussent transportez captifs en Babylone, où ils ont enduré vne mer de maux. Et combien que ce bon Dieu pitoyable & misericordieux les eust miraculeusement deliurez, ils ont esté si vilainement ingrats que enseuelissant les grands benefices qu'ils auoient receuz ils l'ont laissé & son seruice, & se sont adōnez à mille vanitez. Dieu par tous moyens (comme dit *Ie-<sup>re. 51.</sup>* remie) les a medecinez, & n'ont voulu receuoir guerison. Si l'Eglise a esté grandement persecutée du temps de Iesus Christ, si Dieu a permis qu'il y eust de si merueilleux troubles, que les hommes cruellement s'entre-tuent les vns les autres, la vengeance de Dieu n'estoit-elle pas tres-iuste, veu qu'ils mesprisoient son Euangile, gage si sacré de la vie eternelle? Et qu'ils reiettoient ignominieuse-




*Des persecutions de l'Eglise*

ment son fils bien aymé qu'il auoit donné aux hommes pour vn souuerain bien? A la venue de Iesus Christ Hierusalem, s'uyuât ce que les Prophetes auoient predit, deuoit estre en sa grandeur & perfection: mais nous lisons que l'infidelité & ingratitude des Iuifz a esté cause de sa totale ruine & desolation. Je craindrois d'ennuyer le lecteur, si ie recitois ce que les histoires dient des grandes persecutions & playes que les Romains ont eües, ne voulans receuoir, voire chassant d'un orgueil plus que obstiné, l'Euangile qui leur estoit preschée: Les exemples, comme il me semble, doiuent suffire pour nous donner aduertissement de l'espouuenteable vengeance de Dieu, si l'on n'a pardonné à son peuple, avec lequel il auoit fait vne si estroicte alliance: Il ne nous faut esperer, si nous poursuyuons à l'offencer & mespriser sa parolle, qu'il nous traite plus doucement. Par telles & vne infinité d'autres histoires nous pouuons clairement voir qu'il ne tient à Dieu, que l'Eglise ne soit en repos. Et comme dit Ozée, ta perdition Israël vient de toy, & de moy ta saluation, & qu'elle n'est for-

ruitement agitée. Mais les hommes sont si malheureux, que par leurs assiduelles fautes & reuoltes ils irritent sa longue patience. Ainsi Dieu prenant vengeance rigoureuse, de ceux qui oubliēt & reiettrēt ses graces, il magnifie la grandeur & dignité de sa parolle, & monstre qu'il ne s'endort, quand il faut punir ceux qui la reiettent, & foulent aux pieds.

*DE LA GRANDEUR ET IV-  
stice de Dieu: qu'elle vengeance il prent de  
ceux qui persecutent son Eglise & qui mes-  
prisent sa parolle. Chap. III.*

 Ombien que la puissance de Dieu soit infinie, & inenarrable, si est-ce que par ces œuvres miraculeuses, par la diuersité des choses qu'il a créés, par la beauté & excellēce de tout cest vniuers, comme de rien il a tout fait, comme il regit par sa prouidence toutes ces choses basses, comme il les gouuerne & conserue par sa bonté, vertu & iustice, & par les témoignages des prophetes lon peut auoir aucunemēt quelque rude cognoissance,

*Des persecutions de l'Eglise*

*Exod.* 33.  
34.

& voir quelques raions de sa grandeur, & ainsi que Moÿse voir ses dernieres parties ; car luy qui en essence, grandeur & puissance est infiny , indicible , eternal , il ne se peut de l'homme, tandis qu'il est en ce monde, dignement comprendre . Dauid presque par tous ses pseaumes mesmement au pseaume 74. 89. 104. magnifie ceste grãde puissance conioincte avec sa iustice: car l'vne ne peut bonnement estre sans l'autre . Le Seigneur (dit-il) est iuste en toutes ses voyes, & sainct en toutes ses œures. En Esaie chap. 40. en Iob 38. & 39. au Leuitique 26. ceste grãde puissance est merueilleusemēt bien descrite:

*Iere.* 20.

Dieu est fort & puissant , & peut mettre en effect tout ce qu'il veut . Ieremie l'appelle le grãd robuste, & Dauid le fort cōbattant, qui l'a si bien enseigné au cōbat, qu'il peut briser l'arc d'acier . Et en autre lieu il dit qu'il est si fort , qu'il domine sur l'impetuosité de la mer , quād les vagues fessleuent il les peut abaisser : Au Deuterono. luy mesme parlant: le occi & viuifie: ie frappe & guerit: il n'y a creature qui puisse euter ma forte main. En Amos, il n'y a aduersité en la cité que le Seigneur n'ait

*Deute.* 6.  
32.  
*Amos* 3.



faicte: En Esaye. Regardez vers moy vous *Esa. 45.*  
tous les bōs de la terre, & vous serez sau-  
uez. Je suis Dieu, & n'y en a point d'aut-  
re. En Exode, c'est mon nom eternelle- *Exod. 3.*  
mēt, & le memorial de moy és siecles des  
siecles: & en Genese recitant ses richesses.  
Je suis le Seigneur suffisant, qui n'ay be-  
soin qu'aucun m'aide, qui ay seul toutes  
choses qui appartiennent à la felicité con-  
summée, qui peuz rassasier tous les viuās  
de toute sorte de biens, les ayants tous en  
ma main, les espandant liberalement: de  
moy procedent, toutes choses vraiment  
bonnes. Je suis ceste essence constante &  
inuincible, qui eslāt perpetuellemēt sem-  
blable à moy mesmes, faits ce que iē pro-  
mets de faire, & rassasie plainement. Cō-  
bien que Dieu par ces parolles se mōstre  
estre le grand trefor & la corne d'abon-  
dance de tous les biens: & qu'il garde mi-  
sericorde iusques à mille generations, &  
que tous les siecles trouueront en luy vne  
viue fontaine de liberalité, qui ne se peut  
espuiser, combien qu'il soit pitoyable, de-  
bonaire, qu'il ayme ses creatures, qu'il ait  
toutes ses entrailles embrasées d'amour  
enuers l'homme: il ne faut pourtant que

## *Des persecutions de l'Eglise*

les meschans soient enfléz d'orgueil, ne qu'ils se glorifient contre Dieu, de ce que sa maiesté ainsi bonne est tardiuë à les punir, disant que leurs predecesseurs ont vescu plusieurs années sans aucune reigle & en mauuaise façon, si est-ce que Dieu a les meschans en toute abomination. Et vsant de sa vengeance en son tēps, traite rigouusement la posterité qui suit la mauuaise vie des ancestres. Par ainsi à Moyse il se dit estre le Dieu de iugement, cōbien qu'il pardonne volontiers, qu'il soit plein

*Exod. 34.* de pitié & misericorde: tardif à se courouer: & comme dit Moyse, longanime, & qu'il abonde en douceur & verité, qu'il garde misericorde à milliers: Toutesfois il punist les meschās, visitant l'iniquité des peres sur les enfans, & sur les enfans des enfans sur la troisiēme & quatriēme generatiō: Voyla pourquoy le prophete Dauid l'apelle dieu des vengeāces: Il a traité les anciēs avec si grande rigueur, qu'ils ne l'auoiēt pas si tost offensé, que Dieu ne les chastiait rigoureusēmēt. Aussi tost qu'Adam eut transgressé ses commandemēs, il fut chassé du paradis terrestre. Sēacherib avec tout son exercice deffaict en vne

*Psal. 93.*

*Gene. 3.*

nuiſt pour auoir aſſiegé Hieruſalem: Les *Gene. 19.*  
Idolâtres qui adoroient le veau ont eſté  
généralement tous mis à mort. Par le de-  
lugé vniuerſel il a exterminé tous les ha- *Exod. 32.*  
bitans de la terre, excepté huit ames, &  
pour nettoyer toutes les ordures & vilai-  
nies du monde il a fait comme vne lexi-  
ue générale : par ſa fureur cinq citez ont  
eſté ſubuerties & embrasées . Les He-  
brieux demandant à Moÿſe à manger de  
la chair, ils en eurent, mais elle leur fut *Num. 11.*  
cherement vendue : car l'ire & indigna-  
tion de Dieu qui ſe reſpandit ſur eux fut  
ſi grande qu'il en fiſt mourir vne ſi gran-  
de multitude, que par pitié l'eſcriture  
n'en dit le nombre tant il eſtoit grand. En-  
cores eſt ce bien plus, & ſa vengeance ſe  
monſtre bien plus euidentement, quand il  
puniſt la poſterité pour les pechez des  
predeceſſeurs: car il commanda à Saül de *1. Reg.*  
prendre ſon exercite, & aller mettre au  
fiſ de l'eſpée tout le peuple du païs d'Abi-  
melech, ſans exempter hōme, femme ny  
beſte . Parce que trois cens ans deuant,  
ils n'auoit voulu donner paſſaige par ſes  
terres aux enfans d'Iſraël. Et Saül meſ-  
me n'exécutant le commandement que



*Des persecutions de l'Eglise*

1. Samuel  
15.

Dieu luy auoit faict , comment a il esté chastié? C'est vn vray abyfme que des iugemens , secrets de Dieu . Pour le peche d'Abimelech trois cens ans apres les descendans auoir esté chastiez ! O que c'est chose espouuentable de tomber entre les mains d'un si puissant Dieu ! Ceux à qui Dieu fait ceste grace de lire l'écriture sainte , pourront aisement veoir comment Dieu a rigoureusement puni les mauuais Roys & princes qui ont tourmenté les siens : combien que pour vn temps il les laisse impuniz, attendant leur amendement, si est-ce quoy qu'il tarde, ils ne peuuent éuiter sa fureur : mais il se mocque de l'audace des meschants , & comme dit le Prophete, habitant en haut se rit d'eux . Il attend que le temps de leur ruine soit venu, & que leurs iniquité soit accomplie : & se seruant d'eux comme des bourreaux de sa iustice , ministres de son indignation , il permet qu'ils tourmentent les siens . Ainsi appelle il *Cirus*, *Antiochus*, *Nabuchodonozor*, ses seruiteurs, lesquels. pourtant il a aigrement puniz: pour auoir outrageusement abusé de leur puissance, & auoir vilainement foul-

lé à leurs pieds le nom eternal : A ceste  
cause il a prins rigoureuse vengeance  
d'eux, & a promis d'exterminer les mau-  
uaises bestes de la terre . Non seulement  
ce grand Dieu se sçait ayder des creatures  
insensibles, & des hommes pour l'execu-  
tion de sa volonté (comme par fois il s'est  
aydé des Assyriés, par fois des Egyptiens  
pour punir son peuple) mais s'est seruy  
du diable pour tourmèter Saül, pour de-  
cevoir Achab, aucunesfois pour esprou-  
uer les siens, comme il a fait à Iob. Ainsi *Iob. 1.*  
Dieu ne manquant de moyens pour pu-  
nir les meschans & salarier les bons, fait  
que ceux qui le craignent & aiment, &  
qui s'appuyent en sa sainte parolle, qui  
ne se destournent de la vraye Eglise, qui  
ne se laissent agiter çà & là par vn orage  
de vents impetueux sur la mer d'une infi-  
nie multitude d'heresies, vivent en bone  
paix . Il establit leur regne, il les magnifie  
en richesses, puissance, gloire & victoire,  
il fait qu'ils regnent heureusement, qu'ils  
ont des armées fortes & victorieuses:  
qu'ils sont en seureté aux champs, & à la  
ville : il les couure de ses aïles, & leur en-  
uoye toute benediction & abondance de

*Des persecutions de l'Eglise*

biens. Au contraire ceux qui oublient Dieu, & qui d'un orgueil enflé, s'esleuent contre luy experimentent l'ire de Dieu, comme ont fait ces pauures malheureux Saül, Achab, Ieroboam, Ioas & autres princes semblables, qui ont esté depouillez de leurs Royaumes & transferez à d'autres. Ieroboam a esté occis par le Seigneur mesmes, après auoir perdu cinq cens mille des plus vaillants des siens, & ne pouuant resister à Abias. Achab percé d'une fleche, fuyant avec les siens, mourut miserablement. Il seroit trop long de discourir comment Dieu a traité Pharaon, Saül, Ioachim, Iulien, Valens, Néron, Domitian, Traian, Septimius Seuerus, Maximinus, Decius, Valerian, Aurelian, Diocletian, & autres monstres semblables: Il a renuersé leurs Royaumes, & abbattu par tât & diuerses calamitez leurs peuples florissans, qu'ils ont expérimenté la pesante main de Dieu, & ont receu leur condigne salaire de leur impieté. Encores Dieu ne desploye tant son ire sur ceux là & ne respand la phiole de son indignation, qu'il faict sur ceux ausquels le precieux & sacré sang du fils de Dieu & sa

verité

2. Samuel

2.

1. Roys 14.

2. Paralip.

1. Roys 22.

1. Roys 22.



verité eternelle, sont en mespris. Pleust à Dieu que de nostre temps le nombre n'eust si grand, & que les cours des Roys, & des princes n'en fussent si plaines : Mais nous voyons que les meschancetez des hommes sont paruenues, iusques au comble, & ne peuvent plus tarder que par vn horrible & espouuentable iugement de Dieu, elles ne soient conuaincues & condamnées : car la terre qui en est pollue ne les peut plus porter, & le soleil qui en a honte est contrainct se cacher & eclipser ne les pouuât plus regarder : mais tous ces contépteurs de Dieu trouuerôt quelque iour que Dieu se môstre iuge seuer pour maintenir sa gloire, & met en extreme opprobre ceux qui malicieusement luy veulent raurir son honneur & qui mesprisent & reiettent sa grace. Quel plus grand sacrilege se peut cômmettre que de se mocquer des biens que Dieu nous a faicts, de m'espriser l'Euangile par lequel Dieu se presente, & donne à nous, en la personne de son fils Iesus Christ ? Pour monstrier qu'il abhorre telle sorte de gens, & qu'il les veut punir d'une estrange façon, il leur oste tout sens naturel, toute discretion du

### *Des persecutions de l'Eglise*

Roma 1.

bien & du mal, il permet leurs consciences estre endormies, il les met en sens reproué, pour ne differer en riē des autres bestes. Et cōme dit S. paul, il dōne efficace à Sathā, de les transporter par tout où bō luy semble, les entortillant en vn labyrinthe de toutes deceptions, où il n'y a ny sentier ny adresse, enforcelant si bien leur entendement, qu'ils ne se peuvent contenir aux limites de verité: il permet que le diable esmeuve tous les tisons d'enfer, pour redoubler tout desordre, & les plōger en toutes erreurs: somme ils leur viennent tant de maledictions les vnes sur les autres, qu'ils ne s'en pourront iamais tirer hors. C'est bien raison, veu qu'ils reiettent la benediction de Dieu, que toute malediction leur aduienne. En cela pouons nous cognoistre l'exemple espouuentable de l'ire de Dieu, & quelle malediction arriue à ceux qui se bandent contre luy: quand les hommes qui sont creatures raisonnables, & qui dés le commencement ont esté illuminez de Dieu d'un tel sens naturel, qui est comme vn edict engravé dās leur cœur, qui leur mōstre & dicte de discerner le bien avec le mal:

nonobstant ils tombent en de si espesses tenebres, qu'ils deuiennent sans aucun iugement, semblables aux bestes brutes, & ce pour n'auoir tenu compte de son E-uangile, & auoir profané vn si sainct & sacré gaigne de la vie cternelle. Tous ces exemples qui sont autant de miroirs de la vengeance de Dieu pour faire priser la dignité de sa parolle, doiuent seruir de grande consolation aux gens de bien, afin qu'ils ne perdent courage, quand ils voient les meschans en autorité, & que cependant l'ayde de Dieu ne leur apparait point. Car quoy qu'il tarde les persecuteurs de l'Eglise de Dieu, les meschans qui molestent les siens, & ceux qui foulent aux pieds sa parolle, & qui en sen moquans se diuertissent de la pure simplicité de Iesus Christ, Dieu ne les chastiera seulement de ses verges paternelles, comme il fait les siens, quand il les veut visiter: mais avec vne barre de fer leur cassera & brisera leurs reins: Car c'est le mesme Dieu qui a esté de tous temps: au contraire, comme dit le Psal. Ses yeux misericordieux regarderont le iuste, & ses oreilles entendront ses prieres: & comme

*Roma. 2.*

*Psal. 33.*



## *Des persecutions de l'Eglise*

il a promis par le Prophete Michee, il aura soing de ceux qui le craignent, comme de la pupille de ses yeux.

**COMMENT DIEU PERMET**  
*qu'il y ait des heresies, & que Sathan enfor-  
cele les esprits de ses supposés de meschanceté  
& damnable opinions.*

*Chapitre II II I.*

*S. August.  
au traité  
de la vraye  
religion.*

*S. Paul  
aux Corin-  
thiens.*

**D**IEU permet, pour l'utilité des siens, qu'il y ait des heretiques, non pas, comme fort bien dit saint Augustin, que d'eux lon puisse apprendre la verité, ne qu'ils diēt vray: car ils ne scauroient, ayāts esté instruits du pere de mensonge. Mais les gens de bien sont incitez, pour respondre à leurs heresies, à plus ardemment chercher la verité: Voyla pourquoy saint Paul dit, qu'il faut qu'il y ait des sectes, afin que les fidesles soyent manifestez: car quād quelque faulſe doctrine est mise en auant, l'on cognoist de quelle affection, chacun est, & de quel zele on a receu la parolle de Dieu. Les vrais Chrestiens suiuent la verité qu'ils ont aprinſe en l'escole

du saint Esprit, la retiennent constamment, & montrent par effect qu'ils la portent grauee dans leurs cœurs: où les autres se laissant agiter à tous vents, donnent assez à cognoistre par leur legereté & inconstance, qu'ils n'auoient prins viue racine en la vraye cognoissance de Dieu. Et parce aussi tost que Sathan suscite quelque mauuaise opinion pour esteindre ou du tout suffoquer la doctrine Euangelique, ils se laissent aisement transporter: Mais Dieu qui ne veut que ceste vermine rampe plus auant, ayant pitié de son Eglise, permet qu'ils soient descouverts tels qu'ils sont: & quelque apparece qu'ils ayent de Chrestiens, quelque robe qu'ils puissent auoir vestue de sainte sainteté, quelque couleur qu'ils ayent de tenir l'Euangile, ils sont comme pestes & ordures ignominieusement chassés, & comme membres pourris retranchez du corps de l'Eglise, nostre Seigneur permettant que cela aduienne, tant pour prouuer les siens, que pour descouvrir l'hypocrisie & legereté de ceux qui n'auoient fait vray fondement en sa parolle. Moyse dit que Dieu nous tente, toutesfois que quelque

### *Des persecutions de l'Eglise*

erreur est semé par vn faux prophete : Et saint Paul dit, qu'il faut que les bons se déclarent, quand les sectes s'esleuent en l'Eglise: & que la foy monstre sa fermeté, lors qu'elle est ainsi esbranlée. Dieu permet que ce serpent iette son venin, duquel il veut infecter tout le monde, voyant que Iesus Christ par son Euangile se manifeste aux hommes, & qu'il veut rebastir son Eglise, que Sathan & ses supposts auoient ruinée, estât contrainct par le sacrifice qu'il a fait, quitter la place & dōner lieu à la force de sa parolle. Il bruit, il tempeste, il escume, il fescrie horriblement, il suscite vne mer d'infames heresies, lesquelles sortent les vnes apres les autres comme de bouillons d'eau: il escueille de faux ministres: somme il tache par tous moyens de dissiper ceste sainte vnion que nous auons en Iesus Christ par sa parolle. Et voyant qu'il ne peut resister, ayant employé toutes ses forces & que Iesus Christ demeure le plus fort, il semble le mauuais gendarme, lequel estant contrainct de desloger, fait le pis qu'il peut à son hoste, ainsi il n'oublie de faire toutes meschancetez estât contrainct de



partir de la maison de Dieu : il enforcele les esprits de ses suposts pour du tout leur faite abandonner la foy : il met picques & contentions entre-eux par de folles & inutiles questions: de sorte que lon diroit que c'est vne trompette qui a sonné l'alarme, tant ils sont bandez les vns contre les autres, afin que sous le manteau de leur infirmité il puisse mettre quelque mauuaise merque à la vraye doctrine de Iesus Christ. Ce pendât ces pauures malheureux estans enyurez de ce rusé aduersaire, n'ont ny aduis ny iugement aucun: leurs consciences estans endormies, ils n'ont aucun sentiment de l'ire de Dieu ny crainte de son iugement: ils ferment leurs cœurs d'une opiniastre obstination, comme d'une porte de fer: de sorte que se confians en leur science enflée, & ne lisans l'escriture d'un esprit humilié, ils s'estonnent de l'ignominie de la croix de Iesus Christ: Il ne peut entrer en leur entendement, que sa diuinité, en une meisme personne soit conioincte avec sa nature humaine: trouuent estrange que nous estimions la croix, qui de foy est maudicte, pour la source de nostre salut, que

## *Des persecutions de l'Eglise*

en sa condamnation nous ayons absolu-  
tion: en sa malediction, benediction : que  
nous cerchions nostre vie en vn trepassé:  
nostre port de salut en vn gibet. Voila cō-  
ment ces malheureux detestables, qui ont  
leurs ames grosses & enceintes de toute  
impieté & atheisme, desgorgent leurs  
puans & execrables blasphemés, commēt  
ils lachent la bride à leurs affections, & se  
profituent à toutes concupiscences bru-  
tales: & pour le comble de toute iniquité,  
comme dit Sainct Paul, non seulement  
ils font le mal, mais ils le prisent: ils ne ce-  
lent leurs meschancetez, mais les publiēt,  
comme Sodome: Ils se vantent par tout  
& tiennent pour vne principale vertu vn  
mespris & contemnement de Dieu. Et  
par flaterie taschent d'assopir tous re-  
mordz de conscience, & se font à croire  
que le mal n'est que ieu: cela Moysē ap-  
pelle racine germinant fiel & aluyne. Et  
Solomon aussi nous aduertit, que c'est le  
comble de toute meschanceté, quand les  
hommes ferment les yeux pour ne voir  
ny bien ny mal. Ils sont si impudentz que  
pensant scauoir tout, & estre les mieux  
aduisez & d'un entendement fort subtil,

*Rom. 1.*

*Esaie 3.*

*Deut. 29.*

*Prou. 18.*

ils vont la teste leuee , & monstrent par tout vn front d'airain , encores qui est le pis, ils s'efforcent de perdre les autres , & remplir tout le monde de leur impieté. Parce que ces vilains porceaux ont esté rembarrez par tant de gens doctes , laissons les là croupir en leurs ordures : Et comme dit le prophete Zacharie , qui doit perir , perisse : veu comme dit *Esaie* 9. qu'ils sont aueuglez en leur entendement & endurciz en leurs cueurs , à fin de perir en leur incredulité : de ceste arrogance & presumption qu'ils pensent tout scauoir , & mettent nostre foy en controuerse , comme d'un cheual de troye sortent vne infinité d'heresies , & vn monde de questions scrupuleuses : Ainsi l'Euangile , qui de foy mesme est vne doctrine de paix , par accident esmeut beaucoup de troubles & seditions , d'autant que les meschans en abusent : Mais Dieu fait que les vrais Chrestiens font leur proffit de l'impieté des autres , considerans qu'ils ne peuuent paruenir à la sagesse de Dieu & congnoissance de ses haults mysteres , que par humilité . Et comme dit saint Paul , en deuenant folz se fondans eux mesmes




*Des persecutions de l'Eglise*

congnoissent leur fragilité & misere , & qu'ils ont faulte de vraye sagesse , à scauoir d'un vray sentimēt de consciēce & crainte de Dieu , qui sont les vrais fondemēts de la religion Chrestienne : Ils se rendent dociles à Iesus Christ, croyans avec toute humilité, se contentens de ce que le saint Esprit leur enseigne, sans vouloir disputer des hauts secrets de Dieu ( desquels la clarté est si vehemente , qu'elle pourroit aneantir & consommer tous les esprits du monde ) de scauoir seulement ce qui est reuelé es sainctes escritures , reiettant toutes inutiles & superflues questions, qui peuuent surmonter leur cōgnoissance & capacité. Ils mesurent leurs sens & estude à la mesure que Dieu a gardé en les enseignant, ainsi estans ravis en admiration de la hautesse de nostre Seigneur, croyent avec toute humilité , que de l'infirmité de sa chair ils montent à la vertu de son esprit. Et combien que Dieu permette ces meschans ainsi malheureusement blasphemer contre sa sainte parole, il ne nous faut estre si incōstans que de laisser le chemin que la verité de Dieu nous aprent: Iagoit que nous voyons des

erreurs si estranges & exorbitants de toute raison, des opinions si damnables regner entre les hommes: il ne faut pourtāt legerement prendre occasion de s'esbranler ou reculer de la vraye & ancienne Eglise: mais plustost nous deuons confermer en icelle, où nous trouuerons vn seur & fidele appuy pour nous soubstenir en la vraye & pure verité de Dieu.

*LES CAUSES D'OV PRO-  
cedent tant d'heresies.  
Chapitre V.*

 Est chose esmerueillable, que les hommes cherchans leur perdition d'vn orgueil incensé ont tousiours esté incitez de contredire à l'Euangile: Ce qui seroit tolerable aucunement, si seulement ils s'arrestoiēt à quelques difficultez qui se presentent: mais ils tourmentent leurs esprits en vne infinité de questiōs facheuses, & amassent diligemment tout ce qu'il leur sēble auoir quelque peu de vray-semblance. Encores pour estre reputez subtils & de hault entendement, ils recher-

### *Des persecutions de l'Eglise*

chent soigneusement les passages de l'écriture Saincte, où de prime face on cuideroit qu'il y eust contrarieté, & en ayant trouué quelques vns, ils crient hault, ils font vn grand bruit, comme si Annibal estoit aux portes de la ville. Ce pendant ne restent de les appliquer à leurs propos, & les appliquer à leurs sens, pour esbranler les consciences des simples gens, & de ceux qui sont trop credules: & par telz moyens les plongent en vne infinité d'erreurs, & les entortillent en vn labyrinthe de diuerses & inutiles questions. Si en lisant les escritures ils suyuoient la vraye voye du sainct Esprit qui est l'humilité & subiectiō de foy, ils ne tumberoiēt en tels inconueniens. Sainct Augustin dit fort bien que l'arrogance est mere de toutes heresies & quasi vne racine commune. Si nous considerons de bien pres, l'esprit duquel tous heretiques sont menez, trouuerons que la gloire & presumption les a transportez cà & là: car ne se voulants arrester à la simple parolle de Dieu, enfléz d'vne orgueilleuse outrecuidance, par leurs folles speculations deuiennent tous fantastiques. Veritablement, Sathan en-



nemy iuré de Dieu , & de son Eglise, les  
rengé à tel point , & seme entre eux vne  
infinité de questions , comme vne pōme  
de discorde : & esband des tenebres par  
tout où il voit que la verité de Dieu se  
monstre. Si les heretiques se laissoient cō-  
duire de la main de Dieu qui est bon &  
fidele docteur: à tous perils fils prenoiet  
pour maistre & conducteur Iesus Christ;  
qui conuie les humbles & debonnaires  
pour estre ses disciples: brief fils despouil-  
loient l'amour excessif qu'il portent à eux  
mesmes , duquel ils sont mortellemēt en-  
forcelez , ils ne romberoient en telle fre-  
naisie, pour forger des sectes à part , & in-  
uenter de faulses doctrines: & à la mienne  
volonté qu'eux seuls voulussent errer  
par leur folle presumption : Mais le mal-  
heur est qu'ils amassent tous les empeche-  
mēs qu'il leur est possible pour rompre le  
chemin à eux & aux autres , tirant & ra-  
uissant quasi par force , les simples & cre-  
dules pour estre participantz en leur mal,  
comme esperans auoir plaisir & soulas  
de la perdicion de plusieurs , lesquels se  
laissent comme roseaux agiter à tous  
vents , & comme petis enfans s'exposer à

## *Des persecutions de l'Eglise*

toutes tromperies , feroient beaucoup mieux de laisser ceste vanité , qui est de l'autre part nourrice de toutes heresies & faulses opinions , & ne prendre plaisir de chanceler & flotter entre les vagues & tempestes d'une infinité de friuoles questions, veu que Dieu nous veut tous fonder en sa verité eternelle : Mais ils ont les yeux si bandez ou plustost creuez, qu'il aiment mieux choisir vne telle incertitude pour estre diuersement agitez çà & là, en toute confusion , que venir au port que Dieu nous monstre par sa sainte parolle, & se tenir dans le sein de l'Eglise où ils pourroient reposer paisiblement.

### *C O M M E N T I L S E*

*faut garder des dangereuses  
canelles des heretiques.*

*Chapitre VI.*

**L'**Astuce du diable est si grande, qu'il arme ses supposts & heretiques des armes propres pour augmenter son royaume , empescher le salut des hommes , & obscurcir la gloire de Dieu . Et pour

mieux seduire ceux qu'il veut par ses impostures & mensonges tirer en ses laqs, il se transfigure en ange de lumiere, il fait que ses ministres ont tousiours en la bouche les passages du vieux & nouveau Testament, pour bailler couuerture à leurs impietez, & couleur à leur meschante doctrine. Ils ne mettent aucune heresie en auant, qu'ils ne s'efforcent la courir par les paroles de la sainte Escriture: lesquelles ils rauissent deçà delà, s'efforçans de corrompre les articles de la foy par la loy mesme: Comme ce grand heretique Arrius, qui s'aidoit d'une infinité de passages de l'escriture, pour confirmer son abominable heresie: comme font auourd'huy les Anabaptistes qui combattent l'Euangile par l'Euangile. Le diable est si malicieusement cauteleux, qu'il sçait bien que pour perdre tant d'ames, il faut qu'il colore sa meschante doctrine, & qu'il inuente des armes propres, pour remplir tout le monde d'un mespris de Dieu, & espandre çà & là un venin de toute impieté: & de prime face il s'attaque à seduire ou emmieller ceux qui sont legers & muables, & qui sont d'eux mesmes quel-



## *Des persecutions de l'Eglise*

que peu chatouilleux. Nous voyons ordinairement que ceux , qui si librement reiettent la pureté de l'Euangile , que aussi tost qu'ils oyent quelque son confus de vaines parolles, tout d'un coup se separét de l'ancienne Eglise, & prestent l'oreille à la premiere faulse doctrine qui leur est présentée , tant elle soit absurde , & hors de raison, comme ont esté les resueries de Valentinus, Montanus, Manichée & autres de nostre temps , qui ne sont moins meschans & execrables : Mais s'ils auoient profité aux saintes escritures , le saint Esprit leur eust appris que nostre foy doibt estre fondée ailleurs que à noz folles fantasies : le mesme eust viuement engraué en leurs cueurs , son séau , qui les eust de telle sorte affermis, que quelques assauts qu'ils eussent eu, ils n'eussent esté aisement esbranléz: car il est certain que nul ne peut estre trompé par les faulses opinions des meschans , qu'il ne soit premierement auéuglé de Dieu & mis en sens reprouué : ce qui procede de sa iuste vengeance, qui punist ceux qui ne l'honorent & mesprisent sa parolle. Ainsi estans abandonnez de Dieu, ils lachent la bride à leurs

à leurs cupiditez charnelles : ils ne tiennent compte d'une bonne conscience (laquelle deuroit estre la seule gardienne du thesor de la foy) n'ayants rien de stable, se laissent flotter çà & là, à la fin se trouuent enfondrez, en vne profonde mer d'heresies. Et pour ne tomber en telz inconuenients, & euitier si dangereuses pestes, auant toute chose il nous faut prendre bonne & viue racine en Iesus Christ: & comme dit saint Paul, croistre en la cōgnoissance d'iceluy, iusques à ce que soyons venus en aage d'hommes parfaits: que nous ne desirions scauoir autre chose en la sainte escriture, que ce qu'il luy a pleu nous y reuellet, sans la vouloir assuiectir à nos folles concupiscences: que nous ne soyons si conuoiteux que de vouloir chercher les hauts secrets de Dieu: que nous n'ayons les oreilles si delicates, qu'il nous prenne enuie à chasque heure changer d'opinion: mais plustost ayant trouué le chemin que le saint Esprit nous aura appris, tenons nous y, & embrassons la verité que Dieu nous aura monstrée, sans iamais l'abandonner, à fin qu'elle nous soit vn appuy perpetuel, seur & fidelle,

Q

### *Des persecutions de l'Eglise*

pout faire teste à toutes les heresies & mauuais sectes qui nous pourroient afaillir. Par ce moyen congnoistrans aisé-  
mēt les dangereuses caütelles de Sathan  
& heretiques : ne nous laisserons seduire  
par leurs inductions: & là seulement dres-  
serons nostre but que nous ne deuons a-  
prendre aux saintes escritures, qu'un seul  
Dieu en nostre Seigneur Iesus Christ,  
comme saint Paul se glorifie ne scauoir  
autre chose: croyrons qu'en luy seul sont  
cachez & encloz les thesors sacrez de  
Dieu: nous asséurerōs des graces, que dās  
icelles nous sont presentees : & de l'autre  
part les rigoureuses menaces que Dieu  
fait à ceux qui les profanent . Ainsi nous  
appuyant en Iesus Christ , & prenant en  
luy vne viue racine, ne fault craindre que  
les heretiques nous destournent de la  
vraye congnoissance de Dieu, ny qu'ils  
nous puissent siller les yeux pour ne point  
cōgnoistre la verité, veu que Iesus Christ  
qui est appellé le Soleil de iustice est venu  
en ce monde pour nous esclairer , & ser-  
uir de lumiere à nos pas: partant pour e-  
stre hors de tels dangers faut tenir le che-  
min qu'il nous enseigne par sa parolle, le-



quel nous conduyra tout droict à la vie  
eternelle. Et parce que Dieu est veritable  
en ses promesses , & qu'il a promis de se  
manifeste à ceux qui d'un cueur contrit  
& humilié le chercheront : il nous faut  
demettre & renoncer à ceste outrecui-  
dance, qui nous tient de vouloit par no-  
stre entendement monter trop hault, &  
sçauoir outre mesure, & le supplier qu'il  
nous soit comme vn pedagogue se tenant  
aupres de nous pour nous monstres le  
chemin: ainsi qu'il nous a promis d'estre  
par son Prophete Esaye . Et pour nous  
monstres plus grande amitié, nous a assu-  
ré comme vn bien singulier, qu'en com-  
batant cōtre Sathan & toutes ses ruses, il  
fera le plus fort pour le debouter de sa ty-  
rannie par la vertu de sa parolle . Ce que  
nous prierons qu'il face , au nom de son  
fils nostre Seigneur Iesus Christ.

**LE SINGVLIER MOIEN**

contre les heresies & autres troubles lesquels  
suruiennent en l'Eglise de Dieu, est auoir re-  
cours à iceluy par le moien de penitence ac-  
compaignée d'oraison, faicte avec ses circon-  
stances.

Chapitre VII.

Q ij

## Des persecutions de l'Eglise



Escriture sainte nous a-  
prent, que l'assiduele &  
sainte priere avec effica-  
ce, est de grãde force en-  
dieu, principalemēt quād  
nous nous demettons &

*Iaco. 5.*

cognoissons avec repentance de nos fau-  
tes: car lors il est fidele pour nous les par-

*1. Ioan. 1.*

donner, & nous nettoyer par le sang de  
son fils Iesus Christ: mesmement quand  
nous nous adressons à luy d'un esprit aba-

*Psal. 51.*

tu & humilié: car c'est le vray sacrifice cō-  
me dit Daud, & qui luy est vrayement  
agreable, que l'esprit desolé & le cœur cō-

*Iere. 7.*

trit. Encores tout cela ne suffit si nous ne  
viuons cōme Dieu nous a cōmandé: car  
il dit en Ieremie qu'il ne l'exaucera priant  
pour le peuple qui viuoit mal. Le mesme  
Prophete crie & dit, le Seigneur des ar-  
mées, le Dieu d'Israël dit ainsi: Faites voz  
voyes bonnes & voz actes, & ie demeure-  
ray avec vous en ce lieu icy: n'ayez nulle  
fiance en vous mesmes, & sur parolles de  
mensonge, disant: c'est le temple du Sei-  
gneur, le temple du Seigneur, le temple  
du Seigneur. Mais faites vos voyes  
bonnes & voz actes, & faites iugement

*Iere. 7.*

entre l'homme & son prochain, & ne faites point tort à l'estranger, ny à l'orphelin, ny à la veufue: & ne respandez point en ce lieu cy le sang innocent: & ne cheminez point apres les Dieux estranges. Iesus Christ mesme crie en saint Luc. *Luc 6.* Pourquoi dites vous Seigneur Seigneur, & ne suyez pas mes commandements? Afin donc qu'il daigne entendre à nos prieres, il faut qu'avec repentence nous amendions nostre mauuaïse vie, & taschions de viure plus reglement, lors il nous exaucera quand nous le prierons. Ainsi a il exaucé Helie quand il pria, qu'il ne pleust sur la terre, & il ne pleut l'espace de trois ans & six mois. Dieu aussi ne fist le mal qu'il auoit deliberé faire, estant appaisé par la priere de Moÿse son seruiteur. Le Seigneur deliura Ezechias lors *Deut. 9.* qu'il estoit estroitement assiegé des Assiriens, & ce par le moyen de ses prieres. *2. Roys. 20.* Iosaphat aussi pria lors qu'il vouloit donner bataille contre ses ennemis, & Dieu *Esaye 38.* fist que cruellement ils s'entretuerent les vns les autres. Brief ces grands Prophetes qui viuoient saintement, ont souuentefois prié pour la conseruation des roya-



*Des persecutions de l'Eglise*

mes, & ont esté exaucez : parquoy c'est le plus expedient remede, que nous puissiõs auoir pour appaiser l'ire de Dieu, laquelle nous voyons à bon droit tant embrasée sur nous (qu'il permet vne infinité de pernicieuses heresies regner, & son Eglise estre de toutes parts agitée & persecutée) que fil n'a de nous pitié, elle en bref nous consommera: car comme dir Esaye, qui est celuy qui pourra habiter avec le feu deuorât? qui est celuy de nous qui demeurera avec les ardeurs eternelles? Et le Psalmiste, les fols ne se trouueront deuant tes yeux, tu hais tous ceux qui sont ouuriers d'iniquité. Nous ne pouuons auoir plus seure retraicte, que entre les bras de ce bon piloté Iesus Christ, auquel nous deuons recourir comme à l'ancre sacrée: car Dieu le pere a dit de luy, c'est mon fils traif-aymé, auquel ie me complais: pour nous dire apertement & nous monstrier au doigt, que luy seul peut appaiser son ire, & que par son moyen nous obtiendrõs tout ce que nous luy demanderons. C'est le gaige qu'il nous a voulu donner, de sa bonté & grace : de sorte qu'il n'y a rien si excellent, ny si precieux,

tant au ciel qu'en la terre, que Dieu veill  
le refuser à l'homme (pourueu qu'il soit à  
son profit & salut) quand il en est requis  
au nom de son fils nostre Seigneur Iesus  
Christ: Voila pourquoy saint Paul ar  
gumente ainsi. S'il n'a point espargné son  
propre fils, ains l'a liuré pour nous tous:  
comment se pourroit-il faire, que avec  
luy, il ne nous ait pareillement donné  
toutes choses: En cela congnoissons nous  
l'immense bonté de Dieu, & l'amour ine- *Ioan. 3.*  
stimable qu'il a porté au genre humain,  
quand il nous a donné son fils, & l'a liuré  
à la mort de la croix pour nous: il a fait  
qu'il aye esté peché pour nous, afin que  
que nous fussions iustice de Dieu en luy: *2. Cor. 5.*  
il a voulu qu'il fust la malediction, afin  
que la benediction d'Abraham nous fust  
faicte: a voulu qu'il fust comme vn  
bouc, chargé de noz iniquitez, pechez  
& preuarications, pour nous rendre peu- *Leuit. 16.*  
ple esleu & predestiné à salut. Il a voulu  
que luy qui n'auoit point de peché fust  
la satisfaction du nostre: luy qui estoit in  
nocent payast pour nous à la iustice de  
Dieu. Et comme dit le Prophete, il a  
porté nos langueurs, & a chargé sur soy

*Des persecutions de l'Eglise*

*Esa. 53.*

noz douleurs, il a esté blecé pour noz iniquitez, & a esté brisé pour nos meschancetez, & auons esté gueris par sa meurtresseure. Nous auons tous failly, nous n'auons suiuy la vraye voye: mais le Seigneur à assemblé sur luy toutes nos iniquitez, & en a fait vn baston de douleurs. Somme il l'a rendu comme homme, où il n'y a ny façon ny beauté, ny forme pour estre desirée: il l'a rendu mesprisé, & debouté des hommes, homme langoureux, nauré & affligé, & duquel tout le monde destourne sa face. Et comme dit le Psal. Il l'a rendu vn ver que rien ne monte, & non plus homme, ains des hommes la honte: il l'a vestu des ordes & puantes peaux de nostre humanité, & couuert du sac de toutes nos fanges & ordures, & ce cōme Dieu mesme a dit: à fin que son seruiteur iuste iustificast plusieurs, desquels luy mesme a porté les pechez. Voyla pour quoy saint Paul dit, que Dieu estoit en Christ reconciliant le monde à soy mesme. O la grande & inestimable bonté de Dieu! qui n'estant prouoqué par aucuns merites, il a tant aneanty son fils, encores il s'offre à nous, tout tel & aussi grand



qu'il est: il est si liberal, ou plustost prodigue de foy mesmes (sil nous est permis en son endroit vser d'un tel mot) qu'il nous presente & donne tous ses thesors, à fin que pleinement nous en iouyssions. Il a promis qu'il sera nostre Dieu & de nostre posterité, qu'il sera nostre salut, nostre vie, nostre secours, & deffence, qu'il nous donnera Royaumes, richesses, sagesse, felicité & victoires: brief qu'il nous donnera le ciel, pour nous conioindre & resiouir avec luy eternellement: car il n'espargne chose aucune pour nous ayder. Et comme il est infiny, ainsi ses richesses, ne se *Esaye. 55.* peuuent espuiser. Il nous conuie en Esaye de venir boire du vin & du lait sans argent. Oyez, oyez moy, dit-il, & mägez ce qui est bon, & que vostre ame se resiouyffe en la gresse. En Ieremye il dit, appelle moy Pere, & ne t'esloigne point de moy. Daud a esté la grande trompette de ceste bonté & largesse, quand il dit: Le Seigneur est misericordieux & doux, de longue attente, & de grande debonnaireté: son courroux en brief se passe, & son ire n'est perpetuelle: il ne nous traicte selon noz pechez, & ne nous a rendu selon nos

*Des persecutions de l'Eglise*

iniquitez:sa benignité & douceur est aussi grande sur ceux qui la reuerent, comme le ciel est haut par dessus la terre : il esloigne de nous nos pechez , d'autant que l'orient est distant de l'occident. Ainsi que le pere est bon à son enfant , & le traite doucement, ainsi ce bon Dieu est pitoyable enuers ceux qui le craignent : Car il congnoist de quoy les hommes sont faits, & qu'ils ne sont rien que pouldre & putrefaction. Esaye d'un mesme stille deuise de l'immense bonté de Dieu , & dit: Que Dieu nous ayme sans comparaison plus que la mere n'ayme son enfant . La femme peut elle oublier son enfant ? Peut il estre qu'elle n'aye pitié du fruit de son ventre ? Encore qu'elle l'oubliait , dit le Seigneur, ie ne t'oublieray . Et le mesme dit que le Seigneur nous paistra comme son troupeau , & par son bras nous assemblera comme ces agneaux, nous portera dans son sein , & traitera doucement & delicatemēt les ouailles qui sont pleines. Quiconque n'apprehendera ceste beneficence & liberalité que Dieu a enuers nous, a moins de sentiment qu'une pierre ou un tronc d'arbre : tenons nous donc

à la pure & simple parolle de Dieu , où il nous a pleinement declaré la bonne volonté & entiere affection qu'il nous porte: Et le prions que par son saint Esprit il la vueille imprimer en nos cueurs , comme c'est son vray office: Et disons luy avec Dauid, Seigneur ouure moy les yeux, & ie considereray les merueilles de ta loy. Veu que les escritures nous monstrent que ce bon Dieu autheur & gouverneur de toutes choses est si plein de liberalité & largesse, que gratuitement il nous communique tous ses dons: mesmes qu'il se courrouce en Ieremie , que lon ne veut prendre liberallement de luy sa benediction: que nous le laissons, qui est la fontaine viue , pour cauer des puits qui ne tiennent l'eau : Nous ne craindrons de nous adresser à luy , avec certaine asseurance qu'il nous exaucera au nom de son fils nostre Seigneur Iesus Christ, & le prions ainsi:

**S** EIGNEUR Dieu pere eternal & tout-puissant, infiny en misericorde, qui ne desires la mort du pecheur, mais plustost sa repentance, nous te prions, auant toutes choses, qu'il plaise à ta bonté

*Oratio quinta*



*Des persecutions de l'Eglise*

*Judith 9.*

*Ioan.*

*1. Cor. 1.*

*Esa. 23.*

paternelle oublier nos fautes & transgressions, & faire que noz pechez soient couuertz & cachez ou plustost noyez au sang de Iesus Christ ton fils bien aymé: comme fut Pharaon avec sa troupe en la mer rouge: qu'ils soient ensepuelis & enterrez avec luy en son tombeau, de sorte qu'ils ne viennent en compte deuant ta iustice: Et à fin que nous confessions tous d'un mesme esprit & consentement que tu n'abandonnes iamais les humbles & les petis, que ton secours ne s'esloigne des infirmes, estant le defendeur des abandonez & sauueur des desesperez. Nous te prions d'espandre ta misericorde & bonté paternelle sur ta pauvre Eglise laquelle tu vois de toutes partz affligée d'une infinité d'heretiques, qui se bandent iournellement contre toy, pour abolir ton honneur, & effacer de la terre la memoire de celuy que tu as enuoyé en ton nom. Et parce que tu as esleu les choses folles de ce monde pour confondre les sages, & les foibles pour abatre les fortes, destruits la vaine sapience de ces sages, & abolis la prudence de ces outrecuidez, comme tu as promis faire par Esaye. Espâds la phio-

le de ton indignation sur ceux qui sont corrompus d'entendement, à leur escient se bandent contre ta sainte parolle & verité de ton Euangile, comme Iambrus <sup>2. Tim. 3.</sup> & Iannes resistoient à Moyse. Monstre toy le plus fort, à fin qu'ils aprennent comment il se fait mauuais iouïr à toy. Et ainsi que dès le commencement du monde tu as defendu ton Eglise contre tous les Roys & monarques de la terre, & as mis à neant tous les conseils de ceux qui se sont esleuez contre ta sainte montaigne : as brisé la puissance de tes ennemys, par le glaïue de ta bouche: faitz que nous sentions en ce temps turbulent ton affection paternelle n'estre en riē diminuée: Veuilles exterminer tous les meschantz, qui veulent rompre le cours de ta parolle, qui veulent desmolir ton ancienne Eglise. Donne leur telle frayeur & estourdissement d'esprit, qu'ils puissent recongnoistre & confesser, qu'ils se prennent à celuy que tu as esleu, pour metre sus les linees de Iacob, & restaurer les desolations d'Is- <sup>Esai. 49.</sup> raël: Faits Seigneur Dieu & pere de misericorde, que tout le monde te congnoisse, & que la terre soit remplie de ta scien-

## SONNET.

**L** A clemence, la mort, la persecution,  
 De Dieu, des Saints esleux, & de la  
 Vraye Eglise,  
 Se monstre, se fait veoir, clairement est aprise;  
 Par ce petit traicté de consolation.  
 D'une Vraye, sincere, & pure affection,  
 LAVNAY ayant l'esprit, le cueur, &  
 l'ame éprise,  
 Cét oeuvre nous bastit d'une main tât exquisite,  
 Ou'il deffie du temps l'auare ambition.  
 De ce temps peruert, mal-heureux, infidelle,  
 Où l'Epicurien, le Tiran, le rebelle,  
 Exerce son abus, sa rage, sa fureur:  
 Et où celuy qui mieux blaspheme, occit, mesprise,  
 Le nom de l'Eternel, les Saints esleux, l'Eglise,  
 Est aujourdhuy (ô meurs !) tenu pour le meil-  
 leur:

TABLE



# TABLE DES CHOSES

PRINCIPALES ET PLUS  
dignes d'estre remerquees en  
cette histoire des persecutions  
de l'Eglise Chrestienne & Ca-  
tholique.

A

<b>A</b> Bel crioit de la terre au ciel iustice, iustice, & Ie- sus Christ misericorde, misericorde.	15.a
Achab assiéé par les roys de Syrie & d'Israel.	102.a
Albane cité d'Arménie où fut escorché saint Bar- thelemy.	23.b
Albinus competeur à l'empire de Seuerus.	52.a
Albinus tué en France.	52.b
Alexandre Rhetoricien.	36.a
Alexandre Alcibiades, martyr.	40.b
Alexandre Euesque de Hierusalem tant tiré de la gehenné qu'il en mourut.	56.b. 57.a
Alexandre retenu par vision celeste.	103.b
Ambassadeurs font entree à cheual.	51.b
S. Ambroise repoulsa Theodose de l'entrée du tēple.	70.b
S. Ambroise deplore la peruersité de son temps.	76.b
Amonaire vierge eut la teste trenchee.	57.a
Anabaptistes renouuelleurs de vieilles erreurs.	90.b
confutation de leur heresie.	91.a.b. 92.a
Anabaptistes combattent l'Euangile par l'Euangile.	

T A B L E.

Anania & Saphira renuerſez morts par la ſeule parole de S. Pierre.	21.a
S. André crucifié.	23.b
Anges effuſquent les yeux de leur clarté.	87.b
Anges meſmes eſpouuentez de la clarté de Dieu.	87.b
Anthoine Allegre traducteur de Dion Caſſius.	34.b
Antiochus vaiſſeau de l'ire de Dieu.	103.b
Antropomorphites, diſoient que Dieu eſtoit corporel.	84.b. 85.a.b
Apelles heretique ſon opinion.	90.a
Apelles diſoit que les prophetes ſe contrediſoient.	96.b
Apoſtres delaiſſez comme heritiers des peines & afflictions de Ieſus Chriſt.	16.b
Apoſtres tous martirizez.	23.b
Apoſtres admoneſtans d'euitier les heretiques.	73.a.b
Apoſtres honorez par Ieſus Chriſt.	97.a
Apoſtres ont commandement de Ieſus Chriſt de preſcher l'Euangile.	16.b
Apoſtres honorez de graces ſpeciales, & quelles.	16.b
Apoſtres aimez de Ieſus Chriſt, qui toutesfois ont trainé leur croix apres luy.	17.a
Apollonius necromantien.	36.b
Appolonie vierge martirizee.	57.a.b
Ariſtote dit qu'il n'y a qu'un chef de toutes choſes.	79.b
Arrius armé de quarante paſſages de l'eſcriture pour defendre ſon hereſie.	75.a
Arrogance mere de toutes hereſies.	118.b
Artemon Ebionite.	88.b
Aſterius ſenateur Romain receut la couronne de martire ſoubs Decius.	62.a.b
Aſtrageres ſit mourir S. Barthelemy.	23.b

T A B L E.

Athenagoras ambassadeur des Chrestiens.	41.b
Auguste Cesar disoit que l'homme qui a vescu cinquante ans doit souhaiter de mourir.	46.a
Aurelian, Alleman, fut le premier qui porta couronne & vestemens d'or.	63.a
sa vaillance & faicts genereux.	63.a
Aurelian bastit la cité d'Orleans sur Loire.	63.a
Aurelian print Zenobia, & l'amena en triomphe à Rome.	63.b.64.a
Aurelian vainquit à Rome les faux monnoyeurs.	64.a
Il persecuta les Chrestiens & fit contre eux plusieurs edicts.	ibid.
Aurelian menassé de Dieu par un signe du ciel, puis tué de ses gens.	64.a.b

B.

Babilone ville antique.	38.b
Babylas Euesque d'Antioche, tué.	57.a
Blasphemes execrables d'aucuns heretiques.	7.a
S. Barthelemy, nepueu du Roy de Syrie.	23.b
S. Barthelemy escorché tout vif.	23.b

C.

C Alcedon philosophe.	36.a
Carthage ville riche.	38.b
Cato Vricense veit son fils bāni pour peu de chose.	35.b
Celsus, Epicurien philosophe vuidoit du temps de Maximin.	56.a
Cerdon & son heresie.	89.b.90.a
Cerdon a vomu iniures contre les Apostres.	96.b
Ceremon Euesque de Nicopolis s'en fuit en la persecution de Decius.	60.a
Cerintus heretique du temps de S. Iean l'euangeliste.	22.b



Cerinthus affermoit que Iesus Christ estoit pur homme.	
88.b	
Chrestiens hays d'un chacun.	8.a
Chrestiens exposez à diuerses peines & tourmens.	
8.a.b	
Chrestiens accusez faulusement de plusieurs crimes.	8.b
Chrestiens quelque peu en repos apres la mort de Ne-	
ron.	26.a
Chrestiens faulusement accusez d'auoir mis le feu de-	
dans Rome.	25.a
Chrestiens griesuement punis pour le feu mis dans Ro-	
me par Neron.	25.a
Chrestiens persecutez par treize ans sous Traian.	30.a
Chrestiens faulusement accusez, & griesuement tour-	
mentez sous Marc Aurele.	37.b.40.a
Chrestiens punis sans forme de proces.	56.b
Chrestiens affligez de diuers tourmens sous Decius.	
59.b.60.a	
Chrestiens faulusement blasmez sous le regne de Seue-	
rus.	25.b.53.a
Chrestiens en extreme hayne & opprobre.	105.a
Christianisme en grand horreur du temps de Marc	
Aurele.	39.b
Chrestiens affligez durement par les tyrans.	9.a
Chrestiens ne peuuent estre dompte.	71.b
Cinna eut un fils bāni de Rome pour du fruit desrobé.	
36.a	
Cirrus nommé par Esaye qui nasquit bien cent ans a-	
pres la mort du prophete.	98.b
Commodus fils d'Aurelian mal complexionné.	49.a
Commodestinus musicien.	36.a
Constantins compaignon de Diocletian en l'empire.	

65.a

Cornille pape martirizé sous Decius. 36.b

Corinthe addonnee au naufrage. 39.a

Corinthe vierge trainee par les rues. 57.a

Croix source de nostre salut. 116.a

Cyprian Euesque de Carthage, magicien deuant qu'estre  
Chrestien. 58.aCyprian deuant sa conuersion amoureux de Iustine  
vierge. 58.aCyprian martirizé sous Decius avec la chaste Iusti-  
ne. 58.a.b

D.

Daniel traite par ordre les choses qui se sont fait-  
tes six cens ans apres sa mort. 98.b

Dauid restaura l'Eglise d'Israel. 102.a

Decius nombré entre les meilleurs Empereurs, toutes-  
fois tourmenta griefuement l'Eglise. 56.aDecius exercea de grandes cruautéz contre les Chre-  
stiens. 59.b. 60.aDecius noyé dans un marais, & son fils tué en Scythie.  
60.a.bDenis Euesque d'Alexandrie eut la teste trenchée.  
57.b

Description de la vanité du monde. 37.b. 38.a

le Diable se transfigure en ange de lumiere. 75.b

Diables dressent embusches & tentatiens contre les  
hommes. 19.a.bDiane auoit un temple à Tarente où personne n'entroit  
qui ne fust vestu de nouueaux habits. 37.aDiocletian exercea la derniere persecucion de l'Eglise.  
64.b

Sa maison &amp; parenté, sa presomptio &amp; arrogâce. 64.b

Diocletian portoit en ses souliers des pierres precieuses.

65.a

Prent pour adioincts Constantius, Galerius & Maximus.

65.a

Diocletian fait demolir les temples, & brusler les Es-  
criptures saintes.

65.a

Defend les congregations & assemblees des Chrestiens.

65.a

Diocletian casse tous soldats Chrestiens, & depose tous  
officiers.

65.b

Il inuenta nouveaux supplices contre les Chrestiens.

65.b.66.a.b.67.a

Diocletian se deuestit de l'Empire dans Nicomede, &  
se delectoit à cultiver les iardins.

68.b

Diocletian s'empoisonna soy mesme.

68.b

Dion Cassius a escrit la vie de Traian.

34.b

Diogenes peintre fort excellent puny pour auoir fait le  
pourtait de Neron.

25.b

Diogenes precepteur d'Aurelian en l'art de peindre.

36.a

Dieu punira griefuement ceux qui espendent le sang  
des innocens.

70.a.b

Dieu comment appelle par les anciens.

79.a.b

Dieu sans nom, selon aucuns; & pour ce nomme indici-  
ble.

79.b.80.a

Dieu ravit les hommes en admiration de la splendeur  
de sa gloire.

87.a.b

à Dieu sont attribuez membres corporels, en quel sens.

85.a

Dieu nomme par soixante & deux noms.

80.a

Dieu incomprehensible, inuisible, inestimable.

80.a.b

de Dieu diuerses opinions.

81.a

Dieu, seul.

82.b.83.a



# T A B L E.

Dieu ne peut estre compris par l'entendement humain.	78.b
Dieu par tribulations veut tenir en bride son Eglise.	101.a
Dieu sauue son Eglise aux extremités.	102.b
Dieu a soing des siens, encore qu'il les laisse quelque fois beaucoup endurer.	102.b
Dieu multiplie son Eglise au milieu des afflictions.	105.a
Dieu maintient en l'Eglise vne vraye & pure doctrine.	105.b
Dieu assez puissant pour garder son Eglise.	106.b
Dieu par tous moyens a medeciné les Iuifs, mais ils n'ont voulu receuoir guarison.	109.a
à Dieu ne tient que l'Eglise ne soit en repos.	108.b
Dieu a vne puissance infinie.	109. a. b
Dieu tardif à punir, mais usant de iustice.	110.b
Dieu a traité les anciens avec grande rigueur.	ibid.
Dieu punist la posterité pour les pechez des predecesseurs.	111.a
Dieu se mocque de l'audace des meschans.	111.b
Dieu se sert des meschans comme des bourreaux de sa iustice.	ibid.
Dieu se sert du diable pour l'execution de sa volonté.	112.a
Dieu salarie les bons princes, & chastie rigoreusement les mauuais.	112. a. b. 113. a. b
Dieu permet pour l'utilité des siens qu'il y ait des heretiques.	11.4. b
Dieu veritable en ses promesses.	122.a
Dieu a liuré son fils à la mort pour nous.	124.a
Dieu misericordieux, & piteiable enuers ceux qui le	

craignent.	125.a.b
Docteurs de l'Eglise admonestans de fuir la campagne des heretiques.	73.b.74.a.b.75.a.b.
Docteurs de l'Eglise se plaignans des heresies.	76.a
Docteurs anciens qu'elle doctrine ont eue du S. Esprit.	93.a.b
Domitian relegue S. Iean en l'isle de Parthmos.	22.b.
Domitian commit inceste avec sa niepce, se fait appeller dieu, & sa de grande cruauté contre les Chrestiens.	26.a
Domitian fait massacrer ceux de la lignée de David.	26.a.b
Domitian pourquoy fist cesser la persecution des Chre- stiens.	26.b
Domitiā tué par l'instigation & menée des siens.	26.b
Domitian hay du peuple.	26.b
E	
Ebion & Cerinthus heretiques.	22.b
Ebion nioit que Iesus Christ fust dieu.	88.a.b
Edict malheureux de Traian cōtre les chrestiens.	30.b
Edict de Marc Aurele contre les Chrestiens.	39.b
Les enfans desrent la mort de leurs peres.	45.b
Enfans mal complexionnez donnent grande tristesse aux peres.	49.a.b
L'Eglise a souffert dix persecutiōs pl <sup>us</sup> memorables.	68.b
L'Eglise fondee sur la doctrine des Prophetes & Apo- stres.	97.a.
Eglises pures & nettes iusques au tēps de Traian.	30.b
L'Eglise espouse de Iesus Christ & sa bien aimée, pour- quoy affligée.	6.b.7.a
L'Eglise agitée par diuers tourbillons.	6.b.7.a
L'Eglise arrosée du sang de Iesus Christ florira eternal- lement.	16.a

# T A B L E.

L'Eglise n'est demeuree veſue ou orpheline par la mort  
de Ieſus Chriſt. 16.a

L'Eglise Chreſtienne touſiours ferme & immobile.  
4.b.5.a

L'Eglise eſt venue à bout des tyrans & heretiques qui  
l'ont moleſtee. 9.b

L'Eglise appuyee ſur le fondement de la verité de Dieu.  
9.b

L'Eglise ancienne plus ardente que celle de maintenant.  
9.b.10.a

L'Eglise pourquoy affligee. 99.b.100.a.b

L'Eglise ſuſtenue de la vertu de Dieu. 100.b

L'Eglise gardienne de la verité. 106.b

L'Eglise recoit les affauts non tant de la part de Dieu  
que des hommes. 107.a.b

L'Eglise de Dieu regnera ſans fin. 106.a

L'Eglise du diable ſera deſtruite & deſmolie. 106.a

L'Eglise ſecourue au beſoing, lors qu'on penſe qu'elle ſoit  
ruinee. 102.b.103.a

L'Eglise a vne dignité qui n'eſt point terreſtre, mais ce-  
leſte. 105.b

L'Eglise laide & diſforme par le dehors, mais belle par  
le dedans. 106.a

L'Eglise triomphe malgré la rage cruelle des mar-  
ques. 105.a

L'Eglise miraculeuſement ſuſtenue de Dieu. 104.b

L'Eglise tant ſ'en fait qu'elle diminue par vexations,  
que pluſtoſt elle en augmente. 104.b

de l'Eglise vraye & ancienne ne ſe faut reculler. 118.a

L'Eglise defendue de Dieu dès le commencement contre  
tous Rois & monarques. 127.a

Eluidius a blaſphemé contre la vierge. 96.a.b



T A B L E.

Emperours payens persecuteurs de l'Eglise.	4.b
Emperours bons, qui neantmoins ont fait la guerre à Dieu.	27.b
Enchanteur corrupteur d'un Empercur.	61.a.b
Epherin grammarien.	36.a
Epicuriens refutez par saint Pierre.	21.a
Epistre des martyrs de la France.	40.a.b
Escripture sainte principales armes des heretiques.	74.b
S. Esprit est Dieu.	94.b.95.a
Esaye predist la ruine de la ville, la seruitude & captiuité du peuple, & puis leur deliurance.	98.a
S. Esprit, personne distincte du pere & du fils.	93.a
ses dons & graces.	93.a.b
Euangile, gage sauré de la vie eternelle.	108.a
Euangile doctrine de paix.	117.a
Eunomius Sophiste, heretique.	94.a
Ezechiel & Hieremie s'accordent estans bien loing separez.	98.b
Ezechias assiege par Senacherib.	102.b

F.

Fabien Pape de Rome martyrize sous Decius.	56.b
Fausus Euesque & un Rhaterius ont confuté l'erreur des Antropomorphites.	85.b
Festes abolies par Traian & pourquoy.	28.a
Fortune de Traian.	29.a

G.

Galerius adioinct de Diocletian en l'Empire.	65.a
Gensdarmes aimez par Traian.	29.a.b

H.

Hebreux anciens comment ont appelle Dieu.	79.b
Helcheseites & leur erreur.	94.a.b

T A B L E.

- Heleine, putain de Simon le magicien, adree.* 77.b  
*Heleine appelée par son ruffien Simon le magicien, la  
 premiere conception de son entendement, la mere de  
 tout, le S.Esprit.* 78.a  
*Holie, belle ville.* 38.b  
*Herodes fait tuer les Innocens.* II.a  
*Herodes ne pardonne à son propre fils, de peur qu'il a-  
 uoit de son royaume.* II.a  
*Herodes fait couper la teste à saint Iaqués le mateur.*  
 22.b  
*Heresies & scismes introduits par le diable pour cor-  
 rompre la parolle de Dieu.* 72.b  
*Heresies sont à euiter, comme sont aussi les heretiques*  
 73.a.b  
*Heresies pourquoy necessaires.* 115.a  
*Heresies d'ou procedent.* 118.a.b  
*Heretiques vigilans pour nuire à l'Eglise.* 9.a  
*Heretiques chassent des Eglises les bons Pasteurs.* 9.a  
*Heretiques quels maux ont fait à l'Eglise.* 4.b  
*Heretiques commencent à s'esleuer du temps de Traian.*  
 30.b  
*Heretiques colorent leurs escrits des sentences du viel  
 ou rounveau testament.* 74.a  
*Heretiques pourquoy alleguent les saintes escriptures.*  
 74.b  
*Heretiques ont leu les escriptures saintes non pour en  
 faire leur profit, mais pour en deceuoir & tromper.*  
 75.a  
*Heretiques cachent leur malice sous l'escorce de l'es-  
 critture.* 75.a  
*Heretiques s'exposent à la mort pour leur puante do-  
 ctine.* 82.a

T A B L E.

- Heretiques se sont aussi attachez aux saints. 95. b  
 Heretiques ne peuvent esbranler ceux qui s'appuyent  
 en Iesus Christ. 121. b  
 Heretiques s'efforcent de corrompre les articles de la  
 foy par la loy mesme. 120. a  
 Heretiques abandonnez de Dieu, laschent la bride à  
 leurs cupiditez charnelles. 121. a  
 Hiero tyran demande à Simonides que c'est que Dieu.  
 79. a  
 L'histoire des persecutions de l'Eglise militante qu'est  
 ce qu'elle contient. 1. a  
 Histoire belle d'une femme demandant iustice à Traia.  
 28. b  
 Histoire d'une femme enfermee en une voute sous des  
 maisons ruinees. 34. a  
 L'histoire des persecutions de l'Eglise Chrestienne &  
 Catholique, acheuee par Pierre de Cistieres. 2. 3  
 Histoire des soldats Chrestiens qui impetrerēt la pluie.  
 42. a. b. 43. a.  
 Historiens ne conuiennent au genre de mort des Apo-  
 stres. 24. a  
 Histoire digne de memoire des impostures & illusions  
 du diable. 61. b. 62. a. b  
 Histoire esmerueillable de la constance des Chrestiens.  
 67. b  
 Histoire de deux ieunes hommes qu'on vouloit persua-  
 der de sacrifier aux idoles. 68. a  
 Homere tient qu'il n'y a qu'un chef de toutes choses.  
 79. b I.  
 S. I Aques le maieur eut la teste trenchee par le com-  
 mandement d'Herodes. 22. b  
 Iaques le iuste pourquoy ainsi appelle. 22. b



T A B L E.

Iaques le iuste, sa sanctification & son austerité de vie.

23.

Iaques le iuste entroit au sancta sanctorum.

23.4

Iaques le iuste assidu à prier pour les pechez du peuple.

23.4

Iacques le iuste assommé d'un baston de tinturier.

23.4

S. Iean ne peut endurer la splendeur la l'ange.

87.6

S. Iean apostre, & ses louanges.

22.4

S. Iean presche l'Euangile en Asie. ibid.

S. Iean a confondu l'erreur d'Ebion & Cerinthus.

22.6

S. Iean mis en prison en Ierusalem.

22.6

S. Iean exilé en l'isle de Paphmos escrit son Apocalypse.

22.6

S. Iean ietté en une chaudiere d'huille bouillante.

22.6

Ieremie predist la mort des innocens.

11.6

Ieremie deuant que le peuple fust emmené captif, luy assigna soixante & dix ans pour sa redemption.

98.6

Iesus Christ sous le voile de sa chair cachoit la gloire de sa diuinité.

91.4.6

Iesus Christ celeste, comment se doit entendre.

92.4.6

Iesus Christ, soleil de iustice.

121.6

Iesus Christ est descendu de la semence d'Abraham, selon la chair.

90.6.91.4

Iesus Christ delaiissa douze Apostres & grand nombre de disciples pour regir son Eglise.

16.6

Iesus Christ a plus endure en ce monde que tous les autres martirs.

13.6

Iesus Christ en la croix prie pour ses persecuteurs & ennemis.

14.4.6

Iesus Christ crie pour les siens misericorde, misericorde, & au contraire Abel iustice, iustice.

15.4

- Iesus Christ estant monté au ciel n'a voulu laisser son  
 Eglise veufue ou orpheline. 16.a  
 Iesus Christ par sa mort quel fruit a il apporté. 15.b  
 16.a  
 Iesus Christ en quel estat il fait son entree en ce monde.  
 11.a  
 Iesus Christ iniurié par les Iuifs. 12.b  
 Iesus Christ crucifié par les Iuifs au milieu de deux  
 brigands. 12.b.13.a  
 Iesus Christ recherché par Herodes pour le faire mou-  
 rir. 11.a  
 Iesus Christ assaillie par Sathan. 11.b  
 Iesus Christ accusé de blaspheme & de sedition. 12.a  
 Iesus Christ repoussoit les calomnies intentées contre  
 luy avec modestie & attrempance. 12.a  
 Iesus Christ reprenoit aigrement & avec plus de vehé-  
 mence lors qu'il estoit question de l'honneur de son  
 pere. 12.a  
 Iesus Christ, fils de Dieu le pere. 89.a.b  
 S. Ignace disciple de S. Ieā martirisé sous Traiā. 13.a  
 S. Ignace constant martir & ses dernières parolles.  
 31.b.32.a  
 Innocens occis par Herodes. 11.a  
 Iosias eut ceste faueur de mourir auant que de veoir la  
 desolation de Hierusalem. 76.a  
 Israélites en captiuité & seruitude. 101.b  
 Isaac & Iacob ont enduré beaucoup de tribulations de  
 leurs ennemis. 101.b  
 Iuifs auengles, qui ne veulent souffrir leurs abus estre  
 descouuert. 12.b  
 Iuifs outragent Iesus Christ & de parolles & de fait.  
 12.b.13.a

T A B L E.

<i>Iuifs par leur infidelité cause de la totale ruine de Hierusalem.</i>	108.b
<i>Iulian consulte les magiciens.</i>	51.a
<i>Iulianus tué à Rome.</i>	52.b
<i>Iunius Rusticus geographe.</i>	36.a
<i>Iustine vierge consacrée à Dieu, endura martire avec S. Cyprian.</i>	58.a
<i>Iustin le philosophe, martir.</i>	40.b
<i>Sa vie, ses escripts, &amp; sa constance.</i>	41.a.b

L

<b>L</b> <i>Launay mort deuant l'edition de ce liure.</i>	23.
<i>Launay regretté &amp; ses louanges.</i>	2.3
<i>Legion foudroyante des Chrestiens impetre la pluie.</i>	42.a
<i>Leonide pere d'Origene, martirizé.</i>	53.a
<i>Lettres de Marc Aurele en la faueur des Chrestiens.</i>	42.a.b. 43.a

M

<b>M</b> <i>acedonius euesque de Constantinople heretique.</i>	94.a
<i>Machabees miraculeusement sauuez.</i>	104.b
<i>Magie obseruee &amp; aimée de Valerian.</i>	61.a. b. 62.a
<i>Magiciens monstrans par un miroir les choses futures.</i>	51.a
<i>Manichéens quelle heresie ils tenoient.</i>	90.a
<i>Manichee se vantoit estre le S. Esprit.</i>	94.b
<i>Marc Aurele sage &amp; vertueux empereur.</i>	35.a
<i>Sa nourriture &amp; education.</i>	Ibid.
<i>Marc Aurele prit en fin la protection des Chrestiens.</i>	42.a.b. 43.a
<i>Marc Aurele eut la victoire de ses ennemis par les prieres des Chrestiens.</i>	43.a
<i>Marc Aurele affligé de la main de Dieu pour ses</i>	



T A B L E.

cruauté enuers les Chrestiens.	43.b
Marc Aurele mena Seuerus avec luy en pompe.	52.a
Marc Aurele respond à Panuce & ses derniers propos.	47.b.a.b
Marc Aurele prince parfait s'il n'eust molesté les Chrestiens	39.a
Marc Aurele fort superstitieux & idolatre.	39.b
Marc Aurele s'adresse a vne deuineresse.	37.a.b
Marc Aurele mort en Hongrie.	49.b
Marc Aurele escriuit un liure à son fils de l'institution du prince.	38.a
Marc Aurele triompha à Rome deux fois, & ses grandes propos sur ce.	38.b
Marchans ou temple chassés par Iesus Christ, pource qu'ils faisoient leur magazin de la maison du Seigneur.	12.a
Marcion le premier nay du diable.	81.a
Marcion infecta beaucoup de peuple, ses refueries, ses martyrs.	81.a.b.82.a.b
Marius Sanctus Atalus, martyr.	40.b
Marin decapité sous Decius.	62.a.b
sang des Martyrs est la semence de l'Eglise.	72.a
Martyrs executés de diuers tourmens sous Diocetian.	65.b.66.a.b.67.a.b.68.a.b
Martyrs entre les heretiques.	82.a
du sang des Martyrs depuis Abel iusques à Zacharie ne se perdra vne seule goutte qui ne vienne en compte.	69.b
Martyrs sous Decius.	57.a.b.58.a.b
Maximin, berger, & de grande corpulance.	54.b
Maximin mangeoit à son repas quarante ou cinquante liures de chair, & beuuoit neuf ou dix pos de vin.	54.b
Maximin	

T A B L E.

Maximin combatit seiZe gensdarmes & les desconfit.	55.a
Maximin capitaine de quatre legions.	55.a
Maximin creé Empereur au regret du Senat, & sa cruauté.	55.a
Maximin inuenta nouveaux tourmens pour faire mourir les Chrestiens.	55.b
Maximin tué des soldats, avec son fils.	55.b
Maximus compagnon de Diocletian en l'empire.	65.a
Maximilla, femme de Montanus.	99.a
Mathematicien, qui promet une monarchie à Sener.	51.a
S. Matthieu attaché en terre avec des cloux.	23.b
Melchisedec a suscité la famille de Seib.	101.a
Mercurc vierge eut la teste trenchee.	57.a
Mercurc Trimegiste tient qu'il n'y a qu'un Dieu.	79.b
Miracle de saint Pierre.	20.b
Mirmene cité des Cambales où fut martirizé S. Matthieu.	23.b
Montanus se nōmoit le consolateur & l'esprit de Dieu.	94.b
la Mort n'est à craindre.	44.a.b. 45.a.b. 46.a.b
la Mort mauuaise met en doute la vie, mais la bonne mort excuse la mauuaise vie.	46.a
la Mort pourquoy est crainte.	47.b. 48.a
Moyse en diuers dangers.	101.b
Moyse esblouist les yeux des Israélites par la splendeur de son visage.	87.b

N.

Neron fist trencher la teste à saint Paul.	19.b
Neron commit inceste avec sa mere, & la fait mourir.	24.b
Neron viola les vierges Vestales, fit mourir Seneque, ses	

T A B L E.

femmes & son fils.	24.b
Neron estimé l'antechr st par les Chrestiens de son temps.	24.b
Neron prend plaisir à faire brusler Rome.	25.a
Neron s'occist soy mesme.	25.b
Neron principal sacrape du Diable pour tourmenter les Chrest ens.	77.a
Noë & sa petite troupe garenty de la main des peruers.	
O I I A	
Noetus heretique & ses opinions.	85.b
Numance heureuse v lle.	39.a

O.

O ctavie femme de Neron occise par le commandement d son mary.	24.b
Ocuvres necessaires pour estre agreables à Dieu.	122.b.
O I I A	

Origene, son courage pour paruenir au martire, & ses exhortations à son pere prisonnier.	53.a.b.54.a
Origene nourrissoit sa mere & ses six freres de ce qu'il gaignoit à instruire la ieunesse.	54.a
Origene sous Maximin escriuit le liure du martire.	55.b
Origene emprisonné, gehenné & tourmenté sous Decius.	58.b.59.a.b
Origene pourquoy sacrifia aux idoles.	59.a
Origene vient en Hierusalem, & sa compunction de cœur.	59.a.b

P.

P Anuce secretaire de Marc Aurele, & sa remon- strance.	44.a
Pastours chasséz par les heretiques.	9.a
Patripassiens disoient que le pere auoit souffert.	84.b



T A B L E.

Paulus Samosatensis heretique.	88 b
S. Paul persecuteur autresfus de l'Eglise, contraignoit les fideles de blasphemer, & gardoit les abillemens de ceux qui lapioient S. Estienne.	17. a. b
S. Paul conuerti à Iesus Christ.	ibid.
S. Paul a exercé son ministere trente sept ans.	18. a
S. Paul affligé en diuerses manieres.	18. a. b. 19. a. b
S. Paul prisonnier à Rome, où aussi il eut la teste trenchée.	19. b
les Peres tirez des prisons obscures par la passion de Iesus Christ.	15. b
Pescennius tué en Asie.	52. b
Petrus Abilardus d'soit le S. Esprit estre l'ame du monde.	94. a
Philumene, fille d'Apellez, demoniaque.	99. a
Photinus sectateur d'Ebion & de Cerinthus.	88. b
S. Pierre a soustenu de furieux assaux & terribles combats.	21. a. b
S. Pierre tiré de prison.	21. a
S. Pierre couronné de martire sous Neron.	21. a
S. Pierre compaignon de saint Paul.	20. a
S. Pierre fauorisé entre tous les Apostres par Iesus Christ.	20. a
S. Pierre orné de graces confirmées par le don des miracles.	20. b
Pierre Galatin compte soixante & deux noms de Dieu.	80. a
Pierre de Cistieres amy de Launay.	2. 3
Pierre Boistuan laissa ce liure imparfaict. Ses louanges & recommandations.	5. a. b
Platon s'est auancé le premier à parler du bien.	79. a. b
Platon tient qu'il n'y a qu'un seul Dieu.	79. b

T A B L E.

Plin second escrit à Traian pour faire cesser la persecution des Chrestiens.	32.a.b
Pneumomachi heretiques faisans la guerre au S. Esprit.	94.a
Polyearpe lamente de veoir son Eglise assaillie d'heresies.	76.a
Pompeie femme de Neron occise par le commandement de son mary.	24.b
Presages de la future grandeur de Seuerus.	50.b.51.a
Priere assiduele & sainte est de grande force.	122.b
Priscilla femme de Montanus.	99.a
Prophetes secretaires de Dieu.	97.b
Prophetes ornez de tiltres magnifiques.	97.b.98.a
Prophetes veritables.	98.a
Prophetie fausement attribue en la personne de plusieurs.	99.a
Prophetie de la mort des Innocens.	11.b
Propheties de la mort de Iesus Christ.	13.a
Prophetie d'une deuineresse accomplie en Marc Aurele.	37.b

R.

Rabbi Moses Egyptien appelle Dieu tehouah.	79.b
Rabbi Heccados dit que Dieu n'a point de nom.	79.b
Rhodes assiegee par Pyrrhus roy des Epirotes.	36.b
Rome bruslee pour le plaisir de Neron.	25.a
Rome combien peulee du temps de Traian.	27.b
Romains rigoureux enuers les fautes de la ieunesse.	35.b
	36.a

S.

Sabellius disciple de Noetus heretique.	85.b
Sapor Roy des Parthes comment il traittoit Va-	

T A B L E.

lerian son prisonnier.	62.b
Sathan & ses efforts contre l'Eglise.	5.a
Sathan s'est tousiours fait le singe de Dieu.	82.a
Sathan tasche d'empescher le cours de l'Euangile.	7.b
Sathan introducteur des heresies.	7.b
Sathan vaincu par la mort de Iesus Christ.	15.b
Sathan apres la mort des Apostres quels efforts il fait contre l'Eglise.	24.a
Sathan tente Iesus Christ, & est par luy repoulse rudement.	11.b. 12.b
Sathan agace quelque fois ses supposts contre Iesus Christ.	11.b
Senat aime par Traian.	29.b
Seneca precepteur de Neron, mourut par l'ordonnance de son disciple.	24.b
Seth & sa famille gardé de la tyrannie des meschans.	101.a
Seuerus mené en pompe avec Marc Aurele.	52.a
Seuerus doux du commencement, mais hypocrite.	52.a
Seuerus cruel, ses edicts contre les Iuifs & Chrestiens.	52.b
Seuerus comment aduancé, & sa gravité.	51.a. b. 52.a
Seuerus deuiant podagre, son fils conspire contre luy, ses domestiques le hayent, meurt de tristesse.	54.a
Seuerus, Affricain, ardent à apprendre les lettres Greques & Latines.	50.b
Seuerus eut plusieurs presages de sa future grandeur.	50.b. 51.a
Sexte Cheronense philosophe.	36.a
Silene d'Alcibiade.	106.a
Simonides deminde delay de plusieurs iours pour dire que c'est que Dieu.	79.a



# T A B L E.

<i>S. Simon aagé de six vingt ans crucifié.</i>	23. b
<i>Simon le magicien pere de tous les heretiques.</i>	77. a
<i>il se fait esleuer au ciel, se fait adorer comme Dieu.</i>	77. b
<i>Simon le magicien quelles heresies tenoit.</i>	78. a. b
<i>Simon le magicien vouloit achapter par argent le don du saint Esprit.</i>	21. a

## T

<b>T</b> <i>Abitha resuscitée par S. Pierre.</i>	20. b
<i>Tatianus discip'le de Iustin le martir.</i>	41. b
<i>Tertulian l'un des plus anciens docteurs de l'Eglise.</i>	42. a
<i>Thebes ville peuplee.</i>	39. a
<i>Theodose repris par S. Ambroise pour auoir fait occire grand nombre de gens.</i>	70. b
<i>Snordonnance de ne mettre à execution ses commandemens, sinon apres trente iours passéz.</i>	71. a
<i>Theodorus discip'le d'Ebion &amp; de Cerinthus.</i>	88. b
<i>Thob. le euesque Alexandrin esteint l'heresie des Antropomorphites.</i>	85. b
<i>S. Thomas transpercé de picques en Indee.</i>	23. b
<i>Tiree ville delicieuse.</i>	39. a
<i>Traian espauuencé du tremblement de terre.</i>	34. a
<i>Traian homme belliqueux, les peuples &amp; nations par luy subinguees.</i>	29. a
<i>Traian bien heurieux &amp; fortuné en ses entreprises.</i>	29. a
<i>Traian fit vn meschant edit contre les Chrestiens.</i>	30. b
<i>Traian gimoit ses soldats.</i>	29. a. b
<i>Traian respond à Plin pour la cause des Chrestiens.</i>	32. b
<i>Traian pour ses cruautez contre les Chrestiens sentit la main de Dieu.</i>	32. b. 33. a
<i>Traian empereur fait faire description des habitans de</i>	

# T A B L E.

Rome.	27. b
Traian grand iusticier.	28. a. b
Traian fait abolir plusieurs festes.	28. a
Traian ne prestoit l'oreille aux delateurs.	28. a
Traian incite à persecuter les Chrestiens, comment & pourquoi.	30. a
Traian a surmonté tous autres princes par equité & droicteure.	29. b
Traian baillant l'espee à ses Lieutenans ce qu'il leur disoit.	29. b
Traian appelloit le senat son pere.	29. b
Traian mourut d'un flux de sang.	34. b
Transfiguration de Iesus Christ.	20. a
Tremblement de terre horrible du temps de Traian.	33. a. b. 34. a
Trinité.	86. a. b
Trinité seule se congnoist soy mesme en sa diuinité.	88. a
Troye ville forte.	38. b

## V


Valerian pris par Sapor roy des Parthes quelle punition on il recut.	62. b
Valerian d'où & quel prince il fut	60. b
Valerian fut la huitiesme persecution.	60. b
Valerian du commencement clement aux Chrestiens, puis fort cruel.	61. a
Valerian amateur de la magie.	61. a
Valentin depouille Iesus Christ de son humanité.	90. b
Veliut Epagatus mar. ir.	40. b
Vengeance de Dieu pour les pechez du prince.	43. b
Vengeance de Dieu voulant punir le sang des Chrestiens.	69. a. b. 70. a. b
Volcatius Messianus Iurisperite.	36. a

Z.

**Z**acharie prestre de Vienne, martir. 40.b  
Zenobie extraicte des Rois d'Egypte, la plus illustre  
femme du monde, prise par Aurlian. 63.b  
Zenobie conduicte en triumphe, visitee & consolee par  
les dames Romaines, vesquit encor dix ans. 63.b. 64.a

Fin de la Table.





25

160

✓

JP/13

2014

/ @ 200

EAS76  
B662h

2  
4



